







উপন্যাস নিরীক্ষের উনবিংশ সংখ্যা

# শিবরাত্রি

শ্রীযুক্ত কালীপ্রসন্ন দাশগুপ্ত এম্, এ  
প্রণীত ।

১লা চৈত্র, ১৩২৭ ।

শিশির পাবলিশিং হাউস,  
কলেজ স্ট্রীট মার্কেট,  
কলিকাতা ।

মূল্য ১/- এক টাকা ।



প্রকাশক—

শ্রীশিশিরকুমার মিত্র, বি, এ.

“শিশির পাবলিশিং হাউস”

কলেজ ষ্ট্রীট মার্কেট,

কলিকাতা ।

পুস্তক সংখ্যা

পুস্তক সংখ্যা 384

প্রিণ্টার—আবদুল গফুর,

নিউ ব্রিটেনিয়া প্রেস

২৪২-১, অপার সারকুলার রোড,

কলিকাতা ।

সত্যং শিবং সুন্দরম্ ।

পরমশ্রেষ্ঠাম্পদা

শ্রীমতী ছায়া দেবীকে

এই

‘শবরাত্রি’

উৎসর্গ করিলাম।

আশীর্বাদ করি

জীবন তার শিবময় হউক !!



# শিব-রাত্রি

১

“ও পিসিমা ! পিসিমা !—দেখ গো, কে এসেছে দেখ !”

“কে রে ! বাবা যোগিন্ এলি ! আহা ! আর বাবা আর !  
কত কাল যে মুখখানি দেখি নি !”

বলিতে বলিতে বৃদ্ধা পিসিমা ভাগীরথী দেবী গৃহ হইতে বাহির  
হইয়া প্রণত ভাতৃপুত্র যোগিন্দ্রনাথকে বুকে জড়াইয়া ধরিয়া একে-  
বারে কাঁদিয়া ফেলিলেন ।—

“ওরে, না নেই বাপ নেই—পুণ্য ছিল, তারা স্বর্গে গেছে,  
—বুড়ো একটা পিসি কন্দের দোষে এই পাণ্ড পিখিমীতে প’ড়ে  
আছি,—তা কি এমনি ক’রে ভুলে থাকতে হয়রে বাবা !”

যোগিন্দ্রনাথ কহিলেন, “ভুলে কি আর আছি পিসি মা ? চাঁট  
পতুর ত লিখ্ছি ।”

“তা ত লিখ্ছি, —খরচ পতুরও বন্দন এখন যা দরকার হয়  
দিচ্ছি ! তা মুখখানি চোকে না দেখলে কি বুকে জুড়োয়

## শিব-রাত্রি

বাবা ? এই ত কত বছরের মধ্যে বাড়ী মুখো একবার হ'লি নে !  
ঘর দোর সব ত গোল্লায় গেল । এই আমি যে কদিন আছি,  
এর পর তোর বাপপিতেমোর ভিটে যে একেবারে শেয়াল কুকুরের  
বাসা হবে । বেস্মজ্ঞানী হ'য়েছি, না হয় পাল পার্শ্বণ কিছু  
ক'রবি নে,—তা বাপপিতামোর বাস্তুভিটে—তা কি এমনি ক'রে  
অধার ক'রে রাখতে আছে বাবা ?”

যোগীন্দ্রনাথ একটু হাসিয়া উত্তর করিলেন, “কি ক'রব  
পিসিমা ! জাতমারা ক'রে রেখেছ তোমরা, গাঁয়ে এসে কি থাক-  
বার ঘো আছে ?”

“তা কেন থাকবে না ? এসে যদি মাঝে মাঝে থাকিস, ধ'রে  
কি আর কেউ মার্ত তোকে ? তবে বেস্মজ্ঞানী হ'য়েছি, জাত  
ধর্ম কিছু মানিস নে, খাওয়া দাওয়া তোর সঙ্গে কেউ ক'রবে না ।  
তাই বলে কি লাঠি মেরে কেউ তোদের তাড়িয়ে দিতে পারে ?  
গাঁয়ে ত মোছলমানও কত আছে । আছে, তাদের ধর্ম নিয়ে তারা  
আছে । কে তাদের কি ব'লতে যায় ? তোরা কি তাদের  
চাইতেও আলাদা হ'য়ে গেছিস ? আর তোদের যে' বেস্ম—  
তাঁর পূজো কি আমরাই করি নে ? এই ত গিরোদা (গৃহদাহ)  
হ'লে সবাই বেস্মপূজো করে—আবার গে—”

যোগীন্দ্রনাথ হাসিয়া কহিলেন, “ও পিসিমা, আমরা তোমাদের  
সে বেস্মের পূজো করি নে,—জান্লে ?”

“ওমা, তবে আবার কোন্ বেস্তার পূজা ক’রিস্। কয়জন বেস্তা আবার আছেন রে?”

“আমরা ত বলি একজন,—আর তিনি ‘ব্রহ্ম’। আর তোমরা সেই তেত্রিশ কোটী দেবতার সঙ্গে যার পূজা কর, তিনি হ’লেন ব্রহ্ম।”

“ওতাই বল্! তা তফাৎ ত হবেই। শ্যাম হ’লেন কেউ, আর শ্যামা হ’লেন কালী। ওই একটা ‘আ’ তেই কত তফাৎ হয়ে গেল। তা তোদের বেস্তা কেমন রে? কি বেস্তান পড়িস্?—”

যোগেন্দ্রনাথ কহিলেন, “পিসিমা! এ সব ধর্ম্যতত্ত্বের কথা এখন থাক্। তা এলাম এদিন পরে, দুটি খেতে টেতে দেবে ত? না, বল, শুধু তোমার পায়ের ধুলো নিয়েই—কালীনগরে ঢ’লে বাই,—সেইখানে গিয়েই খাওয়া দাওয়া ক’রি গে।”

“বাট! কালীনগরে কেন যাবি খেতে? বাড়ীতে এলি এত কাল প’রে—বুড়ো একটা পিসি র’য়েছি—তা খেতে যাবি দুটো কালীনগরে! ওমা, বলে কি? কেন, কালীনগরে কি?”

“সেইখানেই দেবেনদের বাড়ীতে একটা কাজে এসেছিলাম।”

“ও তাই বল্! আমিও শু বলি, বলি যোগীন্ হঠাৎ কেন বাড়ীতে এল? বুড়ো পিসির এত বড় ভাগ্যি আজ কিসে হ’ল? তা কালীনগরে এসেছিলি,—তাই বুঝি দয়া ক’রে একটু দেখা দিতে এলি? হারে কপাল!”

## শিব-রাত্রি

“ষেখান থেকেই যে ভাবে এসে থাকি, দেখা ত পেলো পিসিমা ?  
তা, না এলে বুঝি ভাল হ’ত ?”

“ষাট্ ! ষাট্ ! অমন কথা ব’লতে আছে রে যোগীন ?  
এসেছিস্, তবু মুখখানি একবার দেখলাম । তা, আয় ঘরে আয় !  
কাপড় চোপড় ছেড়ে একটু বোস্, ঠাণ্ডা হ । ডাব আছে, পেপে  
আছে, কেটে কুটে দি, খা । তারপর মাছের ঝোল ভাঙ বেঁধে  
দিচ্ছি,—ও বাড়ীর তারককে পরসাদ দেব, সে মাছ তরকারী দুধ  
কিনে দেবে এখন । আয়, ঘরে আয় !”

“ঘরে কি নেবে পিসিমা ? আমার যে জাত গেছে—”

“বালাই ! জাত কেন যাবে ? একেবারে মোছন্মান থিষ্টেন ত  
হ’স্নি আর ! তবে অনাচার টার করিস্—তা একটু দাঁড়া বরং—  
আমার শিবের আর মালার ডুঙ্গিটা আর জলের কলসীটা চালায়  
নিষে রেখে আসি !”

“আবার অতটা হাঙ্গামা ক’র্বে ! তা, ঘরে নাই গেলাম ।  
এই বারান্দাতেই বেশ দিনটা কাটিয়ে দিতে পারব । সন্ধ্যা বেলায়  
ত চ’লেই যাব ।”

“ওমা ষাট্ ! তাও কি হয় ? ঘরের ছেলে ঘরে একবার আস্বি  
নে ? তুই আজ বাড়িতে এসেছিস্, বারান্দায় বসে থাকবি, আমি  
তাই প্রাণে ধ’রে দেখতে পারি ? হাঙ্গামা আর কি ? কি জানিস্  
বাবা, তোরা অনাচার ক’রিস্, মনটা খুঁৎ খুঁৎ করে,—তা আমরা

পাপী মানুষ কিনা, তাই। নইলে দেবতার কি আর ছুঁৎ লাগে ? দেবতা কোথায় না আছেন ?”

ভাগীরথী ঘরে উঠিয়া মালার ডুগি, জলের কলসী, পূজার ও আহাৰ্য্যের আরও দুই চারিটা জিনিষ চালায় নিয়া রাখিয়া আসিলেন। চারিদিকে আর একবার চাহিয়া দেখিলেন, এমন আর কোনও দ্রব্য আছে কি না, বিধর্মী ভ্রাতৃপুত্রের গৃহ প্রবেশে যাহার বিগত্বি ক্ষুণ্ণ হইতে পারে। কিন্তু চোখে কিছু পড়িল না। ভাবিলেন, দূর হ’ক ছাই, না হয় একটা জিনিস ফেলাই যাইবে। তাই বলিয়া যোগীন্ কতক্ষণ পরের মত বাহিরে বসিয়া থাকিবে ?

“আয় ঘরে আয় ! হাস্‌ছিচ্‌ যে ! ভাব্‌ছিচ্‌ বুড়ীকে ছুঁৎ রোগে ধ’রেছে ?”

যোগীন্দ্রনাথ ঘরে উঠিতে উঠিতে কহিলেন, “বুড়ী গুঁড়ী—ছুঁৎ রোগ ত তোমাদের সবারই আছে।”

“তা জাতধর্ম একটা থাকলে তা মেনে চ’লতে হয় না কি ? তবে মহাপুরুষ কি যোগী সন্ন্যাসী যারা—তারা আচার নিয়ম গুনেছি কিছু মানেন না। তা আমাদের কি আর তেমনি পুণ্যব জোর আছে বাবা ?”

যোগীন্দ্রনাথ আর কোনও বাগ্‌বিতণ্ডা না তুলিয়া জামা উড়নী ছাড়িয়া রাখিয়া পিসিমার আস্তত মাহুরটির উপরে বসিলেন।—সকালে বন্ধুর গৃহ হইতে প্রচুর ‘চা’ যোগ করিয়াই আসিয়াছেন।



## শিব-রাত্রি

পিসিমার প্রদত্ত গ্রাম্য ফলসহ জলযোগে বিশেষ স্পৃহা তাঁহার ছিলনা, কিন্তু পিসিমার মন ও মান রক্ষার্থ কিছু ‘মুখস্থ’ ও উদরস্থ করিতেই হইল। নতুবা সর্বনাশ! পিসিমার সজল অনুরোধে হৃদয়স্থ করিতে তাঁহাকে নিতান্তই দুঃস্থ হইয়া পড়িতে হইত। ভাতুস্পুত্রকে জলপানে কিঞ্চিৎ সুস্থ করিয়া ভাগীরথী বাজার হইতে ত্বরিত মাছ তরকারী দুধ ইত্যাদি আনাইলেন,—দ্বিপ্রহরের মধ্যেই পাঁচ ভাগ রাঁধিয়া আনিয়া কাছে বসিয়া খাওয়াইলেন,—তারপর বিশ্রামের জন্য যথালভ্য শয্যা পরিপাটি পূর্বক বিছাইয়া দিলেন। যোগীন্দ্রনাথ ফুল ভাল বাসিতেন, কতকগুলি ফুল আনিয়াও বালিশের কাছে রাখিলেন। শেষে উচ্ছিষ্ট বাসন মাজিয়া আনিয়া, নিজে স্নান করিয়া আসিলেন। চালায় গিয়া গঙ্গাজল স্পর্শ করিয়া পূজা আহ্নিক সারিলেন,—নিজের হবিষ্য পাক করিয়া আহার করিলেন। এই বৃদ্ধবয়সেও পিসিমার কৰ্ম-কুশলতা, ক্ষিপ্ৰকারিতা দেখিয়া যোগীন্দ্রনাথ একেবারে বিস্মিত হইয়া গেলেন।

একটু গড়াগড়ি দিয়া ভাগীরথী উঠিলেন। তখন বেলা পড়িয়াছে, একবারি ক্ষীর, কিছু মুড়ী, কলা ও মিষ্ট আনিয়া ভাতুস্পুত্রের সম্মুখে রাখিলেন।

যোগীন্দ্রনাথ চমকিয়া কহিলেন, “কি সর্বনাশ! তুমি কেপেছ পিসিমা? এ খাবে কে? আমি কি আর সেই ছেলে মানুষটি এখনও আছি?”

ভাগীরথী গালে হাত দিয়া কহিলেন, “ওমা বলে কি ! কত বুড়ো হ’য়েছি সু রে যোগীন্ ? বয়েস ত এই বিয়াল্লিশ মোটে হ’ল । তোরা বাবা বায়ান বছর বয়সেও অমন ছ’ তিনবাটি ক্ষীর খেতে পারত । সঙ্গে আরও কত আম খেত, কাঁটাল খেত——”

যোগীন্দ্রনাথ হাসিয়া কহিলেন, “তোমার সে বুকোদরের ছাপর যুগ এখন আর নেই পিসিমা ; তোমরাই ত ব’লে থাক ঘোর কাল উপস্থিত ! তা কলি কিনা, মানুষ সব বেজায় ক্ষীণজীবী হ’য়ে প’ড়েছে । চল্লিশ পার হ’লেই এখন সব বুড়ো, আর সবারই অস্থল অজীর্ণ হয় ।”

“পোড়া কপাল ! তাই ব’লে এই ক্ষীরটুকু খেতে পারিনি । সবে ত একসের দুধ মেরে এই ক্ষীর ক’রেছি ।”

“সর্বনাশ ! এক—সের—দুধের ক্ষীর ! পাতলা এক পোয়া দুধ যে এখন পেটে সয় না ।”

“অবাক্ ক’লে ! ক’দিন তা হ’লে আর বাঁচবি ? পোড়া যম ত আমাদের চক্ষে দেখবে না । কত কাল যে আর এই পাপের বোঝা বহিব,—আর কত দুঃখই যে অদেষ্টে আরও আছে ! তা খা—খা ! ওরে, আমি ব’লছি কিছু হবে না ।”

“তুমি বললেই যদি কিছু না হ’ত পিসিমা, তবে আর ভাবনা ছিল কি ? তুমি ত একশ বছর পরমায়ু হ’ক, একথা হাজার

## শিব-রাত্রি

বার আমাকে ব'লেছ। তা বে হবে না, এ কথা লিখে প'ড়ে দিতে পারি।”

“কেন হবে না? খেলেই প্রমাই বাড়ে। এই বিয়াল্লিশ বছর বয়সে এক পোয়া দুধ খেতে পারবিনে, প্রমাই দাঁড়াবে কিসের জোরে? খুব খা দা, দেখিস্ প্রমাই হবে।”

“ওই ক্ষীর যদি খাই, প্রমাই আজ এই বিয়াল্লিশেই দাঁড়াবে। এক পাও আর এগোবে না।”

“বালাই! বালাই! অমন কথা ব'লতে আছে? আমি হাতে ক'রে এনেছি, ও অমেত্ভো। তা সব না খাস্, একটু খানি গালে তুলে দে। নইলে প্রাণটা আমার পুড়ে ছাই হ'য়ে যাবে।”

ক্ষীরের বাটী পিসিমা ভাতুপুত্রের সম্মুখে সরাইয়া দিলেন।—

“তা হ'লে—একটু খানি হাতে তুলে বরং দেও—ছুঁয়ে আর নষ্ট কেন ক'র্ব? পাড়ার ছেলেরা খাবে।”

“তা খাবে। তাদের আবার জাত বিচের আছে কিনা? আরও আজকাল কার ছেলে। খা' না তুই তুলে একটু—”

যোগীন্দ্রনাথ একটুখানি ক্ষীর তুলিয়া লইলেন। ভাগীরথী একটা সন্দেশও হাতে গুঁজিয়া দিলেন। অগত্যা তাহাও মুখে দিয়া হাত মুখ ধুইয়া যোগীন্দ্রনাথ কহিলেন, “তা হ'লে আজকে উঠি পিসিমা। থাকতে আর পারব না,—আজ রাত্তিরেই ওখানে কাজ আছে।”

“তা কবে যাবি ক’ল্কেতা ?”

“কালই যেতে হবে ।”

“তা আমাকেও কেন অম্নি নিয়ে যা না ?”

“তুমি ! তুমি যাবে ক’ল্কেতার ? বল কি পিসিমা ?”

ভাগীরথী একটি নিশ্বাস ছাড়িয়া কহিলেন, “তা যদি নিয়ে যেতিস্• বাবা—গঙ্গাস্নান ক’রে কালীদর্শন ক’রে আস্তাম । কপালে ত তা ঘটেই না । বোমাকে, ছেলেমেয়েদের কতকাল দেখিনি । সেই উমিকে কোলে নিয়ে কত কাল হ’ল এসেছিল— আর বাছাদের চক্ষেও দেখিনি ।”

যোগীন্দ্রনাথ কি ভাবিয়া একটু হাসিলেন, শেষে কহিলেন,—

“তা—আমাদের থিষ্টেনী বাড়ীতে কি তোমার পোষাবে পিসিমা ?”

“তা তোরা ত একেবারে থিষ্টেন হ’স্ নি !—তারা থিষ্ট ভঞ্জে, গরু গুয়োর খায় । রাম বল ! তা তোরা হ’লি বেক্সজানী, অত অনাচার ত করিস্ নে । না, করিস্ ?”

“না—অতটা করিনে পিসিমা, তবে—”

“তবে আর কি ? আর কিছু বলিস্ নে, আমি শুনতে চাই নি । তা আমার নিয়ে চ, আলাদা একটা ঘরে থাক্ব,— একটু গঙ্গাজল আনিরে দিস্, পুজো আহ্নিক ক’রব, একমুঠো হবিষ্য রেঁধে খাব ! তোদের অনাচারে আমার কি আস্বে যাবে ?”

## শিব-রাত্রি

“তা যেতে চাও যাবে,—কিন্তু অসুবিধে—তোমার কিছু হবে। সেটা বোঝ—”

“কিছু অসুবিধে হবে না আমার। তীর্থে যাব—অসুবিধে কিছু হ’লেই বা কি? ছুদিন না খেলেই বা কি এসে যাবে?—তোমার বাড়ীতে প’ড়ে আছি—গেলেই ত এদিককার সব ফুরিয়ে গেল। এই একটা আবদার আমার রাখিনি যোগীন্?”

“আচ্ছা ইচ্ছে যদি এতই হ’য়েছে, যাবে। তৈরী হ’য়ে থেকো। সন্ধ্যার পর আমি এসে তোমায় নিয়ে যাব।”

## ২

পিসিমাতার নিকট হইতে বিদায় গ্রহণ করিয়া কিছু চিন্তাকুল চিত্তে যোগীন্দ্রনাথ বন্ধুর বাড়ীতে ফিরিয়া আসিলেন। চিন্তার কারণ ছিল। যোগীন্দ্রনাথ নিজে যারপরনাই সদাশয় ও আনন্দময় স্বভাবের লোক ছিলেন। কলিকাতায় যখন তিনি কলেজে পড়িতেন, তখন ব্রাহ্মসমাজে খুব যাতায়াত করিতেন, কতিপয় ব্রাহ্ম যুবকের সঙ্গে বন্ধুত্বও জন্মে। ক্রমে ব্রাহ্মপরিবারভুক্তা আই এ পরীক্ষোত্তীর্ণা রূপবতী কোন যুবতীর প্রতি চিত্তও বিশেষ আকৃষ্ট হইল। ইহার সঙ্গে দাম্পত্য মিলনের প্রয়োজন যখন অতি তীব্রভাবেই অনুভব করিলেন, তখন ব্রাহ্মধর্মের প্রতিও মনের বিশ্বাস ও শ্রদ্ধা তিনি আগাইয়া তুলিলেন। পিতামাতা তখন

পরলোকে । ইহলোকে এক বিধবা পিসিমা ছিলেন । দীক্ষা ও উদাহ—পর পর দুইটি সংস্কার সহজেই সম্পন্ন হইয়া গেল । তারপর পিসিমার আশীর্বাদ প্রার্থনা করিয়া এক পত্র লিখিলেন । তখন আর পিসিমা কি করিবেন ? পরলোকগত ভ্রাতৃ-ভ্রাতৃবধূ, পিতামাতা প্রভৃতি প্রিয়জনসমূহের জলপিণ্ড তর্পণাদির অভাবজনিত দুর্গতির কথা স্মরণ করিয়া, যথাবিধি বিলাপ পরিতাপ পূর্বক ভ্রাতৃবংশতিলক সবধু শ্রীমান্ যোগীন্দ্রনাথকে আশীর্বাদ করিয়া উত্তর পাঠাইলেন । প্রজাপতির আশীর্বাদে ও ষষ্ঠীদেবীর কৃপায় বহু সুসন্তান তাহাদের হউক, জলপিণ্ডাদির অভাবে ক্ষুৎপিপাসায় তাঁহারা যতই ক্লিষ্ট হউক, বংশের অস্তিত্ব এ পৃথিবীতে বর্ত্তমান রহিবে, পুণ্যম নরকে তাঁহাদিগকে পতিত হইতে হইবে না, ইহাই তাঁহাদের কতকটা সাধনার স্থল হইবে তা অভাগী পিসিমাতাকে যোগীন্ যেন একেবারে বিস্মৃত হইয়া যায় না, মধ্যে মধ্যে তাহাদের চন্দ্রবদনদয় দর্শনে যেন তিনি পরিতৃপ্ত হইতে পারেন । ইত্যাদি ।

প্রথমে কিছুকাল মধ্যে মধ্যে পিসিমাতাকে এই সুধাবিতরণে যোগীন্দ্রনাথ কার্পণ্য বড় করিতেন না । ক্রমে যখন ছোট ছোট আরও দুই একটি চন্দ্রের উদয় হইতে আরম্ভ করিল, পৌত্তলিকতার কোনও কলঙ্কপাত কোমল সেই চাঁদগুলিতে পাছে হয়, এই ভয়ে তাহাদের জননী অননুয়া বড় ভীত হইয়া উঠিলেন । বর্ষার জঙ্গলের

## শিব-রাত্রি

মতই পৌত্তলিকতা পল্লীগ্ৰামগুলিকে ছাইয়া ঢাকিয়া আঁধার করিয়া রাখিয়াছে। কে জানে, কোন অলক্ষ্য সূত্র ধরিয়া সেই জঙ্গলের কোন কণ্টকিত গুল্ম ইহাদের উর্বরহৃদয়ক্ষেত্রে অঙ্কুরিত হইবে, কোন আঁধার ছায়া তাহাদের নিশ্চল চিত্তফলকে ছুরপনের কাল দাগ ফেলিবে,—তাই ইহাদের লইয়া কিছুতেই আর তিনি পল্লী-গ্রামে যাইতে চাহিলেন না।—সেই অবধি যোগীন্দ্রনাথ নিজেও আর বড় বাড়ী আসিতে পারেন নাই। যখন একটু আধটু ইচ্ছা হইয়াছে, অনসূয়া নানা রকম অসুবিধা দেখাইয়াছেন। শেষে এই ইচ্ছা হওয়াটার তাঁহার দূর হইয়া গেল।

এখন পৌত্তলিকতার প্রতি এতাদৃশী বিদ্বেষিণী অনসূয়া যে গৃহের কর্ত্রী, সেই গৃহে পরমপৌত্তলিক। পিসিমাতার অবস্থান যে নানা রকমে অতি অশান্তিজনক হইবে ইহা উপলব্ধি করিয়া যোগীন্দ্রনাথ সতাই বড় চিন্তিত হইয়া উঠিলেন। কিন্তু উপায়ান্তর ছিল না। পিসিমা এমন ধরিয়া পড়িলেন,—এখন কি প্রকারে তিনি বলিবেন, না, তোমাকে আমার বাসায় লইয়া যাইতে পারিব না?—যাহা হউক, নিতান্ত যদি অসুবিধা দেখা যায়, বাসার পাশেই তাঁহার বন্ধু অনিলবাবুর বাসায় পিসিমাতা যে কয়দিন থাকেন রাখিয়া দিবেন। এই অনিলবাবু উদার মতালম্বী হিন্দু—অর্থাৎ হিন্দু সমাজভুক্ত, কিন্তু কোনওরূপ ধর্ম্মানুষ্ঠান গৃহে কখনও হয় না। সুতরাং ইহার সঙ্গে স্বামীর ঘনিষ্ঠ বন্ধুত্বে অনসূয়ার

কোনওরূপ আপত্তি ছিল না।—ছেলেমেয়েরাও সর্বদা ইঁহার গৃহে বাইত। ইঁহার গৃহে অবস্থিতি হেতু তাহাদের মুখদর্শনসুখে পিসিমা বঞ্চিত হইবেন না,—আবার, অনিলবাবু এবং তাঁহার স্ত্রীও আদর করিয়া পিসিমাতাকে রাখিবেন।

তবে পিসিমাতাকে লইয়া গিয়া একেবারে বাসায় উঠিবেন, অপ্রত্যাশিত এই অতি অপ্রীতিকর ও ভয়াবহ ঘটনায় না জানি অনসূয়া কি দিশী একটা কাণ্ড ঘটাইয়া ফেলেন! তাই তাঁহাকে পূর্বেই একটু সাবধান করিবার অভিপ্রায়ে একটা টেলিগ্রাম করিয়া দিলেন, পিসিমাতাকে লইয়া পরদিন প্রাতঃকালে তিনি কলিকাতায় পৌঁছিবেন।

যথাসময়ে যোগীন্দ্রনাথ পিসিমাতাকে লইয়া কলিকাতায় পৌঁছিলেন। পূর্বে যে সংবাদ পাঠাইয়াছিলেন, তাহাতে অবশ্য এইটুকু সুবিধা হইল যে তাঁহার দর্শনমাত্র অনসূয়ার মূর্ছা হইল না,—অথবা এমন কিছু একটা গোলমাল তিনি করিলেন না, যাহাতে যোগীন্দ্রনাথ পিসিমাতার নিকটে অতি অপ্রতিভ হইয়া পড়িতে পারেন।—অতি গম্ভীর বদনে একটি নমস্কার করিয়া তিনি বৃদ্ধা পিসী শান্তি'ডীকে বসিবার জন্ত একখানি চেয়ার দেখাইয়া দিলেন। ছেলেমেয়েরাও তদ্রূপ নমস্কার করিয়া একটু দূরে দাঁড়াইয়া মিটিমিটি হাসিতে লাগিল,—মাতৃশাসনভয়ে কাছে ঘেঁসিয়া বেনী কথা কহিতে সাহস পাইল না। ভাগীরথীরও



## শিব-রাত্রি

মনটা কেমন দমিয়া গেল।—নাতিনাতিনীদেব আদর করিয়া কাছে ডাকিতে পারিলেন না। ভাতৃপুত্রবধু-নির্দিষ্ট চেয়ারখানির দিকে একবার দৃষ্টিপাত ভাতৃপুত্রের মুখপানে ফ্যাল ফ্যাল করিয়া তিনি একবার চাহিয়া রহিলেন। ষোগীন্দ্রনাথ একটু হাসিয়া কহিলেন, “উম্মি, তোর দিদিমাকে একখানা আসন টাসন কিছু এনে দে।”

কণ্ঠা উম্মিমাল্য একখানি আসন আনিয়া মাটিতে পাতিয়া দিয়া কহিল “এইথেনে বসুন দিদিমা।”

ভাগীরথ নিঃশব্দে সেই আসনে বসিলেন।—ষোগীন্দ্রনাথ কহিলেন, “কোন ঘরে উনি থাকবেন ঠিক করেছ?”

অনস্থয়া পূর্ববৎ গম্ভীর ভাবে উত্তর করিলেন, “এ দিক্কার সব ঘরই ত অকুপায়েড ( জোড়া ), ফার্ণিচার ( আসবাবপত্র ) সব রিস্ত্রভ করে ( সরিয়ে ) একটা যায়গা ক’রে দেওয়া সোজা নয়। বারান্দার ওদিকে বাথরুমটার পাশে যে ছোট ঘরটা আছে—ময়লা কাপড়চোপড়গুলো রাখা হত, সেইথেনে থাকতে পারেন।”

“রান্নাবান্না?”

“আমাদের ত বামুনেই রান্না,—নিরমিষ তরকারীও হয়।—তা ওঁর যদি তেমন প্রেজুডিস্ ( কুসংস্কার ) থাকে, ঐ ঘরেই আলগা উম্মুনে রেঁধে খেতে পারেন।”

“আচ্ছা, তাই হোক আজকে ত! ও বেহারী, ওরে

পিসিমার জিনিষপত্রগুলো ওই বাথরুমের পাশের ঘরটাতে নিয়ে যা ত।”

ভূত্য বেহারী ঘরে ঢুকিতেই ভাগীরথী তাঁহার মালার ও শিবের ডুঙ্গিটি সরাইয়া নিজের কাছে রাখিলেন। বেহারী জিনিষপত্র লইয়া গেল। উদ্ভি পিতার আদেশ পাইয়া ভাগীরথীকে লইয়া গিয়া সেই ঘরে পৌঁছিয়া দিল।

তখন অননুয়া কহিলেন, “তুমি একি কাণ্ড করলে বল দিকি?”

“কি করব অনু, উনি ধরে প’লেন—”

“তাই বলে একটিবার আমাকে জিজ্ঞাসা কলো না, আমার সুবিধে অসুবিধে কি হবে কিছু জানলে না, একেবারে বাড়ীতে এনে তুলে,—এটা কি তোমার উচিত হ’য়েছে?”

“কেন, টেলিগ্রাম ত করেছিলাম কাল।”—

“সে ত খবর দিয়েছিলে ওঁকে নিয়ে আস্ছ। আমার মতের অপেক্ষা ত করনি।”

“সময় পেলুম কই অনু? তা কি আর অসুবিধে এমন হবে? ওই একপাশে উনি থাকবেন, দুটি বেঁধে থাকবেন, ক্ষতি আর কি হবে?”

রুক্মস্বরে অননুয়া উত্তর করিলেন, “শুধু বেঁধেই যদি দুটি খেতেন, ক্ষতি এমন কিছু ছিল না। উনি হুঁতাইতে যাবেন :। গঙ্গায়—পূজা আহ্নিক করবেন—”

## শিব রাত্রি

“তা ত করবেনই । কিন্তু তাতেই বা আমাদের ক্ষতি কি ?”

“না, আমাদের এ ঘরে ওসব চ’লতে পারে না ।—পৌত্তলিকতার কোনও অনুষ্ঠান এখানে হ’তেই পারে না ! গৃহের পবিত্রতা আমি নষ্ট হতে দিতে পারিনে ! যা পাপ বলে মনে করি, নিজের ঘরে তার কোনও প্রশ্রয় আমি দিতে পারব না । ছেলেমেয়ের সামনে অতি কুদৃষ্টান্ত এতে দেখান হবে । এর পর তারা যদি কোন অত্যাচার করে, কি ব’লে শাসন করব ? আর এও ত জান, এই সব পাপের সংস্পর্শ হতে দূরে কত সাবধানে আমি ওদের রাখি ।”

“বল কি অনু ? চুরীও না, ডাকাতিও না, নিজের ঘরে ব’সে উ’নি পূজো আহ্নিক ক’রবেন—তাতে কি এমন পাপ আমাদের হবে ?”

অনহুয়া দৃঢ়স্বরে উত্তর করিলেন, “পৌত্তলিকতার উপরে আর বড় পাপ কিছু নেই,—হ’তে পারে না ! কারণ ঈশ্বরের অবমাননা হয় এতে । ব্রাহ্মগৃহে কোনও পৌত্তলিক অনুষ্ঠান হ’তেই পারে না ।”

“বড় যে সর্বনেশে কথা ব’লছ অনু ! গঙ্গাস্নান না ক’রে, পূজো আহ্নিক না ক’রে, যে উনি খাবেনই না কিছু । বড়ো পিসি, শেষে উপোস করিয়ে মারব !”

“আগেই এটা ভাবা উচিত ছিল তোমার ! আমাকে যদি

জানাতে, আমি বুঝিয়ে দিতে পাতুম, এ বাড়ীতে একদিনও ঔর থাকা চলতে পারে না।”

“তা হ’লে এখন কি বল ? ঔকে কি বাড়ী থেকে পথে বের ক’রে দেব ? সেটা কি দয়ার কাজ হবে, না ভদ্রতার ব্যবহারই হবে ?”

অনঙ্গী নীরবে কিয়ৎকাল ক্রকুটি করিয়া থাকিয়া কহিলেন,  
“কদিন ঔকে রাখতে চাও এখানে ?”

“কদিন আর চাইনে অম্মু। যদি বল, কালই অনিল বাবুকে ব’লে তাঁর বাড়ীতে নিয়ে ঔকে রেখে দেব। কিন্তু উনি আমার পিসি—মাতে আর ঔতে তফাৎ কিছু দেখিনি কখনও।—বাড়ীতে নিয়ে এসেছি, এক সন্ধ্যা অন্ততঃ না থাইয়ে ঔকে বের ক’রে দিতে পারব না। খাওয়াতে হ’লে, ঔকে গঙ্গাস্নান করাতে হ’বে, ঔর পূজা আহ্নিকের ব্যবস্থাও সব ক’রে দিতে হবে। পাকের জন্মে গঙ্গাজল আনিয়ে দিতে হবে। আর ওই বাথরুমের পাশের ঘরে ঔকে যাবগা দিয়েছ, আজ মেথর ঔর দোরের কাছ দিয়ে সেখানে যেতে পারবে না।”

অনঙ্গী চমকিয়া উঠিলেন।

“সর্বনাশ ! সে কি ক’রে হ’তে পারে ? মেথর ত এই ন’টার আসবে, আবার বিকেলে আসবে, —ঘর ধুয়ে ফেনাইল না

## শিব-রাত্রি

দিয়ে গেলে দুর্গন্ধ হবে যে, ছেলেপিলেদের হেল্‌থ এফেক্ট ক'রবে (স্বাস্থ্যহানি হবে) যে !”

যোগীন্দ্রনাথ কহিলেন, “হয় অণু একটা ঘর ওঁকে দেও, না হয় বাথরুম আজ ব্যবহার ক'রো না,—আর না হয় উন্মি নিজে গিয়ে ধু'য়ে ফেনাইল দিয়ে আসবে। না, ফেনাইল দরকার নেই। ওঁকেও ত যেতে হবে ! গোবর দিয়ে বরং——”

“গোবর ! ক্ষেপেছ তুমি ! গোবর !” গোবরের নামে বিকট চিৎকার করিয়া উঠিয়া অনশ্রু প্রায় মুচ্ছা যাইবার মত হইলেন।

“ওগো গোবরটা নেহাৎ অশুদ্ধ জিনিস নয়,—ওটাও ভাল একটা disin-fectant (শোধক দ্রব্য)। কেমন পারবিনা উন্মি ?”

উন্মি কহিল, “কেন পারব না ? আজকে আমিই ঘর ধুয়ে টুয়ে দেব——”

ক্রকটিকুটিল অগ্নিদৃষ্টিতে অনশ্রু উন্মির দিকে একবার চাহিলেন। কিন্তু দৃষ্টি ব্যর্থ হইল। মাতার নিকট হইতে এইরূপ একটা রোষপ্রকাশের সম্ভাবনা বুঝিয়া উন্মি সে দিকে আদৌ ফিরে নাই,—পিতার মুখের দিকেই চাহিয়াছিল।

যোগীন্দ্রনাথ কহিলেন, “বেশ ত, তুই ক'রবি। এ সব মাঝে মাঝে নিজেদের হাতে করা ভাল,—নইলে কেউ পারে না। মেথর যদি দৈবি একদিন না এল, একেবারে অসহ্য হয়ে প'ড়তে

হয়। বামুন না এলে তবু হোটেল গিয়ে কি খাবার টাবার এনেও একদিন চালিয়ে দেওয়া যায়। কিন্তু মেথর নইলে একটি দিনও চলেনা। যত সভ্য হচ্ছি আমরা, ততই অন্নের উপরে নির্ভরতা আমাদের বাড়ছে। মেথররা যদি ধর্মঘট একদিন করে, সহর শুদ্ধ লোকের ত্রাহি ত্রাহি ডাক ছাড়তে হয়। তবে কি বল অমু? এই বন্দোবস্তই আজ হ'ক। কাল সকালেই ওঁকে অনিলবাবুদের বাড়ীতে রেখে আসব।”

অনসূয়া নিতান্ত অপ্রসন্নভাবে কহিলেন, “তা—উপায় যদি আর নাই থাকে, একদিন কাজেই এটা সহিতে হবে,—যদিও গৃহের পবিত্রতা নষ্ট ক'রতে আমি একেবারেই রাজি নই।”

যোগীন্দ্রনাথ একটু হাসিয়া কহিলেন, “তা নাহয় অমুতাপ ক'রে কাল এ জন্ত একটা বিশেষ প্রার্থনা করা যাবে।”

অনসূয়া কহিলেন, “কেন, উনি কি একদিন আমাদের ধর্মঘরের মর্যাদা রাখতে পারেন না?”

“কি, গঙ্গান্নান পূজা আত্মিক সব ছেড়ে? না, তা পারেন না। না থেরে বরং দুদিন কাটিয়ে দিতে পারেন,—কিন্তু এটা বাদ দিতে পারেন না।”

অনসূয়া কহিলেন, “তা হ'লে তুমি নিজের যা হয় কর গে। আমি সে সব বন্দোবস্ত কিছু ক'রে দিতে পারব না, আমার ছেলে-পিলেরাও পারবে না।”

## শিব-রাত্রি

“আচ্ছা, তাই হবে।” যোগীন্দ্রনাথ ঘড়ী খুলিয়া দেখিলেন,—  
সাড়ে আটটা বাজিয়াছে।

“ও বেহারী! যা—যা, শীগ্গির একটা গাড়ী ডেকে নিয়ে  
আয়। গঙ্গায় যাবে।”

উর্ষ্বী কহিল, “চা টা থাকে না বাবা?”

“না, না,—আর সময় নেই। আফিসে যেতে হবে যে।”

যোগীন্দ্রনাথ অবিলম্বে পিসিমাকে লইয়া গঙ্গায় গেলেন। পূজা  
আহ্নিক ভাগীরথী ভাগীরথীতীরেই সারিয়া আসিলেন। বেহারী  
সঙ্গে গিয়াছিল, সে এক কলসী গঙ্গাজল লইয়া আসিল। এদিকে  
ক্রুটিকুটিলাননা অননুয়া আদেশ দিলেন,—উর্ষ্বীমালা চাউল,  
ডাইল, তরকারী, দুধ ইত্যাদি আহাৰ্য্য দ্রব্যাদি গুছাইয়া রাখিয়া  
আসিল। ঝি দোকান হইতে কিছু কাঠ আনিয়া এবং উনানের  
জ্বল কয়েকখানি ইট নিয়া সাজাইয়া রাখিল।

ফিরিতে যোগীন্দ্রনাথের বেলা প্রায় সাড়ে দশটা হইল। এগার  
টার আফিস, উর্ষ্বী তাড়াতাড়ি এক পেয়াল চা ও খান চারি  
বিস্কুট লইয়া আসিল, কোনও মতে তাই পলাধঃকরণ করিয়াই  
তিনি আপিসে চলিয়া গেলেন।

সন্ধ্যার পর স্থানান্তরিত হইবার প্রস্তাব শুনিয়াই ভাগীরথী  
কহিলেন, “তা আমার বরং আজ রাত্রিরেই বাড়ী পাঠিয়ে দে না  
যোগীন? পরের বাড়ীতে—কোথায় গিরে থাকুব——”

যোগীন্দ্রনাথ কহিলেন, “না, না, সে হয় না পিসিমা । এসেছ, কদিন থাক । কালীঘাটে যাবে, আরও কত দেখবে শুন্বে, শেষে পাঠিয়ে দেবো । অনিল আমার আপনার ভয়ের মত । সেখানে কোনও অসুবিধে তোমার হবে না ।”

“তোদের দেখতে পাব ত বাবা ?”

“পাবে না ! বল কি পিসিমা ? রোজ যাব । আফিস থেকে ফিরবার সময়, তোমার পাতের ভাত দুটি খেয়ে আসব । রোজই দুটি ক’রে পেসাদ রেখে দেবে আমার জন্তে—সেই আমার বিকেলের জল খাওয়া হবে । উন্নি টুন্নি ওরাও যখনই সময় হয়, তোমার কাছে বাবে,—গল্প সল্প ক’রবে ।”

ভাগীরথী আর অপত্তি করিলেন না ।

৩

সেদিন শিবরাত্রি । দুপরের পর ভাগীরথী অনেকগুলি শিব গড়িয়া একখানি পিঁড়ির উপরে সাজাইয়া রাখিতে ছিলেন । উন্নি আসিয়া কাছে দাঁড়াইল । সকালে সন্ধ্যায় নয়,—কারণ তখন পৌত্তলিক আহ্নিকের সময় । মাত্র বেলা দুইটা হইতে ছয়টা পর্য্যন্ত ছেলেমেয়েরা যখন ইচ্ছা অনিলবাবুর বাড়ীতে গিয়া দিদিমার সঙ্গে দেখা সাক্ষাৎ করিতে পারে, এইটুকু অনুমোদন তারা মাতার নিকটে পাইয়াছিল । শান্তিপ্রিয় যোগীন্দ্রনাথও এই আপোষে রাজি হইয়াছিলেন ।



## শিব-রাত্রি

উন্মি কহিল, “ওকি দিদিমা, অভঙুলো মাটির টিপি বানিয়েছ কেন ? কি হবে ওদিয়ে ?”

“মাটির টিপি ! ওমা, মেয়ে বলে কি ? অবাক ক’ল্লে ! মাটির টিপি কিলো ?”

“তবে কি ও গুলো ?”

“ও ত শিব । আজ শিবরাত্রির যে । কেন, তোরা শিবও দেখিস্ নি কখনও ?”

“শিব ! ওই তোমাদের মহাদেব ত ? সে ত ছবি টবিতে দেখেছি । তা ত ও রকম মাটির টিপির মত নয় ?”

ভাগীরথী কহিলেন, “ওই ছবিতে যে মহাদেব দেখেছিস্, এই শিবও তিনিই । এও তাঁর এক মূর্তি ।”

উন্মি হাসিয়া কহিল, “এও নাকি আবার মূর্তি ! এ ত মাটির পুতুল—যা তোমরা পূজো কর—তাও হয় নি ! হাত নেই, পা নেই, নাকমুখ চোক্ কিছু নেই—কেবল এক একটা মাথার মত বের ক’রে দিয়েছ !”

ভাগীরথী আবার হাসিয়া কহিলেন, “পাগলীর কথা শোন ! শিব ত এই রকমই !”

“ওই গুলো পূজো ক’রবে নাকি ?”

“ছি দিদি ! গুলো গুলো ব’লতে নেই । এঁরা হ’লেন দেবতা !”

“হঁ । দেবতা ত ভারী ! ওই সব চিপিশুলো আনিই ভেঙ্গে একুণি একটা মাটির দলা ক’রে ফেলতে পারি । দেবতা ত তোমার এই !”

ভাগীরথী পিঁড়িখানি পিছনের দিকে একটু সরাইয়া রাখিলেন ; কে জানে, চপলা বালিকা সত্যি যদি এইরূপ একটা বিগর্হিত কার্য্য করিয়া ফেলে ! দেবতার কোপে অমঙ্গল যাহা হইবার, তাহা ত হইবেই, আবার এতগুলি শিব তাঁহাকে ফের গড়িতে হইবে । শেষে হাসিয়া কহিলেন, “তা পার্বি নে কেন ? আমিও পারি । হাতে গড়া জিনিষ ভাঙ্গতে কে না পারে ?”

“হাতে গ’ড়ে হাতে ভাঙ্গা যায়, সে আবার কেমন দেবতা তোমাদের দিদিমা ?”

“কি ক’র্ব দিদি ? ভক্তি তেমন নেই, দেবতা নিজের ত মূর্ত্তি ধ’রে দেখা দেবেন না ! কাজেই হাতে গ’ড়ে নিতে হয় ।”

“হাতে গ’ড়ে নিলে ত সে পুতুল হ’ল ।”

“পুতুল ! ওমা, পুতুল কেন হবে ? পুতুল নিয়ে ত খেলা করে ? তা কি পূজো কেউ করে ? এই যে শিব গড়িয়েছি,— পূজো যখন ক’র্ব, এর মধ্যেই আমার দেবতা আসবেন । মনে মনে এতেই আমার দেবতাকে তখন দেখতে পাব ।”

উন্মি একটু হাসিয়া কহিল, “দেবতা ত তোমাদের সেই মহাদেব, যার ছবি দেখেছি ! তা সে মহাদেব কে তা জান ?”

## শিব-রাত্রি

“ওমা, তাই যদি জান্ব, তা হ’লে আর এই পাপের বোঝা ব’য়ে এখনও এই পিখিমীতে প’ড়ে আছি ? কবে যে ত’রে যেতাম !”

“তা এই সব ভুল থেকে ত’রে যেতে চাও কি দিদিমা ? বড় একজন পণ্ডিত অনেক গবেষণা ক’রে এর তত্ত্ব বের ক’রেছেন ।”

“তা পণ্ডিত যোগীশ্বরিরাই ত এর তত্ত্ব জানেন । » আমরা মুখখু মেয়ে মানুষ—কি আর জানব ?”

“ও দিদিমা, ইনি তোমাদের সেকেলে যোগীশ্বরি দলের পণ্ডিত কেউ নন ! তারা ত এ সব তত্ত্ব খুবই বুঝত ! ইনি হলেন এ কালের একজন বড় প্রত্নতত্ত্ববিৎ পণ্ডিত ।”

“পেঙ্গীতত্ত্বের পণ্ডিত ! ও তাই বল্ । তা মহাদেব হ’লেন ভূতনাথ, ভূতের সাথে সাথে পেঙ্গী ত থাকবেই । তা পেঙ্গীতত্ত্ব যে জানে, ভূতের তত্ত্ব সে ত জানবেই । আর তা হলে ভূতনাথ মহাদেবের তত্ত্বই বা জানবে না কেন ?”

উন্মি হি হি করিয়া হাসিয়া উঠিল । বিস্মিতা ভাগীরথী কহিলেন, “হাসলি যে বড় ? ওলো, এ সব হাসির কথা নয় । তোরা বেস্মজ্ঞানী কিনা, কিছু মানিস্নে, তাই দেবতার কথায় এত হাস্ছিস্ । তা হাসতে নেই বাছা, ওতে অকল্যাণ হয় ।”

উন্মি কহিল, “আমি বল্ছিলাম কি দিদিমা—ভূতপেঙ্গীর কথা নয় । পেঙ্গীতত্ত্ব নয়—হি—হি—হি !—প্রত্নতত্ত্ব—প্রত্নতত্ত্ব ।”

“আমিও ত তাই ব’লছি ! তোরা না হয় ভূতকে পেত্ন বলিস—যেমন পেত্ন আর পেত্নী,—আমরা বলি ভূত আর পেত্নী । একটু ত কথা হ’ল,—”

“নাঃ, তোমার সঙ্গে আর পারব না দিদিমা । আচ্ছা পেত্ন-পেত্নীর কথা এখন থাক । বড় একজন পণ্ডিত অনেক আলোচনা ক’রে থা বলেছেন—যদি শোন ত বলি ।”

“তা বল না ! নতুন তত্ত্ব যদি কিছু পাই,সে ত ভাগির কথা ।”

“আচ্ছা, তা হ’লে শোন । ওই যে মহাদেবের পূজা তোমরা কর, ও দেবতা টেবতা কিছু নয় । দেবতা ত কিছু নেই-ই, সব তোমাদের মনগড়া পুতুল,—তা ও মহাদেব সেই মনগড়া পুতুলও নয় । সেকেলে একজন বিলেতের লোক—খুব তেজী আর জোয়ান ছিল—ঘুরতে ঘুরতে এদেশে এসেছিল ।”

“ওমা, বলে কি মেরে !”

“শোনই আগে । অনেক কাল আগে—কত হাজার বছর আগে—সে দেশের লোক সব একেবারে বুনো ছিল, বনের জন্তু সব মেরে কাঁচা তাই খেত, আর তা’র চামড়া প’রত,হাড়টাড় গুলোও গেঁথে মালা টালা ক’রে তাই দিয়ে সাজত । নাইত না, মাথায় চিরুণী দিত না, তাই চুলটুলগুলো জটা বেঁধে থাকত ।”

“তা থাকত । তাই বলে মহাদেব কেন বুনো সাহেব হ’তে যাবেন ?”

## শিব-রাত্রি

“তা ছাড়া আর কে হবেন ? গায়ের রঙও যে একেবারে সাদা, ঠিক সাহেবদের মত । এদেশের লোক ত কাল ।”

“তা মহাদেব ত আর এদেশের লোক নন, দেবতা । তার গায়ের রঙ সাদা হতে বাধা কি ?”

“দেবতা হ’লে ত ? তা শোনই কথাটা । সেই লোকটা ত এদেশে এল । দেশ-বিদেশে যাবার ঝাঁক সাহেবদের তখনও বেশ ছিল । এদেশে তখন অনার্য্য জাতির বাস ছিল মেলাই, তাদের সব রঙ একেবারে কাল, আর বড় বিকট চেহারা । কেউ গাছের পাতা জুড়ে প’রত, কেউ বা একেবারে ঝাংটাই থাকত । তা সাদা সেই জঙ্গলী সাহেবটা এদেশে না এসে, একদল লোক জুটিয়ে নিয়ে হিমালয় অঞ্চলের একটা পাহাড়ী জঙ্গলী দেশ দখল ক’র্তে চাইল । তখন সেখানকার একটা দুর্দান্ত অনার্য্য জাতির সঙ্গে গেল তার যুদ্ধ বেধে । অনার্য্যদের এক রাণী কি রাজকন্তে যেই হ’ক—খাঁড়া হাতে ক’রে যুদ্ধ ক’র্তে এল, আরও কত কাল কাল ঝাংটা মেয়ে খাঁড়া তুলে নাচ’তে নাচ’তে তার সঙ্গে এল । একযোগ হ’য়ে হাক্ ডাক ছেড়ে ভয়ঙ্কর যুদ্ধ তারা বাধিয়ে দিল । তাই সেই মেয়েগুলোর নাম হ’ল শেষে হাকিনী ডাকিনী যোগিনী আর খুব কাল ব’লে তাদের সেই সর্দার মেয়েটার নাম হ’ল কালী । খুব যুদ্ধ হল, কাটাকাটি রক্তারক্তি—সে এক ভয়ঙ্কর ব্যাপার ! লাফাতে লাফাতে শেষে কালী গিয়ে সেই সাদা

সাহেবটাকে চিৎ ক'রে ফেলে তার বুকের উপর পা চেপে  
দাঁড়াল। হার মেনে সাহেব তখন হাত জোড় ক'রে বলে,  
“দোহাই কাল আদমীর মেয়ে। আমার মেরো না! আমিও  
রাজার ছেলে, যদি বল তোমাকে আমি বিয়ে করব।” কালী  
তখন লজ্জা পেয়ে জিবে কামড় দিয়ে একটু হাসল।—তারপর  
তাদের বিয়ে হ'ল, রাজা আর রানী হ'য়ে দু'জনে সেই দেশটা  
তারা শাসন ক'রতে লাগল। এমন একটা আশ্চর্য ঘটনা হ'ল,  
অমন রাজা আর অমন বোদ্ধারানী,—ন'রে গেলে সেই জঙ্গলী  
লোকেরা তাদের দেবতা ব'লে মূর্তি গ'ড়ে পূজা ক'তে আরম্ভ  
ক'রলে। এই হিন্দুদের পূর্বপুরুষ আর্যেরা শেষে পাহাড়ী সেই  
অনার্যদের কাছ থেকে এই দুই মনগড়া দেবতার পূজা শিখে  
নিয়েছে। তাদের কাছে খুব বড় দেবতা ব'লে তারা মহাদেব  
নাম তাকে দেয়। বিলেতের সেই জঙ্গলী রাজপুত্রের আসল নাম  
সিওয়াল্ড বা সিবাল্ড—তাই থেকে এদেশে শিব নাম হ'য়েছে।—  
বুঝলে দিদিমা, তোমরা যে শিবের পূজা কর, সে শিব কেমন  
দেবতা, আর কালাই বা কেমন দেবী?”

ভাগীরথী হাসিয়া কহিলেন “হাঁ বুঝলাম। তাদের এই পেত্নী-  
তত্ত্বের পণ্ডিতের ঘাড়ে কোন বিলাতী পেত্নী এসে ভর ক'রেছিল  
বুঝি? নইলে দেবতা নিয়ে এমন কথাও কেউ বলে?”

উষ্মি কহিল, “না—না, বাজে কথা নয় দিদিমা! সত্যি খুব

## শিব রাত্রি

পণ্ডিত তিনি । অনেক গবেষণা ক'রে, অনেক প্রমাণ দেখিয়ে, এই তত্ত্ব খাড়া ক'রেছেন । শুধু এই নয় ! তোমাদের ওই যে সরস্বতী দেবতা—”

“সেও বুঝি ওই জঙ্গলী সাহেব শিবের মেয়ে ?”

“হাঁ, তাই তিনি বলেন । এই দেখনা, তোমাদের সব দেবতা হ'ল্‌দে, লাল, কাল, নীল এই সব রঙের,—কেবল মহাদেব সাদা আর সরস্বতী সাদা ।—”

“কেন গঙ্গাও ত সাদা ।”

“বটে ! তাই নাকি ! এই ঠিক হ'য়েছে তবে ! তাঁকে লিখে পাঠাতে হবে, নতুন গবেষণার একটা সূত্র পাবেন । তিনি বলেন, সেই শিব আগে তাদের দেশে একটা বিয়ে ক'রেছিল । একটা মেয়ে হয়,—রাজা হ'য়ে শেষে সেই মেয়েটিকে এদেশে নিয়ে আসে ! খুব ভালবাস্ত, লেখা-পড়াটড়াও খুব শেখায়, গান বাজনাও শেখায় । সেই মেয়ে হ'ল তোমাদের সরস্বতী । তবে সেই মেয়ের মা যে কে, সে শেষে কি ক'রল, কি হ'ল তার, এ সব তিনি ঠিক বুঝতে পারেন নি । তাই অনুমান ক'রে ব'লেছেন সে স্ত্রী তখন ম'রে গিয়েছিল । গঙ্গা, দুর্গা 'চণ্ডী, এই সব স্ত্রীকে পরে তিনি এ দেশেই বিয়ে করেন । বদ নিয়ম এদেশে বরাবরই আছে ।—তা গঙ্গা যখন সাদা ব'লছ, তা হ'লে সে নিশ্চয়ই শিবের সেই আগেকার বিলিতা বউ, সরস্বতীর মা । হাঁ,

ঠিক হ'য়েছে। ওঁকে লিখে পাঠাতে হবে। এই সূত্র পেলো তিনি  
হয়ত আরও কত তত্ত্ব বে'র ক'ত্তে পারবেন !”

“এ গল্প কোথায় প'ড়লে উন্মি ? কে লিখেছে ?”—

একটি যুবক পাশেই একটা ঘরের দরজায় দাঁড়াইয়া উন্মির এই  
কথা শুনিতেছিল ;—এখন অগ্রসর হইয়া এই কথা জিজ্ঞাসা  
করিল।—

“এই যে অরু ! হাঁ, ওন্লি ত দাদা, উমি কি ব'ল্ছে ?  
তা তোদের ইংরেজিশেখা পণ্ডিতরা কি এই সব পেত্নীতত্ত্ব বইতে  
লেখেন নাকি ?”

অরুণ—( অনিলবাবুর পুত্র ) উত্তর করিল, “হাঁ, তা হরেক  
রকম পেত্নীতত্ত্ব লেখে বই কি ! তবে এত বড় একটা পেত্নীতত্ত্ব—  
সেই হাজার হাজার বছর আগে বিলিতী ভূত-পেত্নীর সঙ্গে এদেশী  
ভূতপেত্নীদের এমন একটা আশ্চর্য্য যোগাযোগের তত্ত্ব—কই,  
দেখিনি ত কাউকে লিখতে এখনও। লোকটার পাগলা কল্পনার  
লাফটা খুব লম্বা বটে। একেবারে লক্ষা টক্ষা ডিঙ্গিরে গিরে  
কোথায় প'ড়েছে। কে এ উন্মি ?—কোন্ কাগজওয়াল। এই  
মৌলিক প্রবন্ধ বের ক'রেছে ?”

উন্মি কহিল, “কেন আপনি পড়েন নি ? ‘নবযুগ’ পত্রিকায়  
গেল মাসে তরঙ্গ বাবুর এই প্রবন্ধ বেরিয়েছে। শুনেছি মৌলি-  
গবেষণায় তাঁর খুব নাম আছে।”



## শিব-রাত্রি

“কই, শুনিনি ত। কে ব’লেছে?”

“মা ব’লেছেন। তিনিই প্রবন্ধটা আমাকে পড়তে দিলেন।”

“ও! তা কথাগুলো বা ব’লেছেন, খুব মৌলিক বই কি? হ্যাঁ, আর একটা কথাও তাঁকে লিখে দিতে পার! পুরাণে বলে গঙ্গা স্বর্গ থেকে নেমে এসেছেন। তা হ’লে, একেবারেই তিনি এই জঙ্গলী সাহেবের সেই হারান বিবি বউ।”

“আপনি ঠাট্টা ক’চ্ছেন—যান!”

“তা যাই করি, তুমি লিখে দিওনা,—দেখো, আগামী মাসে আর একটা প্রবন্ধ বেরোবে, এই তত্ত্ব নিয়ে। আর তোমার কাছে এই রহস্যের সূত্রটা পেয়েছেন, তাও স্বীকার ক’রে কৃতজ্ঞতা জানাবেন। তোমারও বড় একটা নাম বেরিয়ে যাবে।”

উন্মি একটু লজ্জা পাইয়া কহিল, “যান,—আপনি ঠাট্টা ক’ছেন আমি লিখব না কিছু। তা আপনি কি বলেন? শিব কালী গঙ্গা এরা কারা?, এদের কথা একেবারে মনগড়া মিছে গল্প ব’লে উড়িয়ে দিতে চান?”

“আমরা চাইলেই বা এঁরা উড়ে যান্ কই? ”দেশের হাজার হাজার লোকের ভক্তিপূজোর ভায়ে যে এঁরা দেশের মনটা প্রাণটা ভ’রে বেশ শক্ত হ’য়েই চেপে ব’সে আছেন।”

“আপনিও কি এদের দেবতা ব’লে মানেন?”

“আমি ! আমি তা মানতেও শিখিনি, না মানতেও শিখিনি । আর আমার মানা না মানায় এঁদের এসে যায়ই বা কি ? আমি ত নগণ্য একটা লোক মোটে ।”

“কেন, আমরাও ত মানি না ।”

“তোমরাই বা কটি লোক দেশের ? তোমরা কটি হাজার লোক মোটে ‘না’ ‘ন’ ক’চ্ছ,—আর কোটি কোটি দেশের লোক উচ্চকণ্ঠে ‘হাঁ’ ‘হাঁ’ ব’লে এঁদের জয়জয়কার তুলছে । তোমাদের এই ‘না’র মূলে শক্ত কি ভিত্তি আছে বুঝিনে । কিন্তু এঁদের এই ‘হাঁ’র মূলে বিরাট যে ভক্তির ভিত আছে, তার তল পাওয়া যায় না,—হাজার হাজার বছরের অনেক ঘা-গুতোতেও তা টলেনি । দুটো ফাঁকা গল্প রচনা ক’রে, কি দুটো টিটকারী দিয়ে তুমি আমি আজ পার্ব তাই টলাতে ? এই ত দিদিমা আছেন, একেবারে সেকলে বুড়ী, লেখাপড়া কিছু শেখেন নি—এই ত এত বড় একটা পণ্ডিতী গল্প ব’লে—উনি হাসছেন । কোনও যুক্তি দিয়ে তোমার গল্প উনি কাটাতে পারবেন না । কিন্তু ওঁর ভক্তি বিশ্বাস কি একটুও এতে টলেছে ?”

উষ্মি কহিল, “হাঁ, দিদিমা, এই যে কথাটা শুন্লে—সত্যি ব’লে মনে হয় না ? না হয় ধর সত্যি হ’তেও ত পারে ।”

ভাগীরথী হাসিয়া কহিলেন, “কি তোর ওই পেত্নীর কথা ! আ পোড়া কপাল । তা তুই কি ব’ল্ছিস্, ওই কথা শুনেছি,

## শিব রাত্রি

আর অমনি এই শিবগুলি সব পূজো না ক'রে রাস্তায় ফেলে দেব! হি—হি—হি!”

“পূজোই বা কেন ক'র্বে?”

“কেন ক'র্ব? দেবতা—তঁার পূজো ক'র্ব না! ওমা ব'লে কি? তোরাও ত দেবতা একটা মানিস্—না হয় বেঞ্চাই তাকে বলিস্—তঁাকে পূজো ক'রিসনে?”

“তা করি বই কি? তিনি হ'লেন এক সত্য দেবতা—”

“আর আমাদের শিব কালী দুর্গা এঁরা বুঝি সব মিথো দেবতা? কেন, কে ব'লেছে?”

অরুণ হাসিয়া কহিল, “এইবার ঠ'কেছ উন্মি? এখন কি জবাব দেব দিদিমাকে? তোমরা যে মিথো বল, তার প্রমাণ কি?”

“প্রমাণ—কেন, এর আবার প্রমাণ লাগে নাকি? পৃথিবীর সব সভ্য উন্নত দেশের লোকে জানে, ঈশ্বর এক, তিনি ছাড়া আর কোনও দেবতা নাই। আমাদের বিবেকও বলে, তিনি এক অদ্বিতীয়।”

অরুণ কহিল, “এইখানে বড় জটিল দুটি ভুল ব'লে উন্মি এটাকে যদি প্রমাণ ধ'রে থাক, তবে প্রমাণ হবে না।”

“কেন?—কিসে ভুল ব'ল্লুম।

অরুণ উত্তর করিল, “প্রথম, সভ্য আর উন্নত দেশ কোন-

## শিব-রাত্রি

গুলো ? কিমে তারা সভ্য আর উন্নত ? ব'লবে ইয়োৰোপ । তা, তারা পার্থিব দশটা বিষয়ে যতই সভ্য আর উন্নত হ'ক, ধৰ্ম্মেও যে সব চেয়ে উন্নত, একথা সকলে স্বাকার করেন না । হ'লেও, তারা সবাই ঠিক এক অদ্বিতীয় ঈশ্বরই মানে না । তারা খৃষ্ট মানে, আরও কত জ্যোতিষ্ময় দেবপুরুষ মানে, যারা স্বর্গে জ্যোতিষ্ময় ঈশ্বরকে ঘিরে তাঁর স্তুতি গান ক'চ্চেন ।”

“হুঁ—”

আনল বলিতে লাগিল, “তোমরা ঈশ্বরকে যে ভাবে মান, তার সঙ্গে এর কতটা মিল আছে, ভেবে দেখ দিচ্ছি ? বৌদ্ধরাও অনেক দেবতা মানে । তারপর, আজকাল যতই তোমরা অবজ্ঞা কর, প্রাচীন হিন্দুধর্ম সভ্যতার বেশ উন্নত ছিলেন ব'লে পাশ্চাত্য পণ্ডিতেরাও স্বাকার করেন । তোমাদের উপাশ্রু ব্রহ্ম নাম তাঁদের, ব্রহ্মের ধারণাও তাঁদের । ব্রহ্ম উপরের কর্তা, তার নীচে তাঁর থেকেই জাত অনেক দেবতা তাঁরা মানতেন । তা হ'লে দেখ, পৃথিবীর কত বেশী লোক এক ঈশ্বর ছাড়া, আরও কত দেবতা মানে ! তারপর বিবেকের কথা ব'লছ ? বিবেক তোমার আছে, আবার দিদিমারও আছে ! তোমার বিবেক হয়ত বলে, এক ঈশ্বর ছাড়া আর দেবতা নাই । দিদিমার বিবেক সে কথা একেবারেই মানবেনা । সে নিষ্কুণ্ঠ হ'য়ে ব'লবে, শিব, দুর্গা, কালী, গঙ্গা—এঁরাও সব আছেন, মানুষের ভক্তির পূজা নেন, ভক্তকে দয়া করেন ।”

## শিব-রাত্রি

উর্গি কিছু অপ্রতিভ হইয়া কহিল, “কি জানি, এ সব কথা ত আজ নতুন শুন্ছি,—কক্ষণে। আর শুনি নি। তা আপনিও কি দিদিমার মত এই সব মেলাই দেবতা মানেন?”

“আমি! আমি ত ব’লেছি, এ সব মান্তেও শিখিনি, না মান্তেও শিখিনি। মনটা কোনও দিকে বাঁধা পড়ে নি, খোলাই আছে। তবে এ সব কথা কিছু কিছু আলোচনা ক’রেছি,—তাতে এই বুঝে ছ, যারা পাঁচ দেবতা মানে, তারা এমন একটা ভুল কি পাপ কিছু করে না।”

“তা হবে। কিন্তু আপনি যে ব’লেন, মনটা কোনও দিকে বাঁধা পড়েনি, খোলা আছে,—তা কি থাকে? একদিকে না একদিকে টানবেই একটু। তা কোন্ দিকে আপনার মন টানে?”

অরুণ একটু ভাবিয়া কহিল, “এদিন ত কোনও দিকেই ঠিক টানে নি। তবে এই কদিন ধরে দিদিমার পূজো টুজো দেখছি,—ওঁর ভক্তি আর নিষ্ঠা আর তার প্রেরণায় হাসিমুখে যে কঠোরতা উনি করেন, তা যখন দেখি, এক একবার ইচ্ছে হয়, ওঁর মত এই রকম পূজো আমিও করি। যে বিশ্বাস আর যে ভক্তির পূজো মানুষের মনকে এমন তন্ময় ক’র্তে পারে, আরাম বিরাম সুখ সব ভুলিয়ে রাখতে পারে, তার ভিত্তি মিথ্যা আমি ব’লতে পারি নে।”

## শিব-রাত্রি

উন্মি ধীরে ধীর কহিল, “আমার ইচ্ছে করে, দিদিমার পূজা একটু দেখি। কখনও ত দেখিনি।”

অরুণ কহিল, “তা বেশ ত,—আজ শিবরাত্রি, সারাদিন উপোস ক’রে আছেন, সারারাত বঁদে শিবপূজা ক’রবেন। তা থাক না? যতক্ষণ পার, দেখবে,—তারপর যাবে।”

“সর্বনাশ! তা হ’লে মা যে আস্ত রাখবেন না। তাঁর কড়া হুকুম, সন্ধ্যা হ’লে আর এখানে না থাকি।”

“কেন! পাছে, দিদিমার পূজা অধিক কিছু চোখে পড়ে?”

উন্মি একটু হানিল,—কিছু বলিল না। অরুণ কহিল, “তা মাকে বল্ব, তিনি ব’লে পাঠাবেন, খাওয়া দাওয়া ক’রে যাবে।”

“না, ছি! মাকে কাকি দেব?”

অরুণ একটু অপ্রস্তুত হইয়া কহিল, “সেটা অবিশি ঠিক হয় না। তবে তোমাদের মাও যে বড় একটা ফাঁকি তোমাদের দিয়ে রাখছেন। একটা গভীর মধ্যে বেঁধে রেখেছেন,—নিষেধের একটা শক্ত প্রাচীর তুলে, তার বাইরে যে ধর্মের কত বড় একটা বিস্তৃত বিচিত্র ক্ষেত্র র’য়েছে, তা একেবারেই তোমাদের দেখতে দিচ্ছেন না।”

উন্মি কহিল, “সেটা বোধহয় ঠিক। কিন্তু তা হ’লেও—তাকে ফাঁকি দিয়ে সেটা দেখবার চেষ্টা করা বোধ হয় উচিত হবে না।”

## শিব-রাত্রি

কি বল দিদিমা ? তোমার ভক্তি পূজো দেখতে থাকুব ? না কিন্তু বারণ ক'রেছেন ।”

“বারণ ক'রেছে, থাকবি কি ক'রে লো ? তুই মেয়ে সন্তান, এখনও বে হয়নি, বাপমার অবাধ্য হ'তে আছে ? আর পূজোর দেখবি কি ? কোনও ঘট ত আর হবে না ? ঘরে চুপচাপ ব'সে কেবল একলাটি আমিই পূজো ক'রব । তাতে আর দেখ বার কি আছে ?”

“কখনও দেখিনি যে । কেমন ভক্তি ক'রে পূজো কর, তাই একবার দেখতাম ।”

“পাগলের কথা শোন ! ভক্তি কি দেখাবার জিনিষ ? আর ভক্তিই বা কি ছাই আমার হয় ! আবার তোরা সামনে যদি ব'সিস্ সেই ভক্তি দেখবি বলে—হি—হি—হি ! তা হ'লে হবে কি জানিস্ ? ঠাকুরের দিকে ত মন যাবে না,—কেবল এই ভাবব, ভক্তি হ'ক্ না হ'ক্—তোদের কি ক'রে দেখাব ঠাকুরকে কত ভক্তি ক'রে পূজো কচ্চি ! হি—হি—হি ! আমার পূজোই যে হবে না !—না দিদি, তুই ঘরেই যা । আমি আর কি ভক্তি দেখাব ? ঠাকুর যদি দয়া করেন, ভক্তি আপনিই হবে । তোর মা বাপ যতই বেঁধে ছেঁদে রাখুক,—বাঁধন ছিঁড়ে তিনিই বের ক'রে নেবেন ।”

সন্ধ্যার পূর্বেই উষ্মি ঘরে ফিরিয়া গেল । বড় তীব্র এই

অনুভূতির বেদনা তার চিত্তে সে আজ বহিয়া নিয়া গেল, স্বাধীনতা বা মুক্তির বহু বাগাড়ম্বরের মধ্যে কত ছোট গণ্ডীর ভিতর কি শক্ত বাঁধনে সে বাঁধা আছে !

নূতন বার্তার যে নূতন সাজ সে আজ পাইল, এই বন্ধন হইতে মুক্ত হইয়া তার দিকে মুখ ফিরাইয়া বাহিরে কোনও সন্ধান তার নিবে, তার সম্ভা নাও সে কিছু দেখিতে পাইতেছিল না । বন্ধনটা তাই নতুন সাজে বড়ই তিক্ত, বড়ই ক্লেশকর বলিয়া তার মনে হইতেছিল

## ৪

“বাবা !”

আজ রবিবার,—যোগীন্দ্রনাথ তাঁহার বসিবার ঘরে আরাম কেদারা খানির উপরে গা লাড়িয়া দিয়া কি একটা বই দেখিতে-ছিলেন । অনস্থয়া উপরে নিমিত্ত । বড় ছেলেরা কোথায় বেড়াইতে গিয়াছে, ছোট ছেনোমেয়েও আজ ছুটি পাইয়া দিদিমার কাছে গিয়া গল্প শুনিতেছে । উনি ধীরে ধীরে পিতার কাছে গিয়া ডাকিল—“বাবা !”

যোগীন্দ্রনাথ অলসভাবে চক্ষু ফিরাইয়া কহিলেন, “কিরে উন্নি, কি ? আজ রবিবার, দিদিমার কাছে যাগনি যে ?”

“যাব—এই খানিকটে বাদে । ওরা গেছে । তাকে একটা কথা জিজ্ঞাসা করুব বাবা ।”



## শিব রাত্রি

“কি কথা রে আবার ? আর কোনও নতুন তত্ত্ব কোনও কাগজে প’ড়েছিস্ নাকি ?”

“না না, তা কিছু নয়। তবে মনে একটা কথা কদিন ভাবছি—তাই।”

“কি কথা রে ? বায়োস্কোপ দেখতে যাবি নাকি ? না বন্ধুদের একটা পার্টি দিবি, না দল বেঁধে কোথাও বেড়াতে যাবার মতলব ঠাউরেছিস্ ? না সভা ক’রে রচনা পড়বি, আবৃত্তির লড়াই ক’রবি ?”

“এই দেখ ! বাবা যেন কি ! আমরা বুঝি কেবল তাই-ই ভাবি।”

“তা কই, আর ত বড় কিছু ভাবতে দেখি নে।”

উন্মি গভীরভাবে একটি নিশ্বাস ছাড়িল। সত্যই ত ! ইহার উপরে গুরু কোনও চিন্তা কি কৰ্ম জীবনে তাদের কি আছে ? সপ্তাহে একদিন সমাজমন্দিরে—তাও প্রত্যেক রবিবারে যাওয়া ঘটে না। সেখানেই বা কি ? ঐ একটানা সুরে এক কথাই ত বালাবধি গুণিতোছে ! কই, তেমন কোনও গভীর ভাবের স্পন্দন কি চিন্তার উন্মেষ প্রাণে কখনও ত বড় উঠে নাই ! গৃহে পিতা হাসি গল্প করেন, স্নেহ আদরে তাহাদের যত আবদার পালন করেন,—আর মাতার ধর্মশিক্ষা—সে ত কেবলই নিষেধের কড়া শাসন, কোনও কৰ্মের দিকে সাধনার দিকে চিন্তের আনন্দময়

অভিনিবেশ হয়, কই, এমন ত কোনও প্রেরণা তারা কখনও পায় নাই! উন্মি আবার বড় গভীর একটি নিশ্বাস ছাড়িল।

যোগীন্দ্রনাথ কহিলেন, “কি রে, কি কথা ভাবছিস্? আর একটা বড় কাজ ত আছে—ভালবাসা আর বিয়ে। তার কিছু সম্ভাবনা ঘটেছে নাকি রে? নতুন বিলেত থেকে এবার কে কে এসেছে, না? তাদের মেয়েমহলে খুব একটা সাড়া প’ড়ে গেছে বুঝি?”

“যাও! তুমি যে কি বল বাবা! ছি! তাই বুঝি তোমায় আমি ব’লতে এসেছি!”

“কি তবে ব’লতে এসেছিস্? ব’লেই ফেল্ না শুনি?”

একখানি চোকি টানিয়া উন্মি পিতার কাছে বেঁসিয়া বসিল। একটুকাল নতমুখে থাকিয়া পিতার মুখপানে চাহিয়া সলজ্জ বড় মধুর একটু হাসিল, কহিল, “কদিন থেকে একটা কথা কেবলই ভাব ছি বাবা——”

“কি?”

“আচ্ছা, এদেশে হিন্দুদের যে পৌত্তলিক ধর্ম—তা কি একে-বারেই খারাপ সুব?”

যোগীন্দ্রনাথ একটু বিস্মিতভাবে কন্যার মুখের দিকে চাহিলেন, —তারপর হাসিয়া কহিলেন,—“আমরা ত তাই বলি।”

“কেন?”

## শিব-রাত্রি

“কেন ?” যোগীন্দ্রনাথ তেমনই একটু হাসিয়া কহিলেন, “তা যে ব’লতেই হবে। নইলে—আলাদা হ’য়ে আমাদের আলাদা একটা ধর্ম গ’ড়ে নেবার সার্থকতা কি থাকতে পারে ?”

“এ কি একটা কথা হ’ল বাবা ? তোমরা আলাদা হ’য়েছ,—ধর যদি ভুল বুঝেই হয়ে থাক, তাই ব’লে সে ভুলটা স্বীকার না ক’রে, কেবল জোর ক’রেই ব’লবে—ওদের ওটা মন্দ—ওটা মন্দ—ওটা মন্দ,—বাইরের এইটেই আমাদের কেবল ভাল !”

“তা ঘর ছেড়ে বাইরে এসে দাঁড়ালে ঘরটা মন্দই কেবল ভাবতে হয়, তার মন্দটাই কেবল দেখতে হয়,—নইলে সেই বাইরে কেউ দাঁড়াতে পারে না।”

“সত্যিই যদি মন্দ না হয় ? উপর উপর একটু মন্দ যাই দেখাক, ভিতরে যদি বাস্তবিকই অনেক ভাল থাকে—যা হয় ত আগে দেখতে পাওনি—এখন খোলা চোকে তলিয়ে দেখলেই দেখতে পাবে,—এমন যদি হয়—তবে ?”

“তবে—না, এখন আর তা না দেখাই আমাদের ভাল উন্মি। ঘরে যে ফিরে যাবার যো নেই।”

বলিতে বলিতে যোগীন্দ্রনাথ সত্যি একটু গভীর হইয়া উঠিলেন, একটি দীর্ঘনিশ্বাসও নির্গত হইল।

উন্মি কহিল, “তা—তাই ব’লে সত্য যা দেখবে না ? সত্যকে স্বীকার ক’রবে না ? না হয়, ও ঘরে—তারা না নেয় নেই

গেলে। কিন্তু বাইরে কি ঐ সব ভাল নিয়ে অমনি ঘর আবার বাঁধা যায় না?”

যোগীন্দ্রনাথ উত্তর করিলেন, “সবাই যদি দেখে—ভাল যদি থাকে আর তা দেখে—সবাই যদি তাই স্বাকার ক’রে নেয়—তবে তা হ’তেও বা পারে।”

“ভাল কিছু আছে কিনা—তোমরা যে দেখতেই চাওনা বাবা?”

“না, তা আর চাই কই? তবে আজকাল জোর ক’রেই হুই একটা সত্য চোকে এসে যেন ধাক্কা দিয়ে প’ড়ছে। তা আমরাও তেমনি ধাক্কা দিয়ে আবার ঠেলে সেগুলোকে দূরে সরিয়ে দেবারই চেষ্টা করি।”

উদ্বিগ্ন কহিল, “আমার বড় জানতে ইচ্ছে করে বাবা, ভাল ক’রে খুঁজে সব দেখতে ইচ্ছে করে! মন্দ যা তোমরা বল, কেন মন্দ, সব খুঁৎখুতি মিটিয়ে তল পর্য্যন্ত সব দেখে বুঝে, তবে তাকে মন্দ বলতে চাই। আর সবই যে মন্দ, তা কখনও হ’তে পারে না। ভাল যা আছে, তাও আদর করে মাথায় তুলে নিতে ইচ্ছে হয়। তুমি কি ওর ভাল মন্দ সব পরীক্ষা করে দেখছ বাবা?”

“না মা, সেটা ব’লতে পারিনে।”

“তবে ছেড়ে এলে কেন?”

## শিব-রাত্রি

“ছেড়ে যেখানে এসেছি, সেটা হয় ত বেশী ভাল।”

“তাও কি তুলনা ক’রে দেখেছ ? ওর সব কথা ওজন ক’রে আর এরও সব কথা ওজন ক’রে তুলনা করে দেখেছ কোন্টা বেশী ভাল ?”

“তাই ত ! এ সব কথা তোর মনে কোথেকে এলরে পাগলী ?” একটু হাসিয়া বিস্মিত দৃষ্টিতে যোগীন্দ্রনাথ, কন্ঠার মুখপানে চাহিয়া রহিলেন।

“তা—আসতে কি নেই বাবা ?”

“থাকবে না কেন ? তা—তোদের মা যে শক্ত পাচীর তুলে রেখেছেন, কোন ফাঁকে এ বুদ্ধিটা এল ? হুঁ—বুঝেছি পিসিমা তোকে ভজাচ্ছেন ! সৰ্বনাশ ক’রেছে ! তোর মা যদি টের পান—অনর্থ ঘটবে দেখছি। একেবারে হাত পা বেঁধে কুলুপ দিয়ে ঘরে পুরে তোকে রেখে দেবেন। ওমুখো আর হ’তে পারি না।”

উন্মি বড় ভয় পাইল। কহিল, “না বাবা, মাকে ব’লো না কিছু। দোহাই তোমার। না, সত্যি ব’লছি, দিদিমা কিছু বলেন নি। তবে দিদিমা বড় ভাল,—তিনি যে ধর্ম্ম মানেন, খুব বড় একটা ভক্তি আর বিশ্বাস তাতে তাঁর আছে, আর মনটাও তাতে বেশ ভাল আছে। ভুল কি মন্দ একটা ধর্ম্মে কি তা কখনও কারও হয় ? এই ত সে দিন গেলাম, শিবরাত্রির ছিল, মেলাই মাটির শিব গড়াচ্ছিলেন——”

“হুঁ !—তারপর কি হ’ল ?

উন্মি় সেদিনকার সকল কথা—সে যাহা বলিয়াছিল, অরুণ যাহা কিছু বলিয়াছিল, সব সরলভাবে পিতার নিকট খুলিয়া বলিল । কথাগুলি সব তার মনে একেবারে গাঁথা ছিল ।

কিছুকাল নীরবে কি ভাবিয়া যোগীন্দ্রনাথ कहিলেন, “হুঁ ! তা হলে—দেখছি, আমাদের এই গণ্ডীর বাঁধন ছাড়িয়ে যেতেই তোঁর মনটা একেবারে উন্মুখ হ’য়ে উঠেছে উন্মি় ।”

“তোমাদেরও গণ্ডী বাবা ! তোমাদেরও বাঁধন ! বাঁধন ত তোমরা মান না,—মুক্তির কথা—স্বাধীনতার কথাই ত বল ।”

“ওই ত মজা উন্মি় । বাঁধনের নিন্দে করি হিন্দুদের বাঁধন দেখিয়ে,—মুক্তির কথা বড় গলায় বলি তাদের দোষ ধ’রে । কিন্তু আমরা যে তাদের চেয়েও শক্ত বাঁধনে আমাদের বেঁধে ফেলছি, তাদের চেয়েও সঙ্কীর্ণ একটা গণ্ডী টেনে তার ভিতরেই হাকুপাকু কচ্ছি, সেটা আদৌ ভাবি না । হিন্দুরা মূর্তি গড়েও পূজা করে, সূর্য্য বায়ু আকাশ অগ্নি—যজ্ঞি ক’রে এদেরও আরাধনা করে,—আবার কেউবা যোগে ধ্যানে এক পরব্রহ্মের চিন্তাও করে । যার যেমন মন, যার যেমন শক্তি, যার যেমন ভক্তি, সেই ভাবেই সে তার দেবতাকে ধারণা করে নেয়, তার পূজা করে । ব্যবস্থাও সব রকম আছে । আর আমাদের কোন দেবমূর্তি কি দেবতার পূজা দেখে হাজার ভক্তি কেন হ’ক না, সেখানে প্রণাম ক’রবার কি

## শিব-রাত্রি

অঞ্জলিটি দেবার যো নাই!—কড়া নিষেধ তাতে। কারও ভাল লাগুক কি না লাগুক, ঐ এক বাঁধা নিয়মে বাঁধা সুরে বাছা বাছা বাঁধা কয়টি কথা বলেই উপাসনা কত্তে হবে।”

উর্শ্বি কহিল “এই গণ্ডী ছেড়ে বাইরে যেতে যদি মন আমার উন্মুখ হ’য়ে থাকে বাবা, তা কি যেতে পাব না? গণ্ডীর মধ্যেই বেঁধে আমায় রাখবে?”

“বাইরে কি যেতেই চাস—উর্শ্বি?”

“ঠিক জানিনে বাবা,—তবে বাইরেটা দেখতে ইচ্ছে করে। সেখায় কি আছে, খুঁজে দেখতে মন বড় ব্যাকুল হ’য়ে উঠেছে। তোমার মেয়ে বাবা, আচার নিয়ম তোমার ঘরেরই পালব।—কিন্তু একেবারে আড়াল ক’রে কেন রাখতে চাও বাবা? ওদের মধ্যে কি আছে, ওরা কি বলে, সত্যটা কি কেবল এই গণ্ডীর মধ্যেই বাঁধা আছে, না বাইরেও অনেক দূর ছড়িয়ে গেছে,—এ সব জানতে কি দোষ বাবা?”

“দোষ—আমি কিছুই বলিনে।—তবে তোমার মা সেটা ইচ্ছে করবেন না।”

“সেটা—না করা কি ঠিক বাবা? আমি শিখতে চাই—জানতে চাই—দেখতে চাই। তুমি যদি বল বাবা, ওদের বই টাই আমি পড়ব। যারা জানে এমন কাউকে পেলোও তার কাছে শিখব। মা যদি তাড়না করেন, কিছু বলব না বাবা,

## শিব-রাত্রি

বাগড়া ঝাঁটি ক'ব্বনা—চুপ করে সব স'য়ে থাকব । কিন্তু তবু—  
এসব একটু দেখতে শুন্তে আর শিখতে চাই বাবা । মানুষের  
জ্ঞানকে কি একটা বাঁধা গত্তীর মধ্যে জোর ক'রে কারও ধ'রে  
রাখতে চাওয়া উচিত ?”

“মোটাই না ।—কিন্তু দেখে শুনে প'ড়ে—মন যদি এই গত্তীর  
বাইরেই একেবারে টানে, তখন কি হবে উন্মি ? কি ক'ব্বি ?”

“জানি না বাবা । সে সমস্তার সিদ্ধান্ত তখনই হবে । তবে  
দিদিমা সেদিন বলছিলেন, ঠাকুর যদি দয়া করেন, ভক্তির পূজা  
চান, মন টেনে তিনিই নেবেন, কেউ ধ'রে রাখতে পারবে না ।”

“ঠাকুর কি কেবল বাইরেই আছেন উন্মি ? গত্তীর মধ্যে  
কি তাঁকে পাওয়া যাবে না ?”

উন্মি হাসিয়া উত্তর করিল, “তা কি আর ছেড়ে যেতে তিনি  
পারেন বাবা ?—তবে বাইরের কি ভিতরের—যদি টানেন—  
কোন্ ভাবের টানে আমাকে টানবেন,—কে তা আজ বলতে  
পারে বাবা ?”

৫

“দিদিমা !”

কে, উন্মি ? আর দিদি ! কেন, আজ যে প'ড়তে ধামান  
ছপুরে ?”

“কলেজ আজ ছুটি আছে ।—ভাবলাম যাই একবার দিদিমার



## শিব-রাত্রি

কাছে । গল্প সল্প ক'র্ব—শেষে পাতের দুটি পেসাদ খেয়ে আসব ।  
সব খেয়ে ফেলনি ত ? দুটি রেখেছ ত আমার জন্যে ?”

“ভাত ত রাখি দুটি ক'রে রোজ । তোরা বাবা এসে খায়,  
ছেলেপিলেরাও এক একদিন এসে খেতে চায় । ঐ অরুণও এসে  
প্রায় দিন খেতে বসে,—বলে, দিদিমা, তোমার পেসাদ বড় ভাল  
লাগে । কিই বা রাঁধি আমি ? তবে ওদের ঘরে নাকি রাঁধে  
বামুনে—”

“তা আজকে যা রেখেছ, আমাকে দেবে কিন্তু । আমি ত আর  
রোজ এসে খাইনে—”

“কপাল ! আজ যে রাঁধিইনি মোটে ! তা বলিস্ ত, রেঁধে  
দেব খন বরং——”

“রাঁধনি ? কি খেয়েছ তবে ?”

“খাইনি,—সন্ধ্যাবেলায় শিবপূজা ক'রে ফলটল কিছু খাব ।  
আজ সোমবার কিনা—”

“সোমবারে কি ?”

“সোমবারে দিনের বেলা উপোস থেকে সন্ধ্যায় শিবপূজা  
ক'ত্তে হয় । তারপর কেউ হবিষ্টি করে, কেউ ফলটল কিছু খায়—  
যার যেমন সুবিধে ।”

“মাগো ! ফি সোমবার এমনি উপোস্ কর !—এই ত শিব-  
রাত্রির সেদিন গেল ।”

## শিব-রাত্রি

“শিবরাত্রির ত বছরে একাদিন নোট হই। শিবের উপোস মাসে মাসে কেউ কেটে চতুর্দশীতেও করে, আবার সোমবারেও করে। তা ফি সোমবারে কি আর পারি দিদি? যেদিন পারি করি। রবিবারে স্থায়ী উপোস ক’ত্তে হয়, মঙ্গলচণ্ডী আছে, হয় ত একটা একাদশীই মাঝে পড়ে গেল,—আবার অনাবসো পুন্নিমেতেও উপোস ক’ত্তে হয়। সব সোমবারে হ’রে উঠে কই দিদি?”

বিস্মিতা উন্মি উত্তর করিল “বল কি দিদিমা! অবাক ক’ল্লে যে একেবারে! এত উপোস তোমাদের ক’ত্তে হয়? রবিবার, সোম-বার, মঙ্গলবার, আবার একাদশী, অনাবসো, পুন্নিমে—মাগো! হয় ত পরপরই ৪৫টা উপোস প’ড়ে! সবই ক’ত্তে হয়? শাস্ত্রের শাসন—না ক’ল্লে লোকে ছাড়ে না?—বামুনরা আর গাঁয়ের মোড়লরা জোর ক’রে করায়? কি সর্বনাশ!”

ভাগিরথী হাসিয়া উঠিলেন। “ওমা, বলে কি মেয়ে? জোর ক’বে কেন করাবে! হাঁ, ঐ একাদশীটে বিধবাদের সবাইকেই ক’ত্তে হয়,—না ক’ল্লে পাপ আছে। তা অনেক ষায়গায় যারা না পারে, জলটলও খায়। তাতে ত আর ক্লেশ এমন কিছু হয় না। তাও জোর করে আবার কে কোথায় এসে? কেউ খেলে কি আর তার মুখ চেপে কেউ এসে ধরে! তবে নিন্দে করে। তা নিন্দে করুক কি না করুক, এমন আবাকী বিধবা কেউ নেই, একাদশীতে মুখে অন্ন তুলে দিতে পারে! জানিস্, আমার এক খুড় শাণ্ডী

## শিব-রাত্রি

ছিলেন, একাদশীর দিন ভোরে তার কলেরা হ'য়েছিল।—সারাদিন গেল, সন্ধ্যাবেলায় গঙ্গায় দেহত্যাগ ক'লেন——”

“দেহত্যাগ!—সে আবার কি?”

“বলিস্ কি উনি? এই সাধারণ কথাটাও জানিস্নি? এই পাপ দেহটাই আর মানুষ নয়,—মানুষের যে আত্মা সেই হ'লগে আসল মানুষ—এই দেহটাতে সে থাকে—সময় যখন ই'র, এটা ছেড়ে যার যেমন কর্ম তেমন লোকে চলে যায়——”

“ওহো, ‘দেহত্যাগ’! মরাকে তোমরা বল ‘দেহত্যাগ’! দেহ-ত্যাগ! বাঃ ভারী সুন্দর কথাটি ত! ঐ একটি কথার মধ্যে কত বড় একটা দর্শন-তত্ত্ব নিহিত আছে! কোথায় শিখলে কথাটা দিদিমা?”

“ওমা, এ কি আবার শিখতে হয়? সবাই ত জানে! সবাই ত বলে।”

“বটে! সবাই জানে! সবাই বলে!—এতবড় কথাটা?—বুঝে বলে?”

ভাগীরথী হাসিয়া কহিলেন, “এটা বুঝতেই বা কি এমন বড়ো লাগে উনি? দেহটা যে এই জন্মটার মানুষের একটা থাকবার যায়গা,—মানুষ যে মরে, সে কেবল এই দেহটা ছেড়ে যায়, আবার নতুন জন্মে নতুন দেহ ধরে আনে—এ গুলো ত খুব সহজ কথা, সবাই বোঝে।”

“হঁ—আত্মা অমর, পরলোকে অনন্তকালে জীবিত থাকে—  
এটা আমরাও মানি। কিন্তু দেহ-ত্যাগ কথাটা তুমি এমন  
জহজ্জ ভাবে বলে ফেলে দিদিমা—কই, আমরা ত বড় শূনিয়া  
কারও মুখে। হাঁ, তোমার সেই খুড়শাশুড়ীর কি হ’ল? মরে  
গেলেন তবু একাদশী ব’লে একটু জল কি ওষুধ কেউ তাঁকে  
দিল না!”

“দূর পাগল! তাও কি হয়? মানুষ কি এতটা নিষ্ঠুর  
কখনও হ’তে পারে? সবাই সারাটা দিন কত বলা-কওয়া,  
কিছুতেই একটু ওষুধ কি একবিন্দু গঙ্গাজল তাঁর মুখে কেউ দিতে  
পাল্লে না। তাঁর ছেলে জোর ক’রে দিতে গেল—দাঁত কপাট  
মেয়ে পড়ে রইলেন,—কারও সাধা হ’ল না, খুলে একটু ওষুধ  
গেলাতে পারে। ফঁাস ফঁাস ক’রে—গলার স্বর বন্ধ হ’য়ে  
গিয়েছিল কিনা, কথা আর বেরোয় না—তবু ফঁাস ফঁাস ক’রে  
শেষে ব’লেন, ওরে, চ’লেই ত যাচ্ছি, কতক্ষণ আর? ক্লেশ ত  
সবই আরাম হ’য়ে তখন যাবে। কেন আর যুবাবার সময় একটা  
অনাচার করাবি? একাদশীতে জল খেতে নেই—কখনও খাইনি।  
আজ এই মহাযাত্রার দিন কেন খাব? মর্চি ব্যামোতে—জল  
তেষ্টায় নয়। শেষ সময় যখন বুঝবি, মা গঙ্গার কোলে আমায়  
নিয়ে যাস,—আর তখন—কি জানি যদি ব’লতে না পারি,  
কুশাগ্রতে ক’রে গঙ্গা-জল একটু আমার মুখে দিস্।”

## শিব-বাহিনী

উন্মি বিশ্বয়ে অবাক হইয়া শুনিতেছিল ; শেষে কহিল,  
“আশ্চর্য্য বটে ! মনের বলের তুলনা নেই ! কিন্তু এটা বড়  
একটা অন্ধ বিশ্বাস নয় দিদিমা ?”

“অন্ধ ! না, তিনি ত অন্ধ ছিলেন না ।—দিব্যা চোকে দেখে  
ছিলেন,—তবে ধর্ম্মে খুব বিশ্বাস ত বটে ।”

“না না, আমি তাঁর চোকের দৃষ্টির কথা বলছি না । অন্ধ চোক  
নয়,—অন্ধ অর্থাৎ ভুল বিশ্বাস । এই ধর না, কলেরা হ’ল, ম’রে  
গেলেন, এক বিন্দু জল কি ওষুধ মুখে দিলেন না, পাপ হবে ব’লে !  
কি পাপ সত্যি এতে হ’তে পারে ? বড় একটা ভুল নয় এটা ?”

“কি জানি দিদি,—কি ভুল কি সত্যি তা কি সামান্যি মানুষ  
আনয়। বুঝতে পারি ? তবে মুনিঋষিরা নাকি ধর্ম্ম কি বলে  
গেছেন,—তাই বিশ্বাস করি, যে যদূর পারি তাই মেনে চলি ।  
ঐ যে আমার খুড়-শাণ্ডীর কথা বললাম, অতটা কি সবাই  
পারে না করে ? এই ধর না, আমারই যদি একাদশীতে অম্নি  
কলেরা হয়—নাগো যে তেষ্ঠা রোগীর দেখেছি—হয় ত চারদণ্ড  
বেলা না হ’তেই—দেবতার নাম একটিবার করবার আগেই—  
ব’ল্বে, জল একটু দে খাই ।”

“খেতে দেবে ত ?”

“ওমা, তা দেবে না ! বলিস্ কি ? অমন সময় মুখে একটু  
জল না দিয়ে কেউ পারে ?”

“হুঁ—তা এই যে আর কতকগুলো উপোসের কথা ব’লে—  
সবিস্তার নোমবার—এগুলোও কি সব বিধবাকে ক’তে হয় ?”

“না, এ গুলোতে সধবা-বিধবা নিয়ম কিছু নেই। সবাই ক’তে  
পারে,—যার ইচ্ছে হয়, শক্তিতে কুলোয়, করে। না হয় না করে।  
না ক’লে নিন্দেও কিছুই নেই।”

“তবে কেন করে ?”

“কেন করে ! ওমা বলে কি ? পুণ্য-ধর্ম কি কেবল নিন্দে  
ভয়ে কেউ করে, না ক’লে তাতে পুণ্য ধর্মই কিছু হয় ?”

“পুণ্য-ধর্ম কাকে বল দিদিমা ?—আর দেহকে ক্রেশ দিয়ে  
কেবল উপোস আর ঠাকুর দেবতার পূজা ক’লেই যে তা হয়, তা  
কিসে বুঝলে ?—আর সব কি তা বেশ বুঝেই কর ?”

ভাগীরথী উত্তর করিলেন, “ও দিদি, অতখানি জ্ঞানই যদি  
থাকবে, তবে ত যোগী-ঋষির তাত্ত্বলি়া একটা বেত্তিই আজ  
হতাম ! তবে ছেলে-বেলা থেকে শিখেছি এই গুলিই  
পুণ্য ধর্ম, আর পুণ্য ধর্ম ক’লেই তবে পাপের ক্ষর হয়, তাই  
করি। কত পাপ নিয়ে এ পিথিতে এসেছি, ক্ষর ত তার ক’তে  
হবে। যদুঁর পারি, করি। নইলে সেই পাপের বোঝা নিয়েই ত  
যেতে হবে, আবার তাই নিয়ে আসতে হবে,—জন্ম-জন্ম কেবল  
ভূতের বোঝা ব’য়ে যাওয়া আসাই সার হবে, পরমার্থ লাভ কখনও  
হবে না।”

## শিব-রাত্রি

“পরমার্থ লাভ ! দিদিমা, তোমার এক একটা কথা শুনে সত্যি অবাক্ হয়ে যাচ্ছি ! এই সব কথা বাস্তবিক সত্যি বলেই কি মনে মনে বুঝেছ ?—যেমন ‘দেহত্যাগে’র কথা ব’লে, তেমনি ‘পরমার্থ’ কথাটিও কি সহজ একটা কথা সর্বদা তোমরা ব’লে থাক ?”—

“কি যে বলে মেয়ে । ব্রত উপোস পূজো আত্মিক যে লোকে করে, সে ত পরমার্থ ভেবেই করে ।”

“তা এই পরমার্থ কি তোমাদের এই সব ব্রত উপোস পূজো টুজো ছাড়া আর কোনও রকম সাধনা কি উপাসনার পাওয়া যায় না ?”

“তা কেন যাবে না ? তবে আমরা নাকি এই শিখেছি, এই করি । বারা যেমন শেখে, তারা তেমনি ক’রে । মোছলমানরা নেমাজ করে, তোরাও তোদের বেঙ্গকে ডাকিস ।—আসল কথা কি জানিস্, পাপের ক্ষম হওয়া চাই, তাতে ক’রে শেষে মন পরিষ্কার হ’য়ে আসা চাই, তবেই না পরমার্থ লাভ হবে ।”

“হঁ—তা পরমার্থ ব’লতে ঠিক কি বোঝ তুমি ?”

“বুঝলে ত পেয়েই যেতাম দিদি ! তবে শুনেছি, মনটা পরিষ্কার হ’লে, আর ভক্তি হ’লে, ইষ্টি দেবতা এসে দেখা দেন—”

“দেখা দেন—সে কি ক’রে ? চন্দ্র চক্কের সাম্নে মূর্তি ধ’রে ?”

“তা সে দেবতাই জানেন দিদি । সত্যিকার মূর্তি ধ’রে চন্দ্র-

চক্ষুই দেখা দিন, আর মনের মধ্যেই ধরা দিন, তাঁকে পেলেই পর-  
মার্থ লাভ হ'ল, আর কি ?”

উষ্মি কহিল, “হাঁ, দিদিমা, তোমাদের পূজো টুজো আমি  
কিছুই জানি না। যদি শিখতে পারি, আর ক'ত্তে পারি,—”

“ওমা, পাগল মেয়ে বলে কি ! তুই ক'রবি পূজো ! হি হি হি !”

“না না, হাসবার কথা নয় দিদিমা। সত্যি ব'লছি, যদি ক'ত্তে  
পারি আর করি, তবে—তবে—মনটা আমার তোমার মত  
হবে ?”

“আমার মত ! বলিস্ কি উষ্মি !—ক্ষেপলি নাকি ? আমার  
মত ! আমার মনও কি আবার মন ? কত লেখাপড়া  
শিখেছিস্ তোরা—”

“ছাই শিখেছি। যত বাজে কথা। আচ্ছা, তোমার মত নাই  
ব'ল্লাম,—এমন ভক্তি বিশ্বাস—যাতে মন পরিষ্কার হয়—আর যাতে  
ইষ্ট দেবতাকে পাওয়া যায়—হাঁ, ইষ্ট দেবতা তোমরা কাকে বল ?  
ভগবান্ ত ?”

“ওমা, ভগবান্ বই কি ! আর আবার কে হবেন তিনি ?  
তবে তিনি নাকি অনেক রূপ ধ'রে অনেক লীলা ক'রেছেন, কত  
রকম মহাশ্রী দেখিয়েছেন, আবার ভক্তরাও নাকি এক এক  
ভাবে তাঁকে পেয়েছে,—তাই অনেকে রূপ অনেক ভাব তাঁর  
আছে, আবার তেমনি অনেক নামও আছে। যে যে রূপে



## শিব-রাত্রি

যে নামে তাঁর পূজা করে, তিনিই তাঁর ইষ্ট-দেবতা । পূজার মন্তুরও আলাদা আলাদা,—যে দেবতার যে ভাব, তাঁর মন্তুরও তেমনি ।”

“তোমার ইষ্ট দেবতার নাম কি ? ভাব কি ? মন্তুর কি ?”

“ওমা, তাই কি ব’লতে আছে ? গুরুর নিষেধ ।”

“ওই ত তোমাদের দোষ । ধর্মের কথা, উপাসনার কথা লুকিয়ে কেন রাখবে ? সবাইকে কেন জানতে দেবে না ?”

“সবারই ত গুরু আছে দিদি । ভক্তি যখন হবে, চাইলে গুরু কাছেই সব পাবে । আর তা না হ’লে জেনেই বা লাভ কি ?”

“লোকসানই বা কি ?”

“তা কি আমি ব’লতে পারি ? গুরুদেব জানেন । তবে নিষেধ যখন আছে, লোকসান কিছু একটা আছেই । নইলে এমন একটা নিষেধই বা হবে কেন ? তবে একটা কথা কি জানিস্ দিদি, খুব দামী কোনও ধন যদি কারও থাকে, সে তা লুকিয়েই রাখতে চায়, সবাইকে দেখিয়ে বেড়ায় না ।”

“বেড়ায় বই ‘কি ? খুব বেড়ায় ।—গরব ক’রেই সবাইকে দেখায় ।”

ভাগীরথী হাসিয়া কহিলেন, “এ ধন যে গরব ক’রে দেখিয়ে বেড়াবার ধন নয় দিদি । গরব ক’রে দেখাল কি অমনি তা উপে গেল । কই, কখনও ত এমন ইচ্ছে হয় না, ইষ্ট দেবতার নাম মন্তুর লোকের কাছে ব’লে বেড়াই ।”

“ষেড়াও বই কি দিদিমা । অন্ততঃ যা কর, লোকে তা থেকে বুঝতে পারে, তোমার ইষ্টদেবতা কে ?—আমিও যে তা না বুঝেছি, তা নয় । বলব ?”

“কি, বল দিকি ?”

“কেন, শিবঠাকুর ।”

“হি হি হি ! কিসে বুঝলি তা ।”

“এইত এক রাশি শিব গড়িয়ে সেদিন শিবরাত্রির ক’লে । আজ আবার উপোস ক’রে আছ, শিবপূজো ক’র্বে—”

“ওলো, শিব পূজো সবাইকেই ক’তে হয় । ইষ্টদেবতা যার যিনিই হন, শিবপূজো আগে না ক’রে ইষ্টদেবতার পূজোই হয় না ।”

“বটে ! রোজ শিবপূজো কর ?”

“ওমা, তা করি না ! না ক’লে কি ইষ্ট দেবতার পূজো ক’তে পারি ? আর এই যে শিবরাত্রির, সোমবার—এ সব হ’ল ব্রত । রোজকার পূজো ছাড়াও এ গুলো ক’তে হয় । অনেক এমন ব্রত আছে, অনেক দেবতার পূজো তাতে ক’তে হয় । যে যত পারে, করে । যাকেই যখন পূজো করুক, সেই একেই ত গিয়ে পৌছোয় । নাম আর রূপ আলাদা আলাদা যতই হ’ক, দেবতা ত আর সত্যিই আলাদা আলাদা নন,—মূলে গিয়ে সবই এক ।”

“হুঁ—আচ্ছা, দিদিমা, তুমি ত লেখাপড়া বেশী কিছু শেখনি ?”

## শিব-রাত্রি

“লেখাপড়া ! আ কপাল ! লেখাপড়া কোথেকে শিখব ?  
আমাদের সময় ত মেয়েদের লেখাপড়ার চল ছিল না,—ইস্কুলও  
ছিল না । তবে ঘরে কেউ একটু আধটু শিখত, এই যেমন তোরা  
ঠাকুরদাদা আমার খুব ভাল বাসতেন কি না—একটু প’ড়তে  
শিখিয়েছিলেন । রামায়ণ মহাভারত পড়তে পারি, আর  
দেবতাদের স্তবস্তুতি গুলো—একখানা বই পেয়েছি—খুঁৎলে  
খুঁৎলে পড়ি । তা সে কি আর পড়া ?”

“শাস্তুর টাস্তরের বই কিছু প’ড়তে পার না ?”

“শাস্তুর ! ওমা, কি বলে মেয়ে ! শাস্তুর কি মুখা মেয়েমানুষ  
আমরা প’ড়তে পারি ?—শাস্তুর সব ত বড় বড় বামুনপণ্ডিতদের  
কাছে থাকে, চক্ষেও ত দেখতে পাইনে ।”

“কেন, শাস্তরের বই ত অনেক ছাপা হ’য়ে বেরুচ্ছে ।”

“তাই নাকি ?—তা সে সব আমরা কোথায় পাব ? আর  
প’ড়তে পাল্লে ত ?”

“হুঁ—তাই ভাবছি দিদিমা,—কি জান, এদিন তোমাদের  
সম্বন্ধে বড় একটা ভুল ধারণা আমার ছিল । ভাবতাম, তোমরা  
কিছুই জান না,—একেবারে অজ্ঞান, অকস্মা । কিন্তু এখন দেখছি,  
তোমরা বা জান, আমরা তা কিছুই জানি না,—তোমরা বা পার,  
তার কিছুই আমরা পারি না,—”

“এ সব ত আর শেখায় না কেউ, জানবি কি ক’রে ? কাজ-

কর্মও কিছু করায় না, তাই বা শিখবি কোথেকে ? আমাদের সময় ছিল—”

“কি ছিল ? কি শেখাত ? কি ক’রে শেখাত ?”

“ছেলে বেলা থেকে কত ব্রত নিয়ম ক’রেছি, ব্রতকথার কত পুণ্যধর্মের কথা শুনেছি । সবাইকে পূজো আহ্নিক জপ ভপ ক’তে দেখেছি, স্তব স্তুতি প’ড়তে শুনেছি । আবার রামায়ণ মহাভারত প’ড়তাম,—পুরাণ পাঠ, কথকতা হ’ত শুনতাম । মোটামোটা বা গোটাকত কথা জানি, তা শিখতে আর কতই লাগে ? আর কি জানিস্, কেবল এতেই কিছু হয় না । যে যেমন বোঝে মন দিয়ে ভক্তি ক’রে যদি দেবতার পূজো ক’রে—কথা শুনো এমন কঠিন কথাই বা কি—আপনিই লোকে বোঝে । অনেক কথা মনেই যেন ডাক দিয়ে ওঠে । তারপর আর কাজ কর্ম—সে ত এই এতটুকু বয়েস থেকেই ক’তে হত । এখন যেমন হ’য়েছে, ঘরে যদি কারও ছোটো পরস হ’ল, আখাআধি যায় তার ঝি চাকর বামুনের মাঠনেতে আর তাদের খোরাক পোষাকে । তখন কি আর তা ছিল ?”

“আমি কেবল সংসারী কাজ কর্মের কথা বলছি না দিদিমা । সেগুলো এমন কঠিন নয়, আমরাও অনেক করি,—ইচ্ছে ক’লে চের আরও ক’তে পারি । এই যে অনায়াসে কঠিন এত ব্রত নিয়ম কর—কি জান দিদিমা, ধর্ম বলে যা বুঝেছ তার সাধনার যতদূর

## শিব-রাত্রি

এগিয়েছ তোমরা—কই, আমরা তার কি বুঝি, সাধনারই বা কি জানি, কি করি? কেবল ত দুটো গান—তাও কেমন গাই, তারিফ তার কে কেমন কচ্ছে, তাই ত প্রায় ভাবি।”

“গাইতে পারিস্ নাকি উমি? অহা, গ্রাম্যবিষয় জানিস্? দুটো শোনাবি?”

উম্মি হাসিয়া কহিল,—“না দিদিমা, তোমাদের গ্রাম-গ্রাম্য কোনও ধার আমরা ধারি না, ও সব নামও মুখে আনবার ঘো নাই। তোমার কাছে কোনও বই আছে গ্রাম্যবিষয় গানের?”

“আছে, একখানা গ্রাম্যসঙ্গীত। গাইতে ত পারি না,—তবে পড়ি মাঝে মাঝে—”

“বই থানা ক’দিনের জন্ত দেবে আমাকে? দেখি যদি শিখতে পারি, গেয়ে শোনাব তোমাকে!”

ভাগীরথী তাকের উপর হইতে বইখানি নামাইয়া উম্মির হাতে দিলেন।

উম্মি কহিল; “হাঁ, কি স্তবস্ততির বই এর কথা বলছিলেন না?”

“হাঁ, স্তবস্ততির বইও একখানা আছে, তাও নিবি নাকি?”

“হাঁ, নেব, দেও।” সেই পুস্তকখানিও ভাগীরথী নামাইয়া দিলেন। উম্মি কহিল, “হাঁ, দিদিমা, এই বই দুখানিতে কি তোমাদের ধর্মের তত্ত্ব কথা কিছু পাওয়া যাবে?”

“তা কি আমি বুঝি দিদি ?—প’ড়ে দেখ্ !—দেবতাদের  
মাহাত্ম্যের কথাই ত ওতে আছে—”

“আচ্ছা, এ সব শিখতে পারি—কি জান দিদিমা—ব্রত  
পূজা তোমার মত করি না করি, জানতে বড় ইচ্ছে হয়,—কেন  
জানব না ? দেশের এত লোক তোমরা ধম্ম ব’লে যা মান্ছ,  
এমন ভক্তিতে যার সাধনা ক’চ্ছ—যাতে সত্যি তোমাদের মনটা  
এত—হাঁ, উন্নত আর নিশ্চলই হ’য়েছে, হ’তে পারে,—তার কথাটা  
কেন জানতে চাইব না ? না জেনে কেবল নিন্দেই কেন ক’র্ব ?  
আচ্ছা, কি সব বই প’ড়লে ভাল জানতে পারব, সব শিখতে  
পারব, ব’লতে পার দিদিমা ?”

“তা—কি আর আমি কিছু জানি দিদি ? বরং অরুণকে স্তব্ধ ।  
সেও খোজ খবর নিতে চায় । কি বই টাইও এনে পড়ে । তাঁকেই  
বরং স্তব্ধস,—ও অরুণ, অরুণ !—না, বাড়ীতে বুঝি নেই—”

উন্মি কহিল, “আচ্ছা, সে জেনে নেওয়া যাবে । আজ এই চ-  
থানা নিয়ে ত দেখি,—বাবাকে ব’লে তিনিও খোজ নিয়ে বই এনে  
দিতে পারবেন ।”

“তোমার বাপ কি এ সব বই প’ড়তে তোকে দেবে ?”

“তা দেবেন । ব’লেছেন দেবেন । তবে মা—উহঁ—খুন  
কবুল, তবু দেবে না । তা—বাবা ত ব’লেছেন, লুকিয়ে বরং  
প’ড়ব । এখন তবে পালাই দিদিমা ।”

## শিব-রাত্রি

“ওমা, দুটো ভাত খেতে চাইলি—”

“উপোস যে আজ তোমার, ভাত ত রাঁধনি, কি খাব ?”

“তা রেংখেই দিচ্ছি, ব’সনা একটু। আলো চালের ভাত—একটু কুমড়ো কাঁচকলা ভাতে দিয়ে—এই ত দেখতে দেখতে হ’য়ে যাবে—”

“না দিদিমা, দোহাই তোমার। আর ও সব হাঙ্গামা এখন ক’রো না। আমি পালাই।”

বই দুখানি হাতে করিয়া উন্মি ছুটিয়া বাহির হইল।

“ও উমি, উমি! ওলো, শোন্ শোন্, দাঁড়া আবাগী!—কতক্ষণ হবে? ওলো, আয় না?”

উন্মি ততক্ষণ ছপ্পাপ করিয়া সিঁড়ি বাহিয়া নামিয়া প্রায় সদর দরজার কাছে গিয়া পৌঁছিয়াছে।

### ৬

উন্মির পড়িবার ঘরের পাশ দিয়া সকালে একদিন অনন্থমা কি কার্যো গৃহান্তরে যাইতেছিলেন। মৃদুস্বরে উন্মি কি গায়িতেছিল, সুরটি বড় মিষ্ট লাগিল, অনন্থমা দরজার বাহিরে দাঁড়াইলেন। সঙ্গীতের পদ যাহা তাঁহার শ্রুতিগোচর হইল, তাহাতে কাণের ভিতর দিয়া মরমে যাহা পশিল, তাহা মধুর ত কিছু নহেই, তীব্র বিষের উদ্দীপ্ত জালা বলিলেও বোধ হয় তার ঠিক বর্ণনা হয় না। সে জালা মর্ম্ম হইতে মুহূর্ত্তে প্রত্যাহত হইয়া সকল

## শিব-রাত্রি

মনপ্রাণ পরিব্যাপ্ত করিয়া দেহের অঙ্গে অঙ্গে যেন বজ্রশিখায়  
প্রবাহিত হইল ! সঙ্গীতের সেই পদটি ছিল এইরূপ,—

“শ্মশানে শব শিবের বুকে শ্রামা মা ওই দাঁড়িয়েছে—

(মার সে) রাঙ্গা পায়ে বিলুপ্তে রক্তজবা কে দিয়েছে !”

কি সর্বনাশ ! বীভৎস সেই শ্মশান—তার মাঝে পুড়ে বকর  
বিকটবেশ শিব—তার বুকে দাঁড়িয়ে সেই গ্যাংটা বিভীষিকা—  
আবার তার রাঙ্গা পা—সেই পায়ে আবার বেলের পাতা আর  
জবা !!! কেবল পৌত্তলিকতা নয়, তার বীভৎস বৈচিত্র্যের চূড়ান্ত  
একেবারে ! এই গান গাহিতেছে তাঁহার গৃহে তাঁহারই কণ্ঠা—  
যাকে শৈশবাবধি পৌত্তলিকতার সকল সংস্রব হইতে এমন সাব-  
ধানে সুশাসনে তিনি রক্ষা করিতেছেন !

অগ্নিমূর্তি হইয়া অনসূয়া গৃহে প্রবেশ করিলেন,—বজ্র-কঠোর  
স্বরে হাঁকিলেন, “উষ্মি !”

আতঙ্কে উষ্মি লাফ দিয়া উঠিয়া দাঁড়াইল,—একখানি মলাট-  
ছেঁড়া, মোটা-সূতায় ছেঁড়া পাতা সেলাই করা, ময়লা বই তার  
হাত হইতে পড়িয়া গেল ।

অনসূয়া তুলিয়া দেখিলেন, বইখানি—‘শ্রামা-সঙ্গীত’ !!!  
স্বর্ণা জোঁক-পোকে হাত পড়িলে যে ভাবে লোকে ঝাড়িয়া  
ফেলে, বিরাগ বক্রমুখে ঠিক তেমনই ভাবে বইখানা গৃহ তলে  
ফেলিয়া দিয়া ছই তিন পা তিনি পিছনে সরিয়া গেলেন ।



## শিব-রাত্রি

“কোথায় পেরেছ ও বই উন্মিমালা ? কে দিয়েছে ?”

উন্মি নীরব—আনত মুখে দাঁড়াইয়া রহিল, সমস্ত শরীর তার থর থর কাঁপিতেছিল। অনসূয়া বজ্র কঠোর স্বরে আবার প্রহ্ন করিলেন, “চুপ রইলে যে ! বল, কে দিয়েছে এ বই তোমাকে ? কোথায় পেরেছ ?”

উন্মি এবারও কোনও উত্তর করিল না। ক্রোধের উত্তেজনা অনসূয়ার বৈধীর সীমা ছাড়াইয়া উঠিল,—কঠোরমুষ্টিতে কণ্ঠার কেশাকর্ষণ করিয়া, বেগে তাকে ঝাঁকি দিয়া কহিলেন, “কি, ব’ল্বিনি ! ব’ল্বিনি ! ব’ল্তে হবে ! বল, ভাল হবে না ব’ল্ছি,—বল, কে তোকে বই দিয়েছে ? ওই পাপী বুড়ী ? তোর দিদিমা ?”

কাঁদিয়া দুই হাতে মুখ ঢাকিয়া উন্মি বসিয়া পড়িল। “কি এত বড় জিদ ! তবু ব’ল্বিনি ? বল ! বল ব’ল্ছি ! নইলে-নইলে”—

হিতাহিত বৃদ্ধি তখন অনসূয়ার একেবারে লোপ পাইয়াছিল। জোরে এক পদাঘাত তিনি উন্মিকে করিলেন,—উন্মি ঠিকরাইয়া কতদূর দূরে গিয়া পড়িল।

অনসূয়া তখন দরজার কাছে আসিয়া হাঁকিলেন, “ঝি ! ঝি !—”

ঝি ত্রস্ত ছুটিয়া আসিল,—অনসূয়া কহিলেন, “নিরে যা !—একুণি তুলে নিরে যা ঐ বইটা, উম্মুনে নিরে গে ফেলে দে !—দাঁড়িয়ে রইলি যে ! নে না হতভাগী ! ব’ল্ছি, কথা শুন্ছিস্নে !”

কি বইটা তুলিয়া নিয়া ছুটিয়া নীচে গেল,—পুস্তকখানি অবি-  
লম্বে অগ্নিসাৎ হইল। অনসূয়া তখন স্বামীর সন্ধানে বাজির  
হইলেন।

“মিষ্টার মোকাজ্জি ! মিষ্টার মোকাজ্জি !” মেম সাহেবদের মতই  
রাগ হইলে অনসূয়া স্বামীকে এই নামে অভিহিত করিতেন,—  
মন প্রসন্ন থাকিলে অবশ্য আদরের ‘যোগীন’ ডাকই চলিত !—

যোগীন্দ্রনাথ কোথায় গিয়াছিলেন,—ঠিক সেই মুহূর্ত্তে গৃহে  
প্রবেশ করিলেন। স্ত্রীর এই চণ্ডীমূর্ত্তি দেখিয়া সংত্রস্ত হইয়া জিজ্ঞা-  
সিলেন, “কি, কি হইয়াছে অনু ?”

“কি হইয়াছে ! না হইয়াছে কি ?—সর্বনাশ হইতে বসেছে !  
বসেছে কি, হইয়াছে !—অভিযোগ আমার তোমারই বিরুদ্ধে !  
তুমিই এর জন্তে দায়ী ! এ সর্বনাশের সূত্রপাত করিছ তুমি !”

“কি, কি ! বলি ব্যাপারটা কি খুলেই বল না ছাই !—সর্ব-  
নাশটা কিসে হ’ল ?”

“কিসে হ’ল ! হ’ল না, আর বাকী রইল কি ?—এত সাবধানে  
গৃহের পবিত্রতা আমি রক্ষা করে চ’লছি,—শৈশব থেকে ওদের  
মনে ঘাতে পৌত্তলিক কুসংস্কারের কোনও ছায়াপাত না হয়, তার  
জন্তে প্রায় একটা হট হাউসের (hot house)\* মত করে ওদের

\* ঠাণ্ডা হইতে বাঁচাইবার শীতপ্রধান দেশে কোনও কোনও গাছপালা  
কাঁচে ঘেরা ঘরে রাখিয়া জন্মান হয়। তার নাম হট হাউস (Hot house)।

## শিব-রাত্রি

রক্ষা ক'ছি,—আর আজ কি না—আজ কিনা—আঃ! নাম  
ক'তেও আমার রসনা শুক হ'য়ে আসছে। তবু ক'তে হবে!—  
এত সাবধানে আমি রক্ষা ক'ছি, আর আজ কিনা সেই আমার  
ঘরে—শ্রামাসঙ্গীত!!!”

কোনও মতে হাসি চাপিয়া যোগীন্দ্রনাথ কহিলেন, “শ্রামা-  
সঙ্গীত! বল কি! দুর্ভেদ্য এই প্রাচীর ভেঙ্গে কি ক'রে তা  
তোমার ঘরে ঢুকল?”

“পাপ যে কোন্ অলক্ষ্য সূত্র ধ'রে কোথায় প্রবেশ ক'রে, তা  
আগে কেউ বড় বুঝতে পারে না। তাই সর্বদা অতি সতর্ক হ'য়ে  
থাকতে হয়। তুমি থাকনি! আমি যা পাত্তাম, তা ক'তে  
দেওনি। ঐ পাপ বুড়ীকে—”

“আঃ, থাম অমু! ও কথা ব'লতে নেই!”

“বলতে নেই!—কেন, কেন নেই? ব'লব, দুশোবার  
ব'লব!—এই সর্বনাশ তিনি ক'ল্লেন, এই পাপ আমার ঘরে  
টোকালেন, আর ব'লব না!”

“হাজার হ'লেও গুরুজন ত,—অমন কথাটা মুখে আনতে  
নেই!”

“হতে পারেন তোমার গুরুজন, আমার কেউ নন তিনি!  
তোমার দাসী হ'য়ে আমি আসিনি যে, যাকে তুমি গুরুজন ব'লবে,  
তাকেই অমনি গুরুজন ব'লে আমার মাথায় তুলে নিতে হবে।—

ভুলে যেওনা এ সমাজে নারী স্বাধীন ! সুবিধার জন্য ‘স্বামী’ কথাটা ব্যবহার করা হয় ব’লে মনে ক’রো না কোনও স্বামিত্ব তোমাদের বৈবাহিক সম্বন্ধে মিলিতা নারী আমাদের উপর আছে !”

“আহা, কে স্বামিত্বের দাবী ক’চ্ছে গো ? স্বীকার ক’রে নিচ্ছি, আমি স্বামী নই, হাস্যাত্ত অর্থাৎ গৃহস্থ পুরুষ যার সঙ্গে তুমি মিলেছ । তা যাই হই, একটা মানুষ ত বটি । যাকে আমি পুরুজন ব’লে মানি, তাকে কি আমার মুখের উপর অত বড় গালটা দেওয়া তোমার উচিত ?”

“এত বড় অত্যাচারটা তিনি কেন ক’লেন ? এত বড় একটা পাপ ঢুকিয়ে আমার গৃহের পবিত্রতা তিনি নষ্ট ক’লেন, আমার সম্মানদের উপর তাঁর পাপের প্রভাব এনে ফেলেন, আর এই বিশেষণটা তাকে দিতে পারব না ? সাধু কি অসাধু—যে যে কাজ ক’রে, তার অনুরূপ বিশেষণের যোগ্য সে !”

“বস, বস ।”—নিজে বসিয়া গোগীন্দ্রনাথ কহিলেন, “বস, শোনা যাক্ দেখি, ব্যাপারটা কি হ’য়েছে ।”

অনস্থয়া বসিলেন ।

“হাঁ, কি ব’ল্ছিলে না ?—শ্রামাসঙ্গীত ? কে গেয়েছে শ্রামাসঙ্গীত ?—উন্মি ?”

‘হাঁ !—শ্রামাসঙ্গীত গাচ্ছিল—অবশ্য শুণ্ণ শুণ্ণ ক’রেই,—দৈবাৎ আমার কাণে গেল । ঘরে ঢুকে দেখি, একখানা বই তার হাতে

## শিব রাত্রি

—হেঁড়া নয়না জোড়াতালি দিয়ে সেলাই করা—কি ক’রে ওই বই  
সে হাতে স্পর্শ ক’ল্লো ! তা সেটাও বরং মার্জনা করা যেত !  
বাইরের চেহারা মন্দ,—সে আর কতটুকু মন্দ ?—বইটা ভেতবে  
কি জান ?”

“কি, শ্রামাসঙ্কীত বুঝি ?”

“হ্যাঁ, আর সে বই সে এনেছে—বারবার জিজ্ঞাসা ক’রাম, উত্তর  
দিলে না, এমনি অবাধা হ’য়েছে,—কিন্তু বুঝতে কি বাকী থাকে ?  
এনেছে তোমার পিসিমার কাছ থেকে ।”

“সস্তুর !”

“সস্তুর ! কেবল সস্তুর ব’ল্ছ ? একেবারে নিঃশব্দেই !  
কোথায় আর এ বই সে পাবে ? অমন চেহারার বই কার কাছে  
আর থাকতে পারে ?—তিনিই দিয়েছেন ! বই এর এই পাপ বুদ্ধিও  
তিনি ওর মাথায় ঢুকিয়েছেন । গানও তিনিই শিখিয়েছেন ।”

“গান গাইতে তিনি কস্মিন্ কালেও জানেন না ।”

“তা’হলে নিজে হতভাগী সুর ক’রে শিখে নিয়েছে ! কি সর্ব-  
নাশ ! পাপের প্রভাব এতদূর ওর মনে তবে প্রবেশ ক’রেছে !  
কি হবে এখন ? কি এর প্রতিকার ক’র্বে মিষ্টার মোকাজ্জি ?  
কিসে এর প্রতিকার হ’তে পারে ?—কথায় উত্তর দিচ্ছিল না,—  
আমি মেরেছি । কিন্তু—”

চমকিয়া যোগীন্দ্রনাথ বিস্মিত ও গম্ভীর দৃষ্টিতে স্ত্রীর মুখপানে

ঢাছিলেন। কহিলেন, “মেরেছ ! বল কি অনু ! উন্মিকে—  
মেরেছ তুমি ! গায়ে হাত তুলে !”

অনসূয়া লজ্জা পাইয়া একটু নরম হইয়া কহিলেন, “অবশ্য—  
সেটা বোধ হয়—আনার উচিত হয়নি—”

“একেবারেই না। অতি অনুচিত কাজই হ’য়েছে ! অত বড়  
মেরে—অনায়াসে তার গায় হাত তুলে ! এই সব তাড়নার ব্যস  
কি তার অতীত হয়নি ? তুমি কি মনে কর, এত খানি শাসনের  
অধিকার তোমার তার উপর আছে ?”

অনসূয়া একটু ক্রকুট করিলেন,—কহিলেন, “তারও উচিত  
হয়নি আমাদের লুকিয়ে এই সব বই ঘরে এনে, এই সব সঙ্গীত উচ্চা-  
রণ ক’রে আমাদের পবিত্র গৃহকে সে কলুষিত করে। আর—”

“লুকিয়ে সে কিছু করেনি অনু ? তার একটা আগ্রহ হ’য়েছিল,  
হিন্দুধর্মের তত্ত্বটা কি অনুসন্ধান ক’রে একবার বোঝে—”

“বটে ! কোথেকে এ আগ্রহটা তার এল ? তোমার পিসিমার  
সঙ্গে অতটা মেলামেশার ফলে নয় কি ?”

“হাঁ, তাই বটে।—মানুষকে এ রকম ‘হট হাউসে’ চিরকাল  
কেউ আটকে রাখতে পারে না। বাইরের লোকের সংস্পর্শে তাকে  
আসতেই হইবে,—আর এলে সেই বাইরেটা যে কি রকম সেটাও  
তার জানবার ইচ্ছে হবে। এই বাইরেটার খবর একটু সে আজ  
পিসিমার কাছ থেকেই পেয়েছে, সেটা ঠিক। তা আজ না হয়

## শিব-রাত্রি

কাল, আর কারও কাছ থেকে পেতই। সে যাই হ'ক, এ খবরটা সে পেয়েছে,—আর এ সম্বন্ধে ভাল ক'রে সব কথা জানতে একটা আগ্রহও তার হ'য়েছে। আমাকে ব'লেছিল, হিন্দুধর্মের বই টই প'ড়ে সে বুঝতে চায়, তার কথাগুলো কি ?”

“আর তুমি ভূমি ভূমি অনুমতি দিয়েছ ?”

“হ্যাঁ, দিয়েছি। কেন দেব না ?”

কিছুকাল স্তব্ধ ও নির্বাক থাকিয়া অতি গম্ভীর ভাবে অনসূয়া প্রশ্ন করিলেন,—“তা হ'লে কি বুঝতে হবে, তুমি পৌত্তলিকার কুসংস্কারেই আবার আত্মদান ক'চ্ছ ? আলোক চেড়ে বর্ষরতার পাপময় দুর্গন্ধ অন্ধকারে নিমগ্ন হ'চ্ছ ?”

যোগীন্দ্রনাথ উত্তর করিলেন, “না, এখনও সে রকম কিছুই মনে ক'তে হবে না অমু।”

“তা হ'লে উর্মিমালাকে এই পাপ-প্রবৃত্তিতে অনুমোদন দেবার অর্থ কি ?”

“জ্ঞানের আলুসন্ধিসাথে পাপ প্রবৃত্তি বলা যায় না অমু। তার পর উর্মি এখন বড় হয়েছে, এ সব বিষয়ে তার স্বাধীন অধিকারে আমাদের হস্তক্ষেপ করাটাও উচিত হবে না।”

“অবশ্য হবে :—স্বাধীনতার নামে স্বেচ্ছাচারকে প্রশ্রয় দিতে আমি প্রস্তুত নই !”

যোগীন্দ্রনাথ উত্তর করিলেন, “স্বাধীনতা আর স্বেচ্ছাচার—এ দুটো

কথায় যাই বোঝাক, তাদের পার্থক্যটার মধ্যে ঠিক করে একটি রেখা টেনে দেওয়া বড় সহজ নয় অনু। কোথায় সে রেখাটি পড়বে, তা নিয়ে বোধ হয় দুটি লোক এক মত হবে না।”

“বিবেক মানলে অবশ্য হবে।”

“বিবেক তুমি মান, আমিও মানি। কিন্তু এক মত হতে পাচ্ছি না। •তুমি যেটাকে স্বৈচ্ছাচার ব’লে গাল দিচ্ছ, আমি সেটাকে উন্মির স্বাধীন অধিকার ব’লে অনুমোদন করছি।”

“মিথ্যা কথা! তা ক’ত্তে পার না! হয় ভুল বুঝছ, না হয় মিছে একটা জিদ কচ্ছ—মেয়ের আবদার রাখবার জন্তে।”

“না, সে রকম কোনও জিদ আমার নেই। তবে ভুল তুমি বুঝছ কি আমি বুঝছি, সেটা কে বিচার ক’রে বলে দেবে অনু?”

অনুসূয়া টেবিলের উপরে তাঁহার কোমল হস্তে বড় কঠোর একটা আঘাত করিয়া কহিলেন,—“এর আবার বিচার কি? পৌত্তলিকতার পক্ষে আবার বিচার!—ধিক! ব্রাহ্ম হ’য়ে এ কথা ব’লতে তোমার একটু লজ্জা হ’ল না?”

“ব্রাহ্ম হ’য়ে কারও স্বাধীনতায় এতটা বিরোধ করাই বরং লজ্জার কথা।”

“স্বাধীনতা নয়!—স্বাধীনতা নয় এটা! (টেবিলে প্রচণ্ড করাঘাত) স্বৈচ্ছাচার—পাপের প্রবৃত্তিতে ঘোরতর স্বৈচ্ছাচার। আমি ব’লছি মিষ্টার মোকাজ্জি, এর প্রশ্ন আমি কখনও দিতে



## শিব-রাত্রি

পারব না ! এই বুড়ীকে যখনই নিয়ে এসেছ, তখনই জানি, এই রকম একটা সর্বনাশ না হয়ে বাবে না । সাথে আমি এত আপত্তি করেছিলাম ? তা আমি বলছি, তুমি নিজে বাইরে যা খুসী ক'তে পার, ঘরে এ সব কদাচারের প্রশ্রয় আমি কক্ষণো দেব না ! কড়াভাবে শাসন করব ! আমার নিষেধ—উন্মি কি ছেলোপিলেরা কেউ আর ও বাড়ীতে যেতে পারবে না !”

এই বলিয়া অননুয়া উঠিয়া পদভরে গৃহতল কম্পিত করতঃ বাহিরে চলিয়া গেলেন ।

( ৭ )

গৃহে বারপার নাই অশান্তির সৃষ্টি হইল । যোগীন্দ্রনাথ একে-বারে বিব্রত হইয়া পড়িলেন ; উন্মি কিম্বা ছেলোপিলেরা কেউ ও বাড়ীতে ভাগীরথীর কাছে যাউত না । কিন্তু ঘরে উন্মি তার এই নবজাগ্রত তত্ত্বজিজ্ঞাসায় পরিভ্রম্বির জন্ম যে কোনও পুস্তক প্রয়োজন হইত, পড়িত । যোগীন্দ্রনাথ নিজে এ সব গ্রন্থের খোঁজ বড় রাখিতেন না । কন্যার ইচ্ছাক্রমে অরুণের কাছে গিয়া পুস্তক চাহিয়া আনিতেন,—তার কাছে না থাকিলে, নাম জানিয়া কিনিয়া আনিতেন । অননুয়া স্বামী ও কন্যা উভয়কেই সমান শাসন ও তাড়না করিতেন । উন্মি পণ করিয়াছিল, ধীরভাবে সবই সহিত । কিন্তু যোগীন্দ্রনাথ একেবারে অতিষ্ঠ হইয়া উঠিলেন ।

একদিন—সেদিনও রবিবার—দুপুরে পিতার বাসবার ঘরের

## শিব-রাত্রি

এক পাশে বসিয়া উম্মি একখানি ভাগবত পুরাণ পড়িতেছিল। যোগীন্দ্রনাথও তাঁহার আরাম কেদারাখানির উপরে অর্দ্ধশয়িত হইয়া বেদান্ত সম্বন্ধায় ইংরেজী একখানি গ্রন্থ দেখিতেছিলেন। কিন্তু গ্রন্থে যেন তেমন মনঃসংযোগ হইতেছিল না,—ঘন ঘন মুখ ফিরা-উম্মির দিকে চাহিতেছিলেন। উপরে ছেলেপিলেরা ছুটাছুটি ও গোলমাল করিতেছিল,—কিন্তু অনন্তরার কোন সাড়া কিছুক্ষণ আর পাওয়া যাইতেছে না। যোগীন্দ্রনাথ বুঝিলেন, তিনি মাধ্যাহ্নিক নিদ্রা সম্ভোগ করিতেছেন। তখন উঠিয়া গিয়া উম্মির কাছে একখানি চৌকি টানিয়া নিয়া বাসিলেন।

“কি বাবা?”

“একটা কথা তোকে আজ ব’লতে হবে উম্মি?”

“কি বাবা? কি কথা?”

“যদি এই অশান্তি ত আর সহ্য ক’ন্তে পাচ্চিনে উম্মি!”

“হঁ, তুমি বড় দুঃখ পাচ্চ বাবা। যদি বল, দিদিমার কাছে ত যাই-ই না,—তা যদি ব’ল, এ সব বইও না হয় আর প’ড়ব না।”

ছল ছল চক্ষু দুটি তুলিয়া উম্মি পিতার মুখপানে চাহিল।

“না মা, সে কখনও হ’তে পারে না। পিতা হ’লে তোর জ্ঞানের পথে ধর্ম্মের পথে এমন অস্বাভাবিক একটা অত্যাচার বাধা আনতে পারব না,—কাউকে আনতে দিতেও পারব না। তবে

## শিব-রাত্রি

অবিরত এই লাজনা থেকে তোর নিষ্কৃতি বাতে হয়, তার একটা উপায় আমি ভাবছি।”

“সে কি ! কি বাবা ?”

“এ ঘরে এই পীড়নের মধ্যে আর তোকে আমি রাখতে পারি না। প্রাতিকারের কোনও হাত আমার নাই। তাই মনে করেছি, এমন ঘরে এমন হৃদয়বান্ উদার পাত্রের হাতে তোকে দেব, যে স্বাধীনভাবে ধর্মের আর জ্ঞানের অনুসন্ধান তোর সহায় হবে, বাধা কিছু দেবে না।”

উন্মির মুখখানি লাল হইয়া উঠিল, — একটু ফিরিয়া পুস্তক-খানির উপরে সে বুঁকিয়া পাড়ল। — যোগীন্দ্রনাথ কহিলেন, “জানা-শুনো কোনও ব্রাহ্মপরিবারে এমন ছেলে দেখতে পাচ্চি না। তবে—উদার কোনও হিন্দুপরিবারে চেষ্টা ক’লে যে তোকে না দিতে পারি, তা নয়।”

উন্মি আরও নত হইয়া সেই পুস্তক খানির পাতা খুঁটিতে লাগিল। এই উদার পরিবারের পাত্র যে কার কথা পিতা ভাবিতেছেন, স্পষ্ট না বলিলেও সেটা বুঝিতে তার বাক্য রহিল না।

যোগীন্দ্রনাথ কহিলেন, “তা কি বলিস্‌না ?”

উন্মি নতমুখে মূঢ় অথচ ধীর দৃঢ়স্বরে উত্তর করিল, “না বাবা, সে এখন কিছু হ’তে পারে না।”

“কেন—কেন হ’তে পারে না মা ? ধর—যেমন এই অরুণ,—  
অমন ভাল ছেলে, আর আমার মনে হয়, তার উপরে তোর  
মনও কিছু আকৃষ্ট হ’য়েছে।”

“হাঁ, তাঁকে আমি খুব শ্রদ্ধা করি, সেটা ঠিক।”

“খুবই করিস্। আর এও ব’লতে হবে, নূতন এই  
আলো—যুক্তির এই মন্ত্র—হাঁ, তাই আমি একে ব’লব—কতকটা  
তার কাছেই তুই পেরেছিস্।”

“পেরেছি, দিদিমার কাছে। তবে সহায়তা কিছু তিনি  
ক’রেছেন।”

“তবে ?—ধর, তারা যদি রাজি হয়, কেন তার সঙ্গে বিয়ে হ’তে  
পারে না ?”

উন্মি একটু নীরবে থাকিয়া কহিল, “বাবা, তুমি তা কি  
ক’বে দেবে ?—এক সমাজে তুমি আছ, তার নিয়ম লঙ্ঘন কি ক’রে  
তুমি ক’র্বে ?”

যোগীন্দ্রনাথ কহিলেন, “সেটা আমার কথা উন্মি। তোকে  
তা ভাবতে হবে না। যুক্তির ধারা মানলে এ সমাজে আমার  
জাত যাবে না। সে সমাজ যে কোনও ব্যক্তিকে তার মধ্যে  
গ্রহণ ক’তে পারে, সে সমাজ কাউকে একেবারে ত্যাগ  
ক’তে পারে না। আজ করলেও কাল আবার গ্রহণ ক’তেই  
হবে।”

## শিব-রাত্রি

উন্মি আরও একটু ভাবিল,—ভাবিয়া কহিল, “তুমি পারলেও আমি যে পরিচেন বাবা।”

“কেন না ? বাধা কি ?”

উন্মি উত্তর করিল, “নিজের মন যে নিজে এখনও বুঝতে পারিনি বাবা ? নূতন একটা আকাজক্ষা জেগেছে, নূতন তত্ত্ব বুঝাবার চেষ্টা করছি। কিন্তু তোমার মেয়ে আমি, তোমার ঘরে এত বড় হয়েছি, কে জানে, এতদিনের এই সংস্কার—তা যদি না বদলে যায় ? নূতনটা যদি গ্রহণ নাই ক’তে পারি ?—আমাকে নিয়ে তাঁদের হয়ত বড় অশান্তি হবে। আজ আমার ক্লেশ দেখে দয়া ক’রে হয়ত তাঁরা আমার আশ্রয় দিতে চাবেন। কিন্তু হঠাৎ না বুঝে—ভবিষ্যতে তাঁদের ভালমন্দ সুখশান্তির কথা কিছুই না ভেবে, এ আশ্রয় নেওয়া কি আমার উচিত হবে বাবা ?”

“তা হ’লে”—

“এখন থাক্ বাবা,—যাক্ আরও কিছুদিন। নিজের মনটা ভাল ক’রে বুঝে নিই,—মনের গতিটা কোন দিকে যাব দেখি। যদি বুঝি, তাঁদের সুখী ক’তে পারব, কোনও বিরোধ হবে না,—তখন যদি তাঁরা চান, আর তুমি বল, বেশ তাঁদের ঘরেই না হয় যাব। কিন্তু এখন পারব না বাবা। তবে—তোমার বড় অশান্তি হ’চ্ছে। কিন্তু কি করবে বাবা ? আমি যে তোমার মেয়ে, তাই বলে কি আমার পরের ঘরে বিলিয়ে দেবে, তারা

দয়া ক'রে যদি নিতে চান তাই ?—না বাবা, তা দিওনা । শরীরে কঠিন ব্যামো হলেও তা সহিতে হয়, তেমনি আরও কিছুদিন আমার স'য়ে নেও বাবা ।”

বলিতে বলিতে পিতাকে জড়াইয়া ধরিয়া অশ্রুসিক্ত মুখখানি উন্মী পিতার স্নেহের বক্ষে রাখিল । পিতা কহিলেন, “ছি ! অমন কথা বলিতে আছে উন্মী ? ব্যামোর মত তোকে সহিব ! তুই যে আমার বড় আনন্দ—বড় গৌরব । এই অধারে আলো—এই দুঃখে আমার মৃত্তির আশা তুই ।”

৮

“বাবা যোগীন !”

“কি পিসিমা ।”

“তাহ'লে এখন দে আমাকে দেশে পাঠিয়ে ।”

“এখনই—যেতে চাও ?”

‘হাঁ, দেশেই যাই চ'লে । কি ক'রব আর এখানে থেকে ?”

বলিতে বলিতে ভাগীরথী একটি দীর্ঘনিশ্বাস ত্যাগ করিলেন ।

“পরের বাড়ীতে আছি, লজ্জাও করে—”

কথাটা যোগীন্দ্রনাথের প্রাণে গিয়া বড় তীব্র একটা আঘাত দিল ; চক্ষু জল আসিল,—কহিলেন, “বড় দুর্ভাগ্য আমি পিসিমা । নিজের বাড়ীতে তোমাকে ছাদন একটু ঠাই দিতে পারলাম না ।”

## শিব-রাত্রি

“বালাই, বালাই ! রাজার ভাগি তোর, রাজা হ’য়ে থাক,—  
ডুর্ভাগ্য কেন হ’তে যাবি ?—তোর বাড়ীতেই ত আমি আছি ।  
তবে এখানকার এই বাসান্নাড়া—তা না হয় নাই র’ইলাম । খুব  
যত্ন ক’রেই ত এখানে আমাকে রেখেছিস্ । তবে আর  
থেকে কি হবে ? গঙ্গাস্নান হ’ল, মার দর্শন হ’ল, আরও কত  
দেখালি শোনালি,—মিছে আর ব’সে কেন এখানে থাকব’ ? বাড়ী-  
ঘরও খালি পড়ে রয়েছে—” বলিতে বলিতে ভাগীরথী আরও  
একটি নিশ্বাস ছাড়িলেন । আসল কথা, এখানে বড় শক্ত  
একটা মমতায় টানে তাঁহার প্রাণটা বাঁধা পড়িয়াছিল ! এ  
বাঁধন ছিঁড়িয়া গৃহে ফিরিতে তাঁহার আগ্রহ একেবারেই ছিল না,—  
মনটা বরং বড় ব্যথিতই হইতেছিল । কিন্তু যাদের উপরে এ  
টানটা বড় বেশী পড়িয়াছিল, তাদের আর চ’ক্ষে দেখিবার  
সম্ভাবনা নাই । বলা বাহুল্য, সব চেয়ে বেশী দুঃখ হইত উন্মির  
জন্ত । যোগীন্দ্রনাথ প্রতাহই আসিতেন,—আগের অপেক্ষা আরও  
বেশী সময় থাকিতেন । কিন্তু যতই তিনি চেষ্টা করুন, সে ক্ষতি  
ইহাতে বৃদ্ধার পূরণ হইত না । কিন্তু কি তিনি করিবেন ?  
মিছা এখানে বসিয়া এ মনস্তাপ ভোগ করিবার প্রয়োজন কি ?  
তাই অগত্যা তিনি এখন দেশে যাইতে চাহিতেছেন । কিন্তু সে  
কথা খুলিয়া তিনি ভ্রাতৃপুত্রকে বলিতে পারিলেন না—আহা,  
যোগীন যে মনে বড় ব্যথা পাইবে ! তাই এমন আর পাঁচটা ছুঁতা

দেখাইতে চেষ্টা করিলেন, যাহা বাজে ছুঁতা বই আর কিছুই নয়, এবং নাতি নাতিনীরা আগের মত কাছে আসিলে বোধ হয় ছয়মাস কালও এই পরের বাড়ীতে নিঃসঙ্কোচে তিনি থাকিতে পারিতেন,—দেশের বাড়ীঘরের কথা মনেও পড়িত না। এ বাড়ীটা বাস্তবিক এখন পরের বাড়ীর মতও তাঁহার লাগিত না। অনিলবাবু ও তাঁহার পত্নী মাতার গ্রামই তাঁহাকে আদর যত্ন ও সম্মান করিতেন। আর অরুণ—সে ত একেবারে যেন নিজেরই একটি নাতি! আহা, যেমন তাঁর উমি, তেমনই অরুণ। ওরা নাকি ব্রহ্মজ্ঞানী, জাতিধর্ম কিছু মানে না,—নহিলে অরুণের সঙ্গে যদি উমির বিবাহ হইত, দিব্য মানাইত। তবে, ইহারাও কলিকাতার থাকে, নামে হিন্দু হইলেও জাতিধর্মের বিচার এমন করে, কি দেবতা বামুন মানে, তার কোনও লক্ষণ এ পর্যন্ত তিনি দেখেন নাই। এক জাত, আবার উমির মত বড় বড় আইবুড়ো মেয়ে পাড়াগেঁয়ে হিন্দুর ঘরেও একেবারে জলভ নয়। তা ওরা মন করিলে, বিবাহটা কি একেবারেই হয় না? ফাল্গুন মাস শু ঘর,—তেমন গরজ করিলে বিবাহটা এ মাসে না হউক, বৈশাখের প্রথমে অনায়াসে হইতে পারে। কথাটা ভাগীরথী মনে মনে অনেক সময় ভাবিতেন, এখনও আবার মনে উঠিল। একটু ইতস্ততঃ করিয়া শেষে বলিয়া ফেলিলেন, “হাঁ, ত্যাগ যোগীন—”



## শিব-রাত্রি

“কি পিসিমা ?”

“একটা কথা—ভাবছিলাম—”

“কি ?”

“তোরা ত বেক্সজানী,——তা উমির বিয়ের কথা কিছু ভেবেছিস্ ?”

“বিয়ে শীগ্‌গির দিতে পাল্লে ত ভাল হ’ত। তা কোথায় দেব ?”

“ভাবছিলাম কি, এদের অরুণ এমন দিবি্য ছেলে——”

“কিন্তু হিন্দু যে।”

“তা হিন্দু ব’লেই কি তার জাত গেছে ?”

“আমাদের ত গেছে। আর আমাদের কাছে ওদেরও এক রকম গেছে।”

“তা ঠাখ্‌, ওদেরও এক রকম বেক্সজানী ব’লেই হয়। সহরে থাকে, জাত ধর্মের বিচের বড় করে না, দেবতা বামুনটামুনও কই মানে না কিছু—”

“বার মাসের গেরস্তালীতে না মানুষক, বিয়ের সময় মান্তে হবে যে। তখন শালগ্রামও আসবে, বামুনও আসবে, নান্দীমুখ হবে, যজ্ঞি হবে, মস্তুর টমুর পড়ান হবে,—সবই হবে। আমরা যে সেগুলো একেবারেই বরদাস্ত ক’তে পারি না। আর ওরাও কিছু আমাদের খাতিরে এ সব ত্যাগ ক’তে পারবে না।”

“হুঁ—তা হ’লে—”

“সহজে হবার নয়। তবে—যদি কখনও এটা সম্ভব হয়, একটা দিনের তরে ওদের এটুকু হিন্দুয়ানীর কাছে মাথা নোয়াতে আমি রাজি আছি,—কারণ জানি উন্মির এতে খুব সুখ হবে। কি জান পিসিমা, ঐ তোমরা যাকে বেক্সক্যানী বল, সেটা ঘটনাচক্রে হ’য়ে প’ড়েছি। তাতে কোনও গোঁড়ামা আমার নিজের নেই।”

“তা ত নেই, কিন্তু বউমা—”

“তিনি খুব কড়া বেক্সক্যানী বটেন। তা যদি এমন ভাগ্যি কখনও ঘটে, তখন—সে যা হয় একটা ক’রে নেওয়া যাবে, তাতে আটকাবে না।”

“ঘটিয়ে তবে ফেল্ না!”

“এখনই হ’তে পারে না। দেখি, ভগবানের ইচ্ছা যদি হয়, সময় মত হবেই।”

“আহা, প্রাতঃবাক্যিতে তাই হ’ক। তা দেখ্, এই বৈশেষে—”

“না, না! অত শীগ্গির হবার নয়।”

ভাগীরথী আবার একটি নিঃশ্বাস ছাড়িলেন। কহিলেন,

“তা’হলে দে এখন আমাকে দেশেই পাঠিয়ে—”

যোগীন্দ্রনাথ হানিয়া কহিলেন, “তুমি কি এই আশায় থেকে যাওয়ার কথা ভাবছিলে পিসিমা?”

## শিব-রাত্রি

“নারে পাগল, যাবার কথাই ত বলছিলাম—”

“বলছিলে ত, কিন্তু সেটা যেন তেমন ইচ্ছে তোমার নয়। তা যদি এইখানেই থাক, বেশ ত বল না। একটা বন্দোবস্ত আমি ক’রে দিচ্ছি।”

ভাগীরথী কহিলেন, “না বাবা, এখানে থেকে আর কি হবে। মিছে? দেশেই চ’লে বাই। তবে তোদের জন্মে, প্রাণটা নাকি বড় পোড়ে! তা—কি ক’রব? দেশেই ঘাই,—বাড়ী-ঘর সব নষ্ট হচ্ছে—”

“সে গরজ কি আমার চাইতেও তোমার বেশী পিসিমা? তার জন্মে যাওয়ার এমন দরকার ছিল না কিছু। তবে—জানি না কি সব পিসিমা? এখানে থেকেও কোনও সুখ তোমার হবে না। কি করব? আমি নাচার। তা কবে যেতে চাও?”

“বেদিন হয়, গেলেই হ’ল। তা তুই নিজেকে কি আমার গিঞ্জে একদিন রেখে আসতে পারিসনে যোগীন? তবু একটা দিন ঘরের ছেলে তোকে ঘরে পেতাম।” বলিতে বলিতে ভাগীরথী কান্দিয়া ফেলিলেন।

যোগীন্দ্রনাথও অশ্রু মুছিয়া কহিলেন, “যাব যাব পিসিমা, কেঁদোনা তুমি। এই আগামী শনিবারেই রেলের গাড়ীতে তোমাকে নিয়ে যাব। রবিবার দিনটা বাড়ীতে থেকে রেতে আবার ফিরে আসব। কি বল?”

“বেশ, তাই করিস তবে।”

বিদ্রোহী অশ্রু সংঘমের শাসন মানিতেছিল না। অতিকষ্টে শেষে একটু সংযত তাকে করিয়া ভাগীরথী कहিলেন, “বাবার আগে—ওদের একবার দেখতে পাব ত বাবা?”

“পাবে বই কি! পাবে—পাবে। সবাই আসবে, উন্মিকে হুপুরের পরই পাঠিয়ে দেব, রওনা হওয়া লাগাত তোমার কাছে থাকবে সে। এই দেখ, আবার চোকের জল ছেড়ে দিলে! তাহ’লে কি ব’লছি, উন্মিকে পাঠাব না। হাঁ!”

“না বাবা, রাগ করিস্ নি, আর কঁাদব না। কি জানিস্ বাবা, পাচ্ছি না, ছিলাম বেশ ছিলাম দেশে। কেন ছাই ম’তে এখানে এসেছিলাম?”

জোর করিয়া একটু হাসিয়া যোগীন্দ্রনাথ कहিলেন, “তা গঙ্গা-তীরে এখানে যদি নেটা ঘটত, তাহ’লে কি মন্দ হ’ত পিসিমা?”

ভাগীরথীও কঁাদিতে কঁাদিতে একটু হাসিয়া ফেলিলেন,— कहিলেন, “আর বাব’, মহাপাপী আমাদের কপালে কি আর সে ভাগ্যি কখনও হবে? সে আশা বড় করি না। তবে এই কথাটা মনে রাখিস্ বাবা; ঠাকুর যখন দয়া ক’রবেন, তোর মুখখানি যেন দেখতে পাই।”

“ঠাকুরের দয়া পাবে, তার মধ্যেও এ লোভটা ছাড়তে পারবে না পিসিমা?”

## শিব-রাত্রি

“না, তা পারব না বাবা। সেও ঠাকুরের বড় দয়া ব’লেই মনে ক’রব।”

“তা সে তখন বা হয় বোঝা যাবে,—এখন উঠি তবে আজ-কের মত। হাঁ, ভাল কথা। আমার পেসাদটা—”

“ঘাট! ভুলেই ত গিয়েছিলাম। নে, এই জল নে, হাত মুখটা ধুয়ে ফেল,—আমি ভাত বেড়ে দিচ্ছি।—”

ভাত ভাল তরকারী ইত্যাদি আনিয়া ভাগীরথী সন্মুখে দিলেন,—যোগীন্দ্রনাথ আহার করিয়া গৃহে ফিরিলেন।

শনিবার দুইটার পর উত্তীর্ণ আসিল।—আনন্দে বিহ্বল হইয়া ভাগীরথী তাকে বুকে জড়াইয়া ধরিয়া কহিলেন, “এসেছি! আর দিদি, কদিন বে দোখনি বুখখানি!—আর আজ ত চ’লেই যাচ্ছি। আবার কবে আসব, কবে যে তোদের মুখ দেখব!—আর যদি যা দয়া করেন—”

হাসি মুখে অশ্রু মুছিতে মুছিতে উত্তীর্ণ কহিল, “না দিদিমা, মোহাই তোমার, সে দয়া একুন চেণ্ড না! তোমাকে কেবল পেয়েছি,—পেয়েও পাচ্ছি না, আশা মিটবে না, এখনই ঘেন হারাই না।”

সাক্ষময়না ভাগীরথী একটি নিখাস ছাড়িতে ছাড়িতে একটু হাসিয়াও কেলিলেন, কহিলেন,—“লোকে বলে দিদি, মহামারার আমার বাধন বড় শক্ত। দেবতা নিজে এসে হাত ধ’রে ডাকলেও

ছিঁড়ে তা কেউ যেতে চায় না। আমি আবান্নী এত কাল ত একলাই প'ড়ে ছিলাম,—ভাবতাম এখন যেতে পার্লেই হ'ত। কিন্তু কি বুদ্ধি হ'ল, এখানে এলাম,—আর এন্নি বাধনেই তোরা বেঁধেছিস্ দিদি, ছিঁড়ে সত্যি যেতে চাই কই? তা কদিনই বা আর আছে? যেতে হবেই,—যাবার আগে তোদের আর একবার দেখতে পাই, এইটুকু দয়া বেন না করেন, তাতেই কৃতার্থ হ'য়ে যাব।”

উন্নি কহিল, “ওসব কথা এখন থাক্ দিদিমা। তা আমি ব'লছিলাম কি, তুমি যাচ্ছ কেন? এইখানেই থেকে যাওনা। বাবাও ব'লছিলেন, তুমি যদি থাক, পাকা একটা বন্দোবস্ত ক'রে তিনি দেবেন।”

মাথা নাড়িয়া ভাগীরথী কহিলেন, “না দিদি, থেকে আর কি করব? তোদের ত আর দেখতে পাবনা? কাছে থেকে কেবল মন পুড়ুনীই সার হবে। তার চাইতে দেশেই চ'লে যাই। এই আজ তুই এসেছিস্,—চলে যাব, তোরা বাবা ব'লেছিল পাঠিয়ে দেবে। কি জানিস্, তবু পুরো ভরসা পাইনি তুই আসতে পারবি।”

“হঁ—তা যা ব'লেছ ঠিক দিদিমা। খুব ঝগড়া হ'য়ে গেছে মাতে বাবাতে এই নিয়ে। তবে বাবার একটা মজা কি জান? সদাসর্বদা মার ইচ্ছার বাধা কিছু দেন না, তবে উচিত মনে ক'রে

## শিব-রাত্রি

শক্ত হ'য়ে যেটা ধরেন, সেটা ছাড়েন না,—যা হাজার কেন ঝড়-  
ঝুটি করুন না।”

ভাগীরথী কহিলেন, “তাইত দিদি, থাকা আমার মোটেই ভাল  
হবে না। তোদের সংসারে একটা অশান্তিই তাতে ঘটবে। এই  
সব গুনি আর ভাবি, মোটে না আসাই আমার ভাল ছিল।”

“না না, দিদিমা। কি বল! তুমি এসেছিলে, কত বড় একটা  
উপকার যে আমার হ'য়েছে, তা আর ব'লতে পারি না। অন্ধ  
হ'য়ে ছোট একটা গভীর মধ্যে বাঁধা ছিলাম, নূতন দৃষ্টি দিয়ে  
গভীর বাঁধন তুমি আমার খুলে দিয়েছ,—এর চাইতে বড় কাজ  
কেউ আর আমার এ পর্যন্ত করেনি, বাবাও না। তোমাদের  
একথানা বইতে একটা শ্লোক দেখছিলাম—

অজ্ঞানতিমিরাক্রম্য জ্ঞানাজ্ঞানশলাকয়া ।

চক্ষুরন্মিলিতং যেন তস্মৈ শ্রীগুরুবে নমঃ ॥”

“ও ত গুরুদেবের প্রণামের মন্তর।”

“হাঁ, তাই হুটে। অজ্ঞানতিমিরে অন্ধ যে, জ্ঞানের অজ্ঞান-  
শলাকায় তার চক্ষু ধিনি খুলে দেন, তিনিই গুরু। দিদিমা, সেই  
শ্লোক প'ড়ে কি আনার মনে হ'য়েছে জান?”

“কিনো? গুরু কারও কাছে মন্তর নিবি নাকি? তা  
বিয়েই আগে হ'ক।”

“মন্তর পাইনি, গুরু পেয়েছি। বিয়ে সে এখন হয় হবে, না

হয় নাই হবে। কিন্তু নেই গুরু কাছে মন্তর কি ঐ রকম কিছু একটা চাই, যার আশ্রয় ধরে দাঁড়াতে পারি,—দারুণ যে একটা ক্ষুধা মনে জেগেছে, তার খোরাক কিছু যা থেকে পাই।”

“কে লো ? কাকে এমন গুরু পেলি ?”

“তুমি ! তুমিই আমার গুরু দিদিমা ! মন্তর দেবে ?”

“দূর হ আবাগী ! এমন পাপ কথা মুখে আনতে আছে ?”

“পাপ কথা ! পাপ কথা কাকে বলে দিদিমা ?—নতি ব’লছি, তুমিই আমার গুরু ! অজ্ঞানতিমিরাক্ত আমার মনু ভ্রানাঞ্জনশলা-কার খুলে দিয়েছ তুমি ! তাই ব’লছি তুমিই আমার গুরু !”

“পাগল হ’য়েছে নেয়ে ! নইলে এমন কথাও মুখে আনে। আমার বলে কি না গুরু ! হি হি হি !—পাগল আর কাকে বলে ?”

“পাগল ! হাঁ, বাঁবা চলাতি পন ছেড়ে নূতন আনোর নূতন পথ দেখে তাই যদি কেউ ধরে, তাকে লোকে পাগলই বলে বটে। কিন্তু পাগল সত্যি সে, না বারি তাকে পাগল বলে তারা, নেটা ঠিক ক’রে কে বলবে ? তা ধর পাগলই হ’য়েছি, এই পাগলা বাইটা না হয় আমার মিটিয়েই দেওনা দিদিমা ?”

ভাগীরথী কহিলেন, “বলিস্ কি উমি ? আমি কি ক’রে তা মেটাব ? মন্তরের আমি কি জানি ? আর তোর বিয়ে হয়নি, সোয়ামীর অনুমতি পাসনি—”



## শিব-রাত্রি

“তাই বলে কি এই ক্ষুধা নিয়ে কি চূপ ক’রে ব’সে থাকতে হবে ? বিয়ে না হ’ক, ব্যেস ত কম হয় নি । কি জান দিদিমা, মনটা আমার বড় অস্থির হ’য়ে উঠেছে, মা যত তাড়না ক’চ্ছেন, জোর করে যত টেনে রাখতে চাচ্ছেন—ততই মনটা আমার পাগল হ’য়ে নতুন এই পথের দিকে ছুটে যেতে চাচ্ছে ।—কিন্তু ঠিক বুঝতে পাচ্ছি না, এ পথে বরাবর চলতে পারব কি না । তবে দেখতে চাই, সাধনার একটা অবলম্বন যদি পাই সেইটে ধ’রে দেখতে চাই, চলতে পারি কি না, কত দূর পারি । বিয়ের কথা ব’লছ ? কি বুঝে কাকে বিয়ে ক’র্ব ? সে বা চাইবে, তা যদি না পারি ? সেও যদি উল্টে এক পথে আমাকে টেনে নিয়ে যেতে চায় ? আমার মনও যে ঠিক কোন পথে কি সাধনায় স্থির হবে, তা জানি না । বাবাও বিয়ের কথা ব’লছিলেন, আমি রাজি হয়নি । মনের গতি আমার ঠিক কোন্ পথে চলে, কিসে আমার তৃপ্তি হয়, সেটা ঠিক না বুঝে বিয়ে কাউকে আমি ক’তে পারি না ।”

কথাগুলির মর্ম ভাগীরথী স্পষ্ট বুঝিতে পারিলেন না,— একটু ভাবিয়া কহিলেন, “কি জানিস্, সোয়ামীর ধর্মই নাকি হ’ল মেয়ে মানুষের ধর্ম——”

“না, তা জানি না,—সেটা ঠিক বুঝতে পাচ্ছি না । হ’তে পারে, ছেলেবেলার কারও হাতে দিলে, তার মন মতই মনটামেয়ে মানুষের মনটা গ’ড়ে ওঠে । কিন্তু আমার তা হয়নি,—এখন আর

হ'তে পারে না। নিজের একটা ধর্ম আমার চাই, সাধনার একটা পথে নিজেরই আমার মনটাকে বসাতে হবে। বিষে যদি ক'ভেই হয়, সেটা ভাব্‌ব তার পরে।—না হয়, ক্ষতি নেই, কিন্তু নিজের ধর্মে নিজেকে স্থির রাখতে হবে।”

ভাগীরথী কহিলেন, “তোমার কথা সব আমি ভাল বুঝতে পাচ্ছি নে উমি। তা কি ক'ত্তে চাস্‌ তুই?”

উম্মি উত্তর করিল, “একটা কিছু উপায় আমাকে ব'লে দেও—কত ত পূজোব্রত তোমরা কর—শাস্ত্রে পণ্ডিত না হও—ভক্তির সাধনা অনেক ক'রেছ—অনেক এগিয়েছ তাতে,—সেই ভক্তির সাধনা আমি ক'ত্তে পারি, এমন একটা কিছু মন্ত্র, আর সেই মন্ত্র ব'রে একটা কিছু কর্মের পথ আমার ব'লে দেও। দেখি কিছু ক'ত্তে আমি পারি কি না।”

“হঁ ! তা—কুমারীরাও শুনেছি শিবপূজা ক'ত্তে পারে,—আর সেটা মেয়েমানুষ আনরাও ব'লে দিতে পারি।”

উম্মি একটু হাসিয়া কহিল, “কেবল তা কেন দিদিমা ? এই ত কালই প'ড়'ছিলাম, স্ত্রীগুরুর কাছে সব মন্ত্রই সবাই নিতে পারে। তাতে নাকি ফল আরও বেশী—”

“ওমা, তিনি হ'লেন দেবতা, থাকেন মাথার 'সহস্রারে মহাপদ্মে'—”

“হঁ, গুরুকে মাথার 'সহস্রারে মহাপদ্মে'ই ধ্যান ক'ত্তে হয়। তা

## শিব-রাত্রি

তিনি হ'লেন—কি ব'লব ? গুরুর বুদ্ধি বা তত্ত্বমুত্তি । সে বাই হ'ক্কে, মানুষ মানুষকেই গুরু ব'লে মানে, তার কাছেই মস্তুর শেখে, সাধনা শেখে । সে মানুষ পুরুষ মেয়ে সবাই হ'তে পারে ।”

“তা ত পারেই । মাথায় বিনি থাকেন, তাঁকেই মানুষগুরুর মধো দেখতে হয় ।”

“সেটা যেমন পুরুষগুরুতে, তেমনি মেয়েগুরুতেও দেখতে হয় । কেন, মেয়েগুরুতে মস্তুর দেয়, তা কি দেখনি কখনও ?”

“দেখিনি—হাঁ, তবে শুনেছি বটে । হাঁ, মনে প'ড়েছে । আর কাছে শুনেছিলাম—অনেক দিনের কথা কিনা—মনে ছিল না,—তা তিনি একদিন কি বগায় কথায় ব'লছিলেন, তাঁর মায়া-বাড়ীতে কে কে তাঁদের গুরুপত্নীর কাছে মস্তুর নিয়েছিলেন । গুরু নিঃসন্তান বিবাগী হ'য়ে যান—আর ঠাকরণটিরও নাকি পুত্র নন্তন জপ তপে জ্ঞান খুব ছিল ।”

“নেও, ঘুচল ত মনের ধাঁধা ।—তাহ'লে তুমিই আমার গুরু-ঠাকরণ হও ।”

“ওলো আবাগী, আনি কি সেই যুগিয়ার একটা মানুষ ? তবে শিব পূজোটা নাকি সোজা—সবাই ক'তে পারে—সবাই ব'লতে পারে—তা তুই কি পূজো ক'তে পারবি তোদের বাড়ীতে ?”

“পূজো—।ক ঐ শিব গড়িয়ে ফুল জল নিয়ে ? না দিদিমা, সে

হবে না।—তা ঐ সব ঘটনা ছাড়া মনে মনে চুপ চাপ কিছু করা যায় না ?”

“তা যাবে না কেন ? ধ্যানধারণা মানসপূজা জপ—এই ত হ’ল আসল কাজ। আর ঐ যে ফুল জল দিয়ে পূজা, সে হ’ল বাহ্যপূজা—বাইরের একটা ধরবার লক্খি—নইলে মন বসে না তাই। কি একটা শোলোক শুনেছিলেন, ওকে বলে ‘ধমাধমা !’”

“ধমাধমা !—ওমা, যে আবার কি ?”

“কি জানি দিদি, শোলোকে অ’ছে,—ওতে নাকি এই বোঝায়, ঐ যে বাহ্য পূজা, সেটা নাকি অধম—এই নেহাৎ বারো ভাগ পূজা না পারে, তা’দের জন্ত একটা ব্যবস্থা।”

“ওমা—হঁ—বুকেছি।—বোধ হয় আগে কোনও একটা কথার সন্দের ভাগ আছে,—হঁতে পারে যে কথাতো ‘বাহ্যপূজা’। ‘বাহ্যপূজা অধম’—ও বাবা ! কেবল অধম নয় ভিদিয়া, অধমেরও, অধম,—ও কথাতার মানে হ’ল তাই। তা হোমরা সবাই ত এই অধমেরও অধম পূজা নিয়েই কেবল আছি !”

ভাগীরথী করিলেন, “কি ক’ৰু দিদি ? মীলুষ যে আমরা অধমেরও অধম।—”

“তা যাই হও, মনে মনে কি ক’তে পারি, আমার ব’লে দিতে পার ?”

“তোরা বই টাই ত প’ড়’ছিস্, শিবের ধ্যানটা শিখে নিস্।

## শিব-রাত্রি

মনে মনে সেই ধ্যান প'ড়ে ভক্তি ক'রে তাঁকে ভাবিস্, আর এই মন্ত্রটা জপ করিস্,—এই বলিয়া উন্মির কানে কানে ভাগীরথী শিবের মন্ত্রটি উচ্চারণ করিলেন। মন্ত্রটার এমন বড় তত্ত্বরহস্য যে কিছু আছে তা নয়,—কিন্তু ভাগীরথীর মুখে ভক্তিতে উচ্চারিত সেই মন্ত্র যেমন কাণে গেল, সমস্ত দেহ উন্মির অননুভূতপূর্ব্ব একটা রোমাঞ্চকর আনন্দপ্রবাহে শিহরিয়া উঠিল। মন্ত্রদাতার চরণে প্রণিপাত করিয়া উন্মি কহিল, “আনীর্বাদ কর দিদিমা, এই মন্ত্র আমার সার্থক হ'ক।”

উন্মিকে আনিঙ্গন করিয়া ভাগীরথী কহিলেন, “মহাদেব তোর মনোবাঞ্ছা পূর্ণ করুন উনি! আর শোন, এই মন্ত্র প'ড়ে ছবেলা মহাদেবকে প্রণাম ক'রবি—

নমঃ শিবায় শান্তায় কারণত্রয় হেতবে।

নিবেদয়ামি চাশ্রয়ং ত্বং গতিঃ পরমেশ্বরঃ ॥

শুনেছি, ভগবতী উমা মহাদেবকে পতি পাবেন ব'লে যে আরাধনা করেন, স্তব ক'রে এই মন্ত্র ব'লে তাঁকে প্রণাম ক'রেছিলেন। তুইও করিস্, মহাদেবের নত পতি পাবি। শুনো, মেঝে জম্মে তার বড় আর ভাগ্য কিছু নাই।”

৮

“যোগীন্ আছ?”

পককেশ, দীর্ঘপকশ্মশ্রু, প্রশান্তস্মিতানন, সৌম্যদর্শন, একটি

বৃদ্ধ বাহিরে যোগীন্দ্রনাথের বসিবার গৃহে প্রবেশ করিলেন। সরল বিশ্বাসে ও আন্তরিক শ্রদ্ধায় চিত্ত উন্নত ও নিশ্চল, ভক্তি ভরে ভগবৎ-দুপসনার তৎপর, ভগবৎ কৃপালাভে নিমগ্ন ব্যাকুল, মানব প্রীতিতে চিত্ত সর্বদাই মধুময়, সেই মধুর প্রীতির প্রেরণায় সেবাব্রত পরায়ণ, কায়মনোবাক্যে সুনীতির আদর্শের অনুবর্তী, জীবনযাত্রায় অনাড়ম্বর, সবল শিষ্ট নিষ্টভাষী, এবং এই চরিত্রের বিশেষত্ব মুখের ভাবে চোকের দৃষ্টিতে এমনই ভাবে প্রতিফলিত হইয়াছে, যে দর্শনমাত্র শ্রদ্ধায় তাঁহাদের সম্মুখে লোকের চিত্ত নত হইয়া পড়ে,—এইরূপ এক শ্রেণীর সাধু ব্রাহ্মসমাজে পূর্বে অনেক দেখা যাইত। কিন্তু অধুনা বড় বিরল হইয়া আসিতেছে। যাহা হউক, আগন্তুক এই বৃদ্ধ তাঁহাদেরই মত একজন। ছাতাটি বন্ধ করিয়া বৃদ্ধ গৃহে প্রবেশ করিতে করিতে প্রশান্ত স্মিত মুখে কহিলেন,—

“যোগীন্ আছ?”

বেলা তখন আটটা। সকালে চা পানের পর কিছু কাল প্রাতঃস্নান করিয়া আসিয়া যোগীন্দ্রনাথ খবরের কাগজ দেখিতে-  
ছিলেন। ত্রুটি উঠিয়া বৃদ্ধের চরণে প্রণিপাত করিয়া কহিলেন,  
“আসুন আচার্য্য মহাশয়, ভাল আছেন ত!”

বৃদ্ধ ব্রাহ্মসমাজের একজন আচার্য্য,—নাম গৌরীচরণ বার।  
যোগীন্দ্রনাথকে স্নেহে আলিঙ্গন করিয়া গৌরীচরণ কহিলেন,  
“কল্যাণ হ'ক্ বাবা, সুখে থাক। ব'স, ব'স।”

## শিব রাত্রি

যোগীন্দ্রনাথের হাত ধরিয়া বৃদ্ধ টেবিলের কাছে আসিলেন,—  
যোগীন্দ্রনাথকে তাঁহার চেয়ারে বসাইয়া দিয়া নিজে সম্মুখে একখানি  
চেয়ারে বসিলেন ।

“তা তোমরা ভাল আছ ত সব ?”

“হাঁ, আপনার আশীর্বাদে আছি একরকম ।”

গৌরীচরণ হাসিয়া কহিলেন, “এই দেখ, এসব দোষ তোমাদের  
আর গেল না । আমার আশীর্বাদে কি ? ভগবানের আশীর্বাদ বল ।  
তাঁর আশীর্বাদ ছাড়া মানব কেউ মঙ্গলে কখনও থাকুতে পারে ?”

যোগীন্দ্রনাথ উত্তর করিলেন, “আপনাদের আশীর্বাদেই তাঁর  
আশীর্বাদ আনরা পাই ।”

গৌরীচরণ কহিলেন,—“অত বড় গৌরব আমার দিও না  
যোগীন্ । যাদের হৃদয়ের কামনার, মুখের কথার, ভগবানের ইচ্ছা  
প্রকাশ পায়, তাঁরাই ধন্য,—ভগবৎসেবনা তাঁদেরই দারিদ্র্য হইয়াছে ।  
আমি অতি দীনহীন, অতি অধন ।”

হাসিয়া যোগীন্দ্রনাথ কহিলেন, “নেটা আপনি ব’লুছেন, ব’লেও  
থাকেন, শেষ দিন পর্য্যন্ত ব’লবেন । তবে আমরা অল্প রকম ভাবি,  
তাই ভাবব । বাক্, নে বাদপ্রতিবাদ আপনার সঙ্গে ক’রা না ।  
তা চা এক পেয়ালা—”

“চা ত থেয়েই বেরিয়েছি । আবার হাঙ্গামা করাবে ওদের ?  
বাক্ না ?”

“বিলক্ষণ ! হাঙ্গামা আর কি ?”

উঠিয়া দরজার কাছে গিয়া যোগীন্দ্রনাথ ডাকিলেন, “উন্নি, ও উন্নি ! ওরে আচার্য্য মশাই এসেছেন, চট ক’রে এক পেয়াল চা ক’রে আনত । আর থান কত বিস্কুট——”

“না, না, বিস্কুট থাক্ । ও সব আর এখন খাব না । তবে চা টা—তা কি জান যোগীন্, এন্নি একটা দুর্বলতা হ’য়েছে,—কেউ দিতে চাইলে আর না বলতে বড় পারিনে । বুড়ো বয়সের অভ্যেসের দোষই এ গুলো——”

“তা শরীরে যদি সহ্য হয়, তবে এমন দোষই বা কি এতে ? প্রাচীন বয়েসে একটু আরাম——”

“আরামের অভ্যেসটা বাবা, কোন বয়েসেই ভাল নয় । বুড়ো-বয়সে আমার মনে হয়, আরামবিরাম যত ছেড়ে কঠোর নিয়মে থাকা যায়, কর্মক্ষমতা তত বেশী দিন লোকের থাকে । তবে ঐ চা টা—ওটা কি জান, বড় একটা লোভ—হাস্ছ বাবা ? তা বুড়োবয়সের বড় দুর্বলতা এটা—সব বুড়োরই খাবার লোভটা বেশী হয়, আমার ঐ চাটাতে ঠিক তেমনি একটা লোভ । তবে অসুখ কিছু করে, না, এই যা কথা ।”

“নমস্কার আচার্য্য মশাই !”

অনসূয়া গৃহে প্রবেশ করিয়া যুক্তকরে একটু শির নত করিয়া বৃদ্ধ আচার্য্য গৌরীচরণকে অভিবাদন করিলেন । কাহারও



## শিব-রাত্রি

চরণপ্রান্তে ফুঁত হইয়া প্রণিপাত ও পদধূলি গ্রহণ করাকে অনসূয়া একরূপ পৌত্তলিকতা বলিয়াই মনে করিতেন। নিজে কখনও তা করিতেন না। আর কেহ করে, তাহাও পছন্দ করিতেন না। তবে ইহার বিরুদ্ধে তেমন কোনর বাঁধিয়া সংগ্রাম কখনও করিতেন না।

গৌরীচরণও প্রত্যভিবাদন করতঃ कहিলেন, “এই যে মা অনসূয়া! এস, সুখে থাক।—তা ভাল আছ ত মা?”

অনসূয়া উত্তর করিলেন, “আজ্ঞে, শরীর গতিক ভালই এক রকম আছি। তবে সে ভাল অতি তুচ্ছ ভাল। মন ভাল নাই, গৃহে দারুণ অমঙ্গল আর অশান্তি,—সব ত জানেন——”

“হাঁ, শুনেছি সব,—তাই ত এলাম, বোঙ্গীনের সঙ্গে একবার আলাপ ক’র্ব ব’লে। তা মা একটু নিরিবিলা ওর সঙ্গে কথা-বার্তা ব’লতে পারেই ভাল হত,—তুমি বরং উপরে গিয়ে একটু চা আনাকে পাঠিয়ে দেও।”

“চা উনি তৈরি ক’রে আনছে। আচ্ছা, আপনার যদি ইচ্ছা না হয়, আমি নাই থাকলাম এখানে।”

নতশিরে ছোট একটু নমস্কার জ্ঞাপন করিয়া অনসূয়া কিরিলেন।—লগাটে কিঞ্চিৎ জুটুটবিকাশ লক্ষ্য করিয়া গৌরীচরণ कहিলেন, “তা ক্ষুধ হ’য়ো না মা, কি জান, বোঙ্গীনের সঙ্গে একটু আলাপ ক’র্ব,—তোমার কথা সব শুনেছি, এখন ও কি বলে

তাও শাস্ত হ'য়ে শুন্তে হবে। একটা বাদপ্রতিবাদ যদি  
হয়——”

অননুয়া উত্তর করিলেন, “তা বেশ ত, তাই শুনুন আপনি।  
আমি থাকলে বাদপ্রতিবাদের আশঙ্কা যদি করেন, কেন  
থাকবে? তবে এটা অবশ্য আশা ক'তে পারি, আমার অভিযোগের  
সুবিচার আপনারা ক'রবেন।”

“যদি সে অধিকার আমাদের থাকে, কেন ক'রবে না মা?”

“অধিকার অংশ আপনারাদের আছে। নইলে এ সব পাপের—  
এ সব কদাচারের প্রতিকার কি ক'রে হ'তে পারে?”

গৌরীচরণ কহিলেন, “সেইটেই ত বুঝতে হবে মা, কি  
পাপ কি কদাচার বাস্তবিক হ'য়েছে, আর তাতে হস্তক্ষেপ ক'রবার  
অধিকার আমাদের কারও আছে কি না।”

“পাপ কদাচার কি হ'য়েছে! না হ'য়েছে কি? আপনারাদের  
অধিকার আছে কি না! সমাজের নেতা আপনারা, আপ-  
দের অধিকার আছে কি না! বলেন কি আচার্য্য মহাশয়? ব্রাহ্ম  
পরিবারের কথা——”

“এই ক্ষেত্রেই ত বলছিলাম মা, বাদ প্রতিবাদ হ'লে ঘোষণা  
কি বলতে চান, সেটা——”

“ও, মাফ করুন আমাকে। আপনারাদের কথার মধ্যে কোনও  
ইন্টার ফিয়ার (বাধা দান) আমি ক'তে চাই না। নমস্কার!”

## শিব-রাত্রি

উন্মি এক পেয়ালা চা আর একখানি রেকাবে কিছু বিস্কুট ও সন্দেশ লইয়া গৃহে প্রবেশ করিল। অননুয়া স্বামীর ও কন্টার প্রতি দুইটি কঠোর দৃষ্টি নিক্ষেপ করিয়া প্রশ্ন করিলেন।

“এই দেখ ! ব’ললাম তবু আবার খাবার নিয়ে এসেছে ! নিয়ে যা, নিয়ে যা ও গুলো ! তোরা খাবি—নিয়ে যা !”

টেবিলে খাবার ও চা রাখিয়া বৃদ্ধ আচার্য্য মহাশয়কে স্থিত-মুখে উন্মি প্রণাম করিল। স্নেহ আশীর্ব্বাদ করিয়া গৌরীচরণ কহিলেন, “ওরে, নিয়ে যা, খাবারটা নিয়ে যা—তোরা খাবি ! বুড়োর দুর্ব্বলতা জানে কি না —তাই লোভ দেখাতে এসেছে। যা, যা, নিয়ে যা !”

“তা হবে না, আচার্য্য মহাশয়, ও খেতে হবে। ভারী ত জিনিশ।”

“ওরে, বুড়োর কাছে ওই ভারী।—আচ্ছা, তুই ব’ল্ছিস্ -এই একটু খানি মুখে দিলাম। যা, এখন ওগুলো নিয়ে যা। নিয়ে বরং পেশাদ খাবি—যা।”

রেকাবখানি বৃদ্ধ সরাইয়া দিলেন। যোগীন্দ্রনাথ হাসিয়া কহিলেন, “উনি ব’ল্ছেন, নিয়েই যাও উন্মি।—তোমরা খাওগে।”

উন্মি হাসিয়া রেকাবখানি তুলিয়া নিয়া গেল। চায়ের পেয়ালায় একটা চুমুক দিয়া গৌরীচরণ কহিলেন “তা হ’লে বুঝ্তে পাচ্ছ ত যোগীন্, কেন আনি এসেছি।”

“হাঁ, বুঝেছি বটে কি ?—তা—”

“কি হ’য়েছে আমাকে খুলে বল তা বাবা ?”

যোগীন্দ্রনাথ উন্মির সব কথা বলিলেন ।

গৌরীচরণ ধীরভাবে সব শুনিয়া শেষে कहিলেন, “হঁ, শুধুই জানবার একটা আগ্রহ ? অনুষ্ঠান কিছু ক’ন্তে চায়নি ?”

“না, এখনও তা চায়নি ।”

“তবে চাইতে পারে ?”

“সেটা একেবারে অসম্ভব ব’লতে পারিনে ।—তবে এখনও চায়নি ।”

“হঁ—কি জান বাবা, বতটা বুঝতে পাচ্ছি, নিরপেক্ষ ভাবে লোকে যে জ্ঞানানুসন্ধান করে, তার জন্য বিভিন্ন ধর্মতত্ত্ব আলোচনা করে, এটা ঠিক সে রকম একটা ভাব তার নয় । পৌত্তলিক হিন্দুধর্মের দিকে তার চিত্তের একটা আকর্ষণই জন্মেছে ।”

“হাঁ, আবারও তাই ননে হয় বটে ।”

গৌরীচরণ कहিলেন, “তা হ’লে—এ ক্ষেত্রে তোমার পিতার কর্তব্য কি তুমি অনুমান কর ?”

যোগীন্দ্রনাথ উত্তর করিলেন, “যে ভাব থেকেই হ’ক, সে জানতে তার প্রচলিত হিন্দুধর্মের মধ্যে কোনও সত্য আছে কি না, আর তার সাধনাপ্রণালী এমন কিনা, উন্নতিবাদি বিচার-

## শিব-রাত্রি

নীল উদ্ভট বা শ্রদ্ধার গ্রহণ ক'তে পারে। এই জন্তে সে হিন্দুর ধর্মতত্ত্ব আর অনুষ্ঠানপদ্ধতি সম্বন্ধে বই টাই বা পাওয়া যায় তাই প'ড়ছে। কি ব'লে এতে আমি বাধা তাকে দিতে পারি ?”

“না, বাধা তাতে কেউ দিতে পার না, মানবের জ্ঞান স্বাধীনতার উপরে তাতে হস্তক্ষেপ করা হয়।—তবে ভাবনার কথা হ'চ্ছে এই যে তার মনটা এ দিকে খুঁকে প'ড়েছে— —”

“হাঁ, তা প'ড়েছে। কিন্তু তাকে আমি ঠেকাব কি করে ?”

“কিন্তু ধর, এই দিকে খুঁকেছে, এটা বইটাইও প'ড়ছে, যদি হিন্দুধর্মের পৌত্তলিক তত্ত্বই সে সত্য ব'লে বোঝে, আর তার সব অনুষ্ঠানই শ্রদ্ধায় গ্রহণ ক'রবার বোধ্য ব'লে মনে করে, তখন কি ক'র্বে ?”

বেগীন্দ্রনাথ উত্তর দিলেন, “উদ্ভট এখন আর নিতান্ত বাতিকটি নয়। সত্য আর শ্রদ্ধার ব'লে যা সে বুঝবে, তাই যদি গ্রহণ ক'তে চায়, তবে তা ক'রবার অধিকার তার নাই কি ?”

“সে ত ভুল বুঝতেও পারে।”

“আজ্ঞে, তা পারে। কিন্তু কোন্টী সত্য কোন্টী ভুল, তা নির্ণয় কে ক'র্বে ?”

“বিবেক !”

“ক'র বিবেক আচার্য্য মশাই ?”

“বার বিবেক !—এ কি কথা ব'ল্হু ধোঁগীন্ ?—বিবেক মানব-

হৃদয়ে নিহিত ভগবদ্বাকী,—তা কি আর ভিন্ন ভিন্ন লোকের ভিন্ন ভিন্ন রকম হবে ?”

যোগীন্দ্রনাথ উত্তর করিলেন, “আজ্ঞে, এই কথাটা বরাবর শুনে আসছি,—শুনে শুনে সত্য বলে একটা ধারণাও হ’য়ে গিয়েছিল। কিন্তু সম্প্রতি এ ধারণা বড় একটা খটকা মনে হচ্ছে। এই ধরুন, আমার পিসিমার কথা। তাঁর গর্ভকেই মনেপ্রাণে তিনি সত্য বলে বিশ্বাস করেন, সরল ভক্তিতে তাঁর দেবতার পূজা করেন। বিবেক কথাটা হয়ত তিনি জানেন না,—কিন্তু তাঁর বিবেক, তাঁর হৃদয়ে নিহিত যে ভগবদ্বাকী, তাতে ক’রেই না তাই সত্য বলে তিনি অনুভব করেন ?”

“সেটা সত্যের অন্তর্ভুক্তি না হ’য়ে কুসংস্কারের আশ্রয়ও হ’তে পারে।”

“আমরা তাই বান বটে।—কিন্তু তাঁরা তা স্বীকার করেন না।”

“তিনি কি শিক্ষা লাভ ক’রেছেন কিছু ?”

“আমরা যাকে শিক্ষা বলি, ইস্কুলকলেজে প’ড়ে বেটা লোকে লাভ করে, তা করেন নি। তবে যে ভাবে জীবন বাপন ক’রেছেন, তাতে কিছুই শেখেন নি তা বলতে পারি না। তার পর বিবেক হ’ল অন্তরের স্বাভাবিক একটা দৃষ্টি,—শিক্ষার অপেক্ষা ত সে কিছু রাখে না।”

## শিব-রাত্রি

“তা রাখে না, কিন্তু কুশিক্ষার সে দৃষ্টি নষ্ট কি কলুষিত হ’য়ে যেতে পারে।”

যোগীন্দ্রনাথ উত্তর করিলেন, “তা পারে। কিন্তু আধ্যাত্মিক জ্ঞানের হিসাবে আমাদের এই শিক্ষাই যে সুশিক্ষা, আর তাঁরা যা শিখেছেন সেটা কুশিক্ষা, তা কি জোর ক’রে ব’লতে পারেন আচার্য্য মহাশয়?”

গৌরীচরণ একটু ভাবিয়া কহিলেন, “হঁ! তুমি—ভাবালে যোগীন্। চিন্তার দ্বারা অভ্যস্ত এক পথে এত দিন চ’লেছে, এ সব প্রশ্ন কখনও তার মধ্যে আসেনি।—তাই ত, কথাগুলো ভাববার কথা বটে! কিন্তু এও কি সম্ভব? ব্রাহ্মধর্মের সত্য সকলের বিবেকানুসৃত নয়, বিপরীত কোনও ধর্মমতও বিবেক-বাণীতে উন্নতবুদ্ধি কোনও লোক সত্য ব’লে অনুভব ক’তে পারে, পৌত্তলিকতার মধ্যেও আধ্যাত্মিক সত্য কিছু থাকতে পারে, এটাও কি সম্ভব ব’লে মনে কর যোগীন্?”

যোগীন্দ্রনাথ উত্তর করিলেন, “দেখুন, হঠাৎ কথাটা কেউ তুলে আমাদের কাছে সেটা সম্ভব ব’লে মনে না হতে পারে, কিন্তু একটু ত’লয়ে দেখলে, আর নিরপেক্ষ ভাবে খোঁজ খবর নিয়ে পরীক্ষা ক’রলে, আমরা বোধ হয় বুঝতে পারব, কথাটা অসম্ভব ব’লে উড়িয়ে দেবার কথা নয়।—এই ধরন, হিন্দুসমাজে আধুনিক শিক্ষার উন্নত লোক বহু আছেন। ৬০।৭০ বছর

ব্রাহ্মধর্মের তত্ত্ব কত রকমে প্রচার করা হ'চ্ছে। প্রচার যাঁরা ক'রেছেন, বা ক'চ্ছেন, বিচার জ্ঞানে প্রতিভাযুক্ত তাঁদের তুলনা সচরাচর মেলে না,—কিন্তু এই শিক্ষিত হিন্দুর মধ্যেই বা কম জনে হিন্দুধর্ম ত্যাগ ক'রে ব্রাহ্মধর্ম গ্রহণ ক'রেছেন? বরং হিন্দুধর্মের প্রতিই এঁদের শ্রদ্ধা ক্রমে বাড়ছে বলেই মনে হয়,—হিন্দুধর্মের তত্ত্বও এঁরা কত প্রচার ক'চ্ছেন। তারপর খৃষ্টান মুসলমানদের কথা ধরুন। তাঁদের ধর্মমতও ব্রাহ্ম ধর্মমতের অনেকটা বিপরীতই বটে। তাঁরা শাস্ত্র মানেন, অবতার মানেন, পয়গম্বর মানেন—যা নাকি ব্রাহ্ম কেউ মানতে পারেন না।”

“তাই ত—তাইত বাবা! কথা গুলো যা ব'লে ঠিক বটে। এ ভাবে এ সব কথা ভাবিনি কখনও; কেউ তোলেও নি।—নিজেরা যে একটা গভী রচনা ক'রে নিয়েছি, তার বাইরে কে কি ভাবছে, কে কি ক'চ্ছে, সেটা নিরপেক্ষ ভাবে অনুসন্ধান ক'রেও কখনও দেখিনি বটে।”

“কিন্তু দেখাটা উচিত নয় কি?”

“উচিত বই কি বাবা! অনুচিত ত বলতেই পারি না। সত্যের অনুসন্ধান কখনও অনুচিত হ'তে পারে?”

যোগেন্দ্রনাথ কহিলেন, “আমার মেয়ে তাই ক'চ্ছে। যে ভাবেই হ'ক, আমাদের এই গভীর বাইরের দিকে তার দৃষ্টিটা প'ড়েছে, সে অনুসন্ধান ক'রে দেখতে চায়, সত্য সেখানে আছে কি না, আর



## শিব-রাত্রি

সেটা কি ব্রহ্ম। অনুচিত ব'লে কি তাতে আমি বাধা কিছু দিতে পারি ?”

“না, তা——কি ব'লেই বা দেবে ? কিন্তু —ধর, যদি সে এটা অনুভব করে বাইরে—অর্থাৎ হিন্দু ধর্মের মধ্যে এমন কোনও সত্য আছে, যার দিকে তার চিত্তটা বড় আকৃষ্ট হ'য়ে পড়েছে, তা হ'লে——”

“তাহ'লে কি ক'ত্তে বলেন আপনি ?”

“বড় শক্ত সমস্তা বাবা, বড় শক্ত সমস্তা !—কি জান, ধর্ম-তত্ত্বটা যত সহজ আমরা ব'লে আসছি, তত সহজ নাও হ'তে পারে। হয়ত ভিন্ন ভিন্ন ধর্মে জটিল এই তত্ত্বের ভিন্ন ভিন্ন ভাব প্রকাশ পেয়েছে,—কোনওটাকেই অসার ব'লে উড়িয়ে দেওয়া যায় না। কিন্তু আমরা একটা মত অবলম্বন ক'রেছি, দীক্ষার সময় কতকগুলি নীতিকে সত্য ব'লে গ্রহণ ক'রেছি। সেটা কি সহজে ত্যাগ করা আমাদের উচিত হবে বাবা ?”

“সহজে কারও ধর্মমত কি কোনও মতই ত্যাগ করা উচিত নয়। তবে পরীক্ষা আর বিচার ক'রে অন্য মত যদি কেউ সত্য ব'লে অনুভব করে, কিম্বা সত্যের যে দিকটা তাতে প্রকাশ পেয়েছে তাই যদি তার বেশী ভাল লাগে, সেইটে ধ'রে চ'লতেই যদি মনে বড় আগ্রহ তন্মে, আর তাতেই তার সাধনার সার্থকতা হবে ব'লে সে বোঝে,—তবে তা না ক'রে পুরোণ মতটার দাস হ'য়ে

থাকাই কি তার পক্ষে ভাগ কখনও হ'তে পারে ?—স্বস্ত্যঃ এ দাসের বর্জনের অধিকার কি মানব মাত্রেয়ই নাই ?”

গৌরীচরণ কহিলেন, “ব্রাহ্ম আমরা মানব মাত্রেয়ই স্বাধীনতার পক্ষপাতী।—বিচারে বা বিবেকে বা সত্য ব'লে মনে হবে, সেই অনুসারে চলবার অবাধ অধিকার মানবের আছে আমরা মানি, আর সেই অধিকারের গৌরবই বোধগা ক'রে থাকি। ব্রাহ্মধর্ম যে লোকে দীক্ষিত হয়, সে ত সেই অধিকারেই হয়। কিন্তু দীক্ষার প্রতি একটা সত্যরক্ষার চেষ্টাও ত সকলের থাকা উচিত ?”

“স্বচ্ছার বারা দীক্ষা গ্রহণ ক'রেছে, তাদের সেটা উচিত বটে। কিন্তু আমরা দীক্ষিত হ'রেছি, আমাদের ছেলেমেয়েরাও শু কেউ দীক্ষিত হয় না——”

কথাটা শুনিয়া গৌরীচরণ যেন একটু চমকিয়া উঠিলেন।

“দীক্ষিত হয় না !—হাঁ, ঠিক ব'লেছ বাবা। এটা আমাদের একটা ক্রটিই হ'চ্ছে ব'লতে হবে। ব্রাহ্ম পিতামাতার সম্মান—স্বস্ত্যঃ সে ব্রাহ্মই হবে, এটা আমরা ধ'রেই নিই।—কিন্তু সেও যে একজন মানুষ, তারও বিচার আছে, বিবেক আছে,—এটা তার পৈতৃক ধর্ম হ'লেও তার নিজেরও একবার এর তত্ত্বটা বুঝে নিজের ধর্ম ব'লে স্বাধীনতা দীক্ষা গ্রহণ করা উচিত,—কথাটা—কই, কেউ ত আমরা ভাবিনি। আগামী মাত্রেয়সবের সম্মান আমা-

## শিব-রাত্রি

দেব ব্রহ্মবিশ্বাসনে কথাটা তুলতে হবে বটে। সবার পক্ষেই দীক্ষার নিয়ম সব ধর্মেরই ত আছে ?”

“হাঁ, বতদূর জানি আছে। হিন্দুর মধ্যে ষাড়া দ্বিধ জাতি, তাদের সবারই পৈতে হয়। সেটাও বৈদিক ধর্ম এক রকম দীক্ষা। কারণ তার পর প্রত্যেকেরই সন্ধ্যা আত্মিক ক’রবার বিধি আছে। তার পর দ্বিজ অদ্বিজ সবাই আবার তান্ত্রিক দীক্ষা নেয়, —নিরৈষাদেব যেমন পৈতৃক নিয়ম আছে, সেই রকম পূজো টুজো করে। তবে আজ কাল অল্প অনেকই এই দীক্ষাটা আর নেয় না। না নিলে তার জন্ত সমাজেরও কোনও তাড়া নাই।—হিন্দু ছাড়া খৃষ্টান, মুসলমান —এদেরও একটা দীক্ষা সবার হয়।”

“হুঁ, আমাদেরও হওয়া উচিত বটে! কি আশ্চর্য! এত বড় একটা দরকারী কথা কারও আমাদের মনে কখনও হয় নাই!”

যোগীন্দ্রনাথ কহিলেন, “কিন্তু দীক্ষা হ’লেও, পবে যদি অল্প রকম ধর্ম কারও বেশী ভাল লাগে, তার দিকে মনটা বেশী টানে, তাই গ্রহণ কি সে ক’তে পারে না? হিন্দুরাও ইচ্ছা হ’লে, দীক্ষার পরে কুলদেবতার মত ত্যাগ ক’রে অল্প রকম সাধনা গ্রহণ করে। ব্রাহ্ম কি কেউ তা পারে না?”

“পারে না, সে কথা কি বলতে পারি বাবা? বিবেকের আর বিচারের স্বাধীনতা সবারই যে ভগবদ্ বিহিত অধিকার।”

“তাহ’লে ব্রাহ্ম কেউ যদি, ধরুন, কোনও দেবমূর্তির পূজা ক’ত্তে চায় কি কোনও অবতার মানে—”

“সেটা যে ব্রাহ্মধর্মের মূল নীতিসূত্রের বিরুদ্ধ !”

“বিবেকের আর বিচারের স্বাধীনতাও কি ব্রাহ্মধর্মের একটা মূল নীতিসূত্র নয় ?”

গৌরীচরণ নাগা নাড়িতে নাড়িতে বলিলেন, “তাই ত বাবা ! তাই ত বাবা ! আবার বড় একটা কঠিন সমস্তার কথাই তুলে বটে ! কোনও বিশেষ ধর্মমতের আশ্রয়ে একটা সমাজকে যদি গ’ড়ে তুলতে হয়, তবে কতকগুলি মূলনীতি সবাইকেই মানতে হবে,—আর তা যদি হয়, তবে ত সব বিষয়ে প্রত্যেক ব্যক্তিকে বিবেক কি বিচার অনুসারে চ’লবার সম্পূর্ণ স্বাধীন অধিকার দেওয়া যায় না ? তাই ত ! দেখছি বড় কঠিন সমস্তাই একটা উঠল । ও পর্য্যন্ত এ সব সমস্তা আনাদের মধ্যে উপস্থিত হয়নি, —কেউ কিছু ভাবেনওনি । কিন্তু বোধহয় এখন ভাবতে হবে । না বাবা, উন্মির সম্বন্ধে—না, এখনই কিছু ব’লতে পাচ্ছিনি । ভাবতে হবে, ভাবতে হবে ! ব্রাহ্ম কি ব্রাহ্মিকা কারও ব্রাহ্মধর্মের প্রচলিত মতের বিরুদ্ধ মত অবলম্বন ক’রে সেই অনুসারে চ’লবার অধিকার কতটা আছে, আর তাদের এই অধিকারের সঙ্গে ব্রাহ্মসমাজের মঙ্গলানঙ্গলের বিরোধ কিছু আছে কি না, এ ওলো—হাঁ, ভাববার কথাই বটে । তা আমি এখন উঠি

## শিব-রাত্রি

বাবা, আজ আজ কিছুই ব'লতে পারছি না। ভাবতে হবে, ভাল ক'রে কথাটা ভাবতে হবে।”

গৌরীচরণ উঠিলেন। যোগীন্দ্রনাথ প্রণাম করিয়া তাঁহার পদধূলি নিলেন,—আশীর্বাদ করিয়া বৃদ্ধ আচার্য্য বিদায় হইলেন।

( ৯ )

“আচার্য্য মশাই চ'লে গেলেন?”

সহসা অননুয়া গৃহে প্রবেশ করিয়া এই প্রশ্ন করিলেন।—ইঁহাদের আলোচনার বোগ দিতে অর্থাৎ অনভিপ্রেত প্রতিকথার বাধা দিয়া তাঁহারই মতানুসারী একটা বীমাংসার ইঁহাদিগকে উপনীত করিবার সুযোগ না পাইয়া, অননুয়া যার পর নাই অসন্তুষ্ট হইরা-  
ছিলেন,—এবং অতি অধীর ভাবে উপরে ছট ফট করিতেছিলেন।  
আড়ালে দাঁড়াইয়া ইঁহাদের কথা শোনা সুনীতিসঙ্গত কাজ হয় না, তাই সে চেষ্টা করেন নাই। কিন্তু কাণ খাড়া করিয়া ঘন ঘন বাহিরের জানালার কাছে আসিয়া দাঁড়াইতেছিলেন, বরটাও ছিল ঠিক ইঁহাদের বসিবার ঘরের কেবল উপরে। তবে অস্পষ্ট একটা শব্দ ব্যতীত, স্পষ্ট কোনও কথা তাঁহার কাণে গেল না। হঠাৎ দেখিলেন, আচার্য্য মহাশয় চলিয়া যাইতেছেন।—  
চলিয়া যাইতেছেন!—এ কি!—একবার তাঁহাকে ডাকিয়া, কি সিদ্ধান্ত তাঁহার করিলেন, তাহা না বলিয়া অমনই চলিয়া যাইতে-

ছেন। ছুটিয়া অনঙ্গ নীচে নামিয়া আসিলেন, উৎকণ্ঠিতভাবে জিজ্ঞাসা করিলেন, “আচার্য্য বসাই চ’লে গেলেন ?”

“হাঁ, চলেই গেলেন।”

“কি ব’লে গেলেন ?”

“কথাটা ভেবে দেখতে হবে তাঁর।”

“ভেবে দেখতে হবে।—কি ভেবে দেখতে হবে ?”

“হিন্দুধর্মের তত্ত্ব অনুসন্ধানের জন্য তার বই টাই প’ড়বার অধিকার সকলেরই আছে, একথা তিনি স্বীকার করেন,—স্বীকার সবাইকে ক’তে হবে।—ভেবে তিনি দেখতে চান এই যে ব্রাহ্ম কেউ যদি হিন্দুধর্মের তত্ত্ব সত্য ব’লে অনুভব করে, আর তার সাধনা-প্রণালী ভাল কারও লাগে, তবে তাই গ্রহণ ক’রবার অধিকার তার আছে কি না।”

“না, এ অধিকার তার নাই! যদি কেউ তা করে, ব্রাহ্ম-সমাজে তার স্থান হ’তে পারে না।”

“তাহ’লে বল, ব্রাহ্ম সমাজেও লোকের জাত যায়।”

“জাত যায়! জাত যাওয়া মানে কি? আমরা কি জাত মানি যে জাত যাবে?”

“যে ভাষাই বল, কথাটা গিয়ে একই দাঁড়াল।—ব্রাহ্ম কারও যদি ব্রাহ্ম সমাজে স্থান না হয়,—তবেই সেটা তার জাত যাওয়াই হ’ল।”

## শিব-রাত্রি

“হয় হ’ল। হ’লেই বা কি? ধর্মনীতির বিরুদ্ধে গুরুতর অপরাধ যদি কেউ ক’রে, সাধুসমাজে তার স্থান হ’তে পারে না,—এখন তাকে জাত যাওয়াই বল আর যাই বল।”

“কিন্তু কথাটা একটু ভেবে দেখে অল্প!—ধর্মনীতির বিরুদ্ধে যে চলে, অসাধু যে, সাধুসমাজে তার স্থান হ’তে পারে না। সেটা হ’ল এক রকমের কথা, জীবনের মর্যাল (moral) বা যাকে আমরা ‘নৈতিক’ দিক ব’লে থাকি, এ সেই দিকের কথা।—কিন্তু অন্য রকম religious ideal অর্থাৎ কি না ধর্মমত কি ধর্ম অনুষ্ঠানের আদর্শ কেউ যদি ভাল মনে করে, আর তা গ্রহণ ক’রে চায়——”

“তাহ’লে সোজা কথা, এ সমাজে সে থাকতে পারে না! বিশেষ একটা ধর্মমত ধ’রেই এ সমাজ হ’য়েছে,—সেই মত ছেড়ে বিপরীত কি ভিন্ন রকম বার যেমন খুশী মত নিয়ে লোকে যদি চ’লতে থাকে, সমাজ কি ক’রে থাকে?”—

“হঁ! তাহ’লে—ব’লতে হবে বিবেকের কি বিচারের স্বাধীনতা ব্রাহ্মেরও নাই। অতের নিদিষ্ট একটা মত অনুসারে তাকেও চ’লতেই হবে।”

অনস্থ্যা উত্তর করিলেন, “যাঁরাই নির্দেশ ক’রে থাকুন, ঠিক সত্য বা তাই নির্দেশ ক’রেছেন। যারা তা স্বাকার ক’র’ব না, তারা ভুল বুঝেছে। ভুল বুদ্ধিতে পাপের পথে ক’উক চ’লতে

দেওয়া যেতে পারে না। ব'লে যদি না শোনে, বোঝালে যদি না বোঝে, থাক ব'লে তাদের দূর ক'রে দিতে হবে।”

“উন্মিকে বোঝাবার চেষ্টা কিছু ক'রেছ?”

“বোঝাব! ঐ এক রাত্রি মেয়ে—ওকে আবার বোঝাব কি? ধম্কে ওকে কিরিয়ে আনতে এক দিনে পান্তাম। কিন্তু তুমিই এই পাপ বুদ্ধিতে ওকে প্রশ্রয় দিয়ে সর্বনাশ ক'রে দিচ্ছ।”

যোগীন্দ্রনাথ একটু হাসিয়া কহিলেন, “অনু, উন্মি নেহাত এক-রাত্রি মেয়েটি ভ আর নাই।—বেশ ত, ও প'ড়ছে, পড়ুক না। তুমি পার, যুক্তি দিয়ে বুঝিয়ে ওকে ফেরাও। কোনও আপত্তি আমার তাতে নাই।”

অনুস্মা উত্তর করিলেন, “যে পাপ বুদ্ধি ওর মাথার ঢুকেছে, তাতে অবাধে যদি এই সব অপধর্মের বই ও প'ড়তে পার, মনের এত অধোগতি হবে, যে কোনও যুক্তি দিয়ে তা থেকে ফেরাতে আমি ওকে পারব না।—এখানে শাসন দরকার, যুক্তি নয়।”

“সেটা আমি মানতে পারিনে অনু। উন্মি, কুবুদ্ধির মেয়ে নয়, ব্রাহ্মধর্ম ত্যাগও সে এখনও করেনি। তবে হিন্দুধর্মটার মধ্যে কি আছে, তাই দেখতে চাচ্ছে। যদি তার মনের ঝাঁক সে দিকেই শেষে গিয়ে পড়ে, আর যুক্তির বলে তা না ফেরাতে পার,—তবে ব'লতে হবে সে যুক্তি তোমার অসার।”

“না, যুক্তি অসার নয়, তার মনটা অসার, সার যুক্তি



## শিব-রাত্রি

গ্রহণ ক'তে পারে না। তুমি প্রশ্ন দিয়ে তার পথ আরও কঠিন করে দিচ্ছ। আচার্য্য মশাইএর কাছে আমার অভিযোগ ছিল উন্মির বিরুদ্ধে তত নয়, যত তোমার বিরুদ্ধে। তুমি তোমার দিতার কর্তব্য বিবৃত হ'চ্ছ, পাপের পথে তাকে বাধা দিচ্ছ না।”

“জামি সেটা মনে করি না অমু। আচার্য্য-মশাইও তা মনে করেন না।”

“সাদা মিথে ভাল মানুষ তিনি,—তু বুঝিয়ে দিয়েছ। নইলে ব্রাহ্মসমাজের আচার্য্য হ'য়ে তান বলেন কি না ভেবে দেখতে হবে! ভেবে দেখতে হবে, ব্রাহ্ম কেউ পৌত্তালিক হ'তে পারে কি না!”

“এখাটা ঠিক ও ভাবে ব'লে, ঠিক বলা হ'ল না অমু।—ব্রাহ্ম-সমাজে ক'র ক'রেন, বিবেকে আর বিচারে যা ভাল মনে হ'বে, সেই অনুসারে স্বাধীন ভাবে চ'লবার অধিকার প্রত্যেক ব্রাহ্মের আছে। এখন এই যা কোনও ব্যক্তির ভাল মনে হবে, তা যদি ব্রাহ্ম ধর্মের প্রচলিত নীতির বিরোধী হয়, তবে তার সেই স্বাধীন-তার হস্তক্ষেপ ক'রবার অবকাশ ব্রাহ্মসমাজের আছে কি না, এইটেই তিনি——”

“অবশ্য আছে! নইলে ব্রাহ্মসমাজ থাকে কি করে? আর বে কোনও কাজেই লোকের স্বাধীনতা মানা যাক, মূল যে সব নীতির আশ্রয়ে এই সমাজটা দাঁড়িয়েছে, সে সব বিনষ্ট যে বা নুনা ক'রে

বেড়াতে পারে না। এক কথায়, আর যাই যে করুক, ব্রাহ্ম কেউ পৌত্তলিক হ'তে পারে না।”

“সেইটে পারে কি না, কেউ হ'লে ব্রাহ্মসমাজ কোনও শাসনে তাকে বাধ্য ক'তে পারেন কি না, য'লে বার্তাগত স্বাধীনতার উপর অশ্রায় হস্তক্ষেপ করা হ'ত না, এই কথাগুলিই ত তিনি ডেবে দেখতে চান।”

“তাহ'লে—দেখছি—এর কোনও প্রত্যেক তাঁর দ্বারা হবে না।”

“নাও হ'তে পারে।”

“তু নই তবে এক খট্টা না হ'লে তু ক'রেছ! নীচে——”

“হাঁ, কথাগুলো তা হ'লে উল্লিখিত আগে আমহ'কে ব'হ বটে,—তবে তার যুক্তি ও যুক্তি য'লে স্বীকার ক'রেছেন।”

“যুক্তিযুক্ততা ত হ'লে ব্রাহ্মপারবারের দেরে ফুলপাতা নিরে মন্তর আউড়ে পুতুল পূজা ক'তে পারে?”

“না, ঠিক তা নয় অতু! তবে যদি কেউ তা ক'রেই, তবে ব্রাহ্মসমাজ তাকে বাধ্য দিতে পারেন কি না।”

“কত বড় ঔক্কা অশ্রায় তুমি ক'রেছ বুঝতে পাচ্ছ না চিত্তের মোকাবিলা?”

“না, কি?”

“মেয়ের মাথাটা খেয়েছ, আচার্য্য মণাইএর মাথা খাওয়ার

## শিব-রাত্রি

যোগাড় ক'রেছ। কত বড় অনর্থ হবে এতে বুঝতে পাচ্ছ ?  
বুঝতে পাচ্ছ তার জন্যে দায়ী তুমি ?”

“না, সেটা ঠিক বুঝতে পাচ্ছ না অনু। হাঁ, গোলমাল  
একটা তুমি ক'চ্ছ, আরও ক'রবে। কিন্তু তাই জন্যে আমিই যে  
দায়ী, সেটা ত ঠিক মনে হচ্ছে না।”

“হচ্ছে না ! মিছে কথা ব'লছ ! তুমি দায়ী—তুমিই দায়ী !  
তুশো বাধা তুমি দায়ী ! কেন এমন কুকাণ্ডটা ঘটল ?—স্বকণ্ঠেই  
কেন প্রতিকার তুমি ক'লে না, আমাকেও ক'ত্তে দিলে না ?  
এখনও—এখনও যে প্রতিকার হ'তে পারে, তাতেও কেন এত  
কৌশল ক'রে বাধা দিচ্ছ ?”

“অনু, বেলা হ'ল,—স্নানাহার ক'রে এখন আফিসে যেতে  
হবে——”

এই বলিয়া ঞ্জগীন্দ্রনাথ উঠিলেন। অনস্বরণ কহিলেন,  
“পালাতে চাও ! পালাও। আমি কিছু তোমায় ধ'রে রাখতে  
পারব না। কিন্তু ছেনো, সহজে আমি ছাড়ব না ! আচার্য্য  
মশাই সাদা নিধে বুড়ো মানুষ, বুদ্ধ সুদ্ধ লোপ পেয়েছে, তাঁকে  
ছুটো কথাই হলে ভুলিয়েছ,—কিন্তু সবাইকে পারবে না ! উনি  
ভেবে দেখবেন ? বেশ ভাবুন, দেখি ভেবে কি বলেন ! কি  
আর ব'লবেন, যা ব'লবেন তা বুঝতেই পাচ্ছি। তা মনে  
ক'রোনা, একা ওঁর কথাই অমনি মাথা পেতে আমি নেব। ব্রাহ্ম

সমাজের কাছে আমি আপিল ( appeal ) ক'রব,—দেখি সুবিচার  
সেখানে এর হয় কিনা ।”

“তা বেশ, ক'রো ।”

“তাদের বিচার তখন মেনে নেবে ত ?”

“সেটা তখন বুঝব । তাঁরা ত একতরফা রায় দেবেন না !  
আমার কথাটাও অবশ্য শুনবেন ।”

অনহুয়া কেমন যেন খমকিয়া কিয়ৎকাল স্বামীর মুখের দিকে  
চাহিয়া রাহলেন । শেষে বলিয়া উঠিলেন, “বাঃ । চমৎকার হবে !  
স্বামী-ব্রা পরস্পরের বিরুদ্ধে যেন আদালতে মামলা ক'ত্তে গিয়ে  
সুনাভের সম্ভার দাঁড়াব ।—যোগীন্ ! কি ক'রে এটা তুমি  
ভাবতে পাল্লো ? কত বড় একটা বিশ্রী কাণ্ড হবে সেটা—  
বুঝতে পারছ না ?”

অনহুয়া এবার কাঁদিয়া ফেলিলেন । যোগীন্দ্রনাথ স্নেহে  
জ্বর কাঁধে হাত রাখিয়া কহিলেন, “কেঁদো না অম্ম ! ছি,  
কাঁদতে আছে ? কি করব বল ? নিজের কোনও সুখ সুবিধা  
মেনে কথা হ'লে আমি ছেড়ে দিতাম,—তোমার মত যা, তাই  
মেনেই চ'লতাম ।”

অনহুয়া কাঁদিতে কাঁদিতে কহিলেন, “আনি ত নিজের জন্ত  
কিছু ক'ত্তে চাচ্ছি না, উন্নির যাতে মঙ্গল হয়—”

“সামিও ঠিক তাই চাচ্ছি । তবে এ বিষয়ে একমত হ'জনে

## শিব-রাত্রি

হ'তে পারছি না। তুমি মা, আমি বাবা,—তুমি মার কর্তব্য পালন ক'তে চাচ্ছ, আমিও পিতার কর্তব্য পালন ক'তে চাই। তবে এই কর্তব্য সম্বন্ধে বড় শক্ত একটা মতবিরোধ আমাদের হচ্ছে। এখন—”

“তুমি ভুল বুঝ্ছ—নিশ্চয়ই ভুল বুঝ্ছ! কেবল—”

“না,—অস্তুতঃ আমি তা মনে করি না। ভুল হয়ত—তোমারও হ'তে পারে। তা যখন দুজনের দুই মত হ'চ্ছে, আর তুমি তোমার মতে আমাকে বাধ্য করবার জন্য সমাজের কাছে আপীল ক'রবে ব'ল্ছ, তখন আমারও ত নিজের কথাটা সেখানে একবার ব'লতে হবে। এই সব গুরুতর বিষয়ে স্বামী স্ত্রীর যদি দুই মত হয়, আর ঘরে তারা তার মীমাংসা ক'রে নিতে না পারে, তাতে ক'রে এক পক্ষ যদি তার অভিযোগ নিয়ে সমাজের দরবারে উপস্থিত হয়, আর এক পক্ষকে একটা জবাব ত তার দিতে হবে।”

“কেন ঘরে কি মীমাংসা হ'তে পারে না?”

“হচ্ছে কই অম? হ'ল না বলেই না। আচার্য্যমশাইএর কাছে তুমি অভিযোগে জানিয়েছ? তা বেশ, দেখেই না, এত ব্যস্ত কেন হ'চ্ছ? দেখ না, আচার্য্যমশাই কি বলেন, তখন যা হয় একটা বোঝা যাবে।”

“উনি কে? তুমি কেন একটু বুঝিয়ে বল না? তোমার কথা শুনে—”

“বোঝাতে পাচ্ছি কই?—ও যা বলে, তার জবাব যে সব দিখে উঠতে পারি না। তা এখনও ত সে হিন্দুধর্ম গ্রহণ ক’ন্তে ঠিক প্রস্তুত হয়নি? প’ড়ছে, দেখছে, ভাবছে, সেটা ত আর নিষেধ ক’ন্তে পারি না—”

“ক’লে ভাল হ’ত। হয় ত তোমার কথা সে মানত।”

“সেটা—উচিত মনে করি না অম্মু। কারও বুদ্ধিকে আর চিন্তাকে একটা গণ্ডীর মধ্যে জোর ক’রে বেঁধে রাখতে চাওয়া—সেটা তার চক্ষু দুটি অন্ধ ক’রে কারাগারে বেঁধে রাখার চাইতেও খারাপ। স্বাধর্ম্যে কারও মনকে স্তব্ধ রাখতে যদি হয়, তার প্রতি অত্যাচার এটা নৃশংস নৃশংসের মতই হ’য়ে যাতে ওঠে, ছেলেবেলা থেকে তেমনি ভাবে তাকে চালাতে হয়। তা যদি হয়, কোনও যুক্তি সে সংস্কারকে জয় ক’রে উঠতে পারে না। তা—এসব কোনও ব্যবস্থা যে আমাদের একেবারেই নাই।—এখন এক উপায় দুই পক্ষের যুক্তির লড়াই। তোমার যুক্তি দিয়ে তার যুক্তিকে যদি হারাতে পার, হয়ত মনের গতি তার ফিরবে। কিন্তু তার যুক্তি ছোরও বড় কন নয় অম্মু।”

“তাহ’লে—পৌত্তলিক ধর্ম্মই তাকে ছেড়ে দেবে তুমি?”

“ছেড়েও দিতে চাইনে, বেঁধেও রাখতে চাইনে। সে যা ভাল বোঝে ক’রবে। বুঝিয়ে তাকে ফেরাতে পার, বেশ, দেখ।”

## শিব-রাত্রি

“তুমি সেটা দেখবে না ? তোমার কি তা উচিত নয় ?”

“আমি—বোধ হয় পারব না সেটা । দোহাই তোমার, এখন ও কথা থাক্‌ অম্মু । বেলা হ’ল বড়,—এর পর যে খেয়েই যেতে পারব না ।”

“আচ্ছা, যাও এখন ।—দেখি । কিন্তু তুমি পারবে না, এটা আমি স্বীকার ক’রে নিতে পাচ্ছি না । পারতে তোমাকে হবেই ।”

১০

“রাম নাম সত্য হায় !”

“রাম নাম সত্য হায় !”

নীচে রাস্তার প্রথমে কতিপয় কণ্ঠে ধ্বনি উঠিল—

“রাম নাম সত্য হায় !”

সঙ্গে সঙ্গে উচ্চতর বহুকণ্ঠে প্রতিধ্বনি হহল—

“রাম নাম সত্য হায় !”

রাস্তার ঠিক উপরেই একটা ঘরে’ উর্ষি তখন, কি করিতেছিল,  
—সহসা এই ধ্বনি ও প্রতিধ্বনি সে শুনিল—

“রাম নাম সত্য হায় !”

“রাম নাম সত্য হায় !”

১১৬

চমকিয়া সে উৎকর্ণ হইল,—শুনিল, এই ধ্বনি ও প্রতিধ্বনি  
করিতে করিতে রাস্তা দিয়া কারা যেন কোথায় যাইতেছে।—  
কারা এ ! কোথায় যাইতেছে ! কেন অবিরত এই ধ্বনি ও প্রতি-  
ধ্বনি করিতেছে——

“রাম নাম সত্য হয় !”

“রাম নাম সত্য হয় !”

অস্ত ছুটিয়া সে জানালার কাছে আসিয়া দাঁড়াইল !—দেখিল,  
কুমার, কুদর্শন দীনমলিনবেশ, বহু লোক এই ধ্বনি ও প্রতি-  
ধ্বনি করিতে করিতে যাইতেছে। সকলের আগে চারি জন  
বাহকের স্বক্কে একখানি খাটিয়া, খাটিয়ার উপরে নূতন শুভ্র বসনে  
আবৃত একটি শব দেহ। লোক গুলিকে দেখিলে মনে হইবে, ইহারা  
কুলি মজুর কি ঝাড়ুদার ভিন্ন উচ্চতর আর কোনও শ্রেণীর লোক  
হইতে পারে না ! কিন্তু সকলেরই মুখে একটা ধীর গম্ভীর ভাব  
—যেন স্বজনের এই মহাপ্রাণের গুরু সত্য প্রত্যেকেই প্রাণে  
প্রাণে অনুভব করিতেছে। ক্ষুদ্র এই ঐহিক জীবন নখর  
একটা মায়ার খেলা,—তার সুখদুঃখ, ভোগের আড়ম্বর, বিষয়-  
সর্বস্বতা সব অসার অসত্য, আর সত্য কেবল ‘রাম নাম,’  
—ঐহিক জীবনের বন্ধন হইতে মুক্ত জীবের সম্বল ও এই সত্য, এই  
সার বস্তু,—এই সম্বল ধরিতে পারিলেই মহাপ্রাণের এই পথ



## শিব-রাত্রি

তার সুগম হইবে, অপূর্ণ কোনও বাসনার চুঃখে পিছনে আর সে ফিরিয়া চাহিবে না, অনাবিল আনন্দে সম্মুখে—উর্দ্ধে উর্দ্ধতর দেশে অবাধে আরোহণ করিবে,—এই কথা গুলি প্রত্যেকেই যেন তারা প্রাণে প্রাণে অনুভব করিতেছে, আর সেই অনুভূতির প্রেরণায় ধীর গম্ভীর কণ্ঠে সকলে এই ধ্বনি ও প্রতিধ্বনি করিতেছে—

“রাম নাম সত্য হ্যায় !”

“রাম নাম সত্য হ্যায় !”

বিস্মিত মুগ্ধ দৃষ্টিতে শুক ভাবে উন্মি দাঁড়াইল ! শ্মশানঘাতীরা ক্রমে দূরে আরও দূরে অদৃশ্য হইয়া গেল । কিন্তু আকাশ ও বাতাস ভরিয়া যেন ঐ এক ধ্বনিও প্রতিধ্বনি লহরে লহরে ভাসিতে লাগিল,—

“রাম নাম সত্য হ্যায় !”

“রাম নাম সত্য হ্যায় !”

রাস্তার ঘড় ঘড় গাড়ী চলিতেছিল, ট্রাম চলিতেছিল, মোটর কন্স কন্স ভন্স ভন্স শব্দে ছুটিতেছিল, ফিরিয়াওয়ানা কত বিচিত্র সুরে হাঁকিয়া বাইতেছিল, পথঘাতীদের আরও কত বিচিত্র কলরব উঠিতেছিল । কিন্তু কোনও শব্দই উন্মির কাণে গেল না,—কেবল এই ধ্বনি আর প্রতিধ্বনিতেই তার ক্রতি পূর্ণ হইয়া রহিল,—

“রাম নাম সত্য হয় !”

“রাম নাম সত্য হয় !”

“কি দেখ্ছ ওখানে দাঁড়িয়ে উন্মি ?”

“কে, অরুণদা !—আমুন ! কখন এলেন আপনি ?”

“এই ত এই একটু আগে,—নাচে কাকাবাবুর সঙ্গে কথা  
ব’লছিলাম। তা তুমি কি দেখ্ছিলে দাঁড়িয়ে এমন নিবিষ্ট  
হ’য়ে ?”

“কি দেখ্ছিলাম ! কেন আপনি কি দেখেননি ?”

“কি ? এমন আশ্চর্য্য রকম নূতন কিছু—কই চোকে ত  
প’ড়েনি ?”

“চোকে প’ড়েনি ! বলেন কি ! কাণেও কি শোনেননি ?”

“কি উন্মি ? কাণে এমন বিশেষ ক’রে শুন্বার মত——”

উন্মি যার পর নাই বিস্মিত হইয়া চাহিল,—কহিল, “ঐ যে  
কতকগুলি লোক ব’লুতে ব’লুতে গেল—‘রামনাম সত্য হয়,’  
‘রামনাম সত্য হয়——”

“ও হো, ও ত মড়া নিয়ে গেল কতকগুলো খোটা লোক।  
তা——”

“তাই আমি দেখ্ছিলাম,—ওদের ঐ স্বনিই শুন্ছিলাম।  
কেন আপনারা কি এটা——”

## শিব-রাত্রি

“ও ত যখন তখন দেখছি,—ওদের কার্যদাই হ’ল ওই।  
মড়া কেবল নিজেরা নেবার সময় নয়, যে কোনও জাতির  
মড়া দেখলেই খোটারা ব’লে ওঠে—“রাম নাম সত্য ছায় !”

“বটে !”

“তুমি এমন আশ্চর্য্য হ’চ্ছ এতে ! কেন, আর কখনও কি  
খোটাদের মড়া নিয়ে শ্মশানে যেতে দেখনি ?”

“মড়া !—না না অরুণদা, ও কথাটা ব’লবেন না,—কাণে  
কেমন বাবে ! মড়া ! ছি, কথাটার মৃতদেহ সম্বন্ধে একটা  
অবজ্ঞা বোঝায় না ?”

“তা ব’লেছ ঠিক । একটু বিবেচক লোক যারা, তারা ও কথাটা বড়  
মুখে আনেনা । ‘শব’ ‘শবদাহ’—এই কথাগুলোই ব্যবহার করে ।”

“তাই উচিত ! একটা শব্দার ভাব এতে প্রকাশ পায় ।”

“তা তুমি কি শবদাহ ক’ত্তে ওদের শ্মশানে যেতে আর  
কখনও দেখনি ? আশ্চর্য্য বটে !”

“না চোকে ত প’ড়েনি । বাঙ্গালীদের শব নিয়ে যেতে অনেক  
দেখেছি, অনেকে বেশ ফুল টুল দিয়ে সাজিয়ে নিয়ে যায় ।  
তবে—এ রকম শবযাত্রা—কই, দেখেছি ব’লে ত মনে পড়ে না ।  
আগে আমরা ছোট একটা গলিতে ছিলাম কিনা, বছর খানেক  
এখানে এসেছি । এর মধ্যে—না, এ রকম দৃশ্য আর দেখিনি ।  
আজ নতুন দেখলাম । ও কারা অরুণদা ?”

“চোহারা দেখে ত দোসাদ কি মুচি, কি ঐ রকম কোনও ছোট জাত বলেই ওদের মনে হ’ল—”

“খুব ছোট জাত ওরা ? যাদের লোকে ছোঁয়না, হাতের জল খায় না ?”

“হাঁ, এরা সেই রকম জাতই বটে ।”

“এদেরই depressed class বলে, যাদের চেপে সর্নাঙ্কের একেবারে নিম্নস্তরে মানবোচিত সকল অধিকারে বঞ্চিত ক’রে রাখা হ’য়েছে ?”

উত্তর প্রশ্নের ভিত্তিতে অরুণ একটু হাসিল,—কহিল, “হাঁ এরা সেই depressed class এর লোকই বটে !”

“কিন্তু এত বড় কথাটা—‘রাম নাম সত্য হায়’—কোথায় ওরা শিখল ? এটি—‘রাম নাম সত্য হায়’ যে শব নিয়ে শ্মশান-যাত্রার সময় এমনি ক’রে ব’লতে হয়, তাই বা কে এদের শেখাল অরুণ দা ?”

“কে কবে ঠিক কথাটা ওদের শিখিয়েছিল, জানিনা ।—তবে বহুদিনের প্রচলিত নিয়ম ওদের এটা । হিন্দুস্থানী সকল জাত—বামুন শূদ্র—শূদ্রেরও ছোট এই যে অনাচারণীয় সব জাত—সবাই শব-যাত্রার সময়, এমন কি যে কোনও জাতের শব চোকে প’ড়লেই বলে ‘রাম নাম সত্য হায়’ ।”

“কথাটার অর্থ ওরা বোঝে ?”

## শিব-রাত্রি

“সেটা এত সহজ যে ওদের ভাষা যে বোঝে সেই তা বুঝবে । আর এটা ছোট বড় সকলেই এদেশে জানে, রাম নাম সত্য বুঝলেই জীবের মুক্তি হয় ।”

“হুঁ ! যারা বোঝে, আর এই সময়ে বুঝে এই ভাবে বলে ‘রাম নাম সত্য হার’—তারা কিসে ছোট ? কিসে চাপা ? কিসের অধিকারে বঞ্চিত ? বামুন টামুন বড় জাতের কেউ ওদের ছোঁয় না, ওদের হাতের জল খায় না । অবশ্য সেটা উচিত নয়,—কিন্তু তাতে ওদের কি এমন এসে যায় ? মানবের সব চেয়ে বড় অধিকার যা, ‘রাম নাম সত্য’ এই কথাটা বুঝতে পারা আর জীবের মুক্তির উপায় ছেনে এই সব সময় তাই এ ভাবে বলতে পারা—তাতে ত তারা বঞ্চিত হয় নাই । ধরুন, এ অধিকারে যদি ওরা বঞ্চিত থাকত, আর বামুনরা ওদের ছুঁত, কি হাতের জল খেত, তাতে ওদের কি এমন ভাগ্য বেশী হ’ত ? তবে ওরা বড় দুঃখী—”

অরুণ উত্তর করিল, “দুঃখী—কেবল ওরা নয়,—দৈহিক শ্রমে যারা জীবিকা অর্জন করে, এমন লোক সব দেশেই অনেক আছে, আর তারা সকলেরই অপেক্ষাকৃত—ঠিক দুঃখী ব’লতে পারিনে—পরীষ বটে । মানসিক শক্তিতে উন্নত যে সব লোক, অর্থ উপার্জন সব দেশেই তারা বেশী করে আর বেশী সুখ সচ্ছন্দে থাকে । তবে এ দেশের ভদ্রলোকরা বেশীর ভাগই মোটা খায়, মোটা পরে, চালা-

যরে থাকে । বড় লোক বাদ দিলে সাধারণ ভদ্রলোকের তুলনায় এরা যে খুব বেশী হ্রস্বস্থায় থাকে তা বলা যায় না । অস্তুতঃ অগ্ৰাণ্য দেশে সাধারণ ভদ্রলোক আর শ্রমজীবীদের মধ্যে অবস্থার যে তফাৎ, আমাদের দেশে সে তফাৎ তার চেয়ে কম ছাড়া বেশী ব'লতে পারি না ।”

“ওঁসব কথা আমি কিছু ভাবছি না অরুণ দা । মানুষ যদি খাওয়া পরার অভাবে বড় ক্লেশ না পায়, তবে কে একটু বেশী খায় বেশী পরে, আর কে একটু কম খায় কম পরে, তাতে এমন বেশী কিছু আসে যায় না । তা এরা খাওয়া-পরার হুঃখ কি বেশী পায় ?”

“ওদের ঘরের খবর তেমন রাখিনা উর্নি,—তবে পেট ভরে খায় ওরা । পরণ—তা সেটা এ দেশে অতি অল্পেই চলে । খাওয়ার হুঃখ যে ওরা বড় পায় না, তা ওদের চেহারা দেখলেই মনে হবে । এমন শরীরের বাধ ভদ্রলোকের মধ্যেই বা কটির দেখা যায় ?”

“হুঁ । সবাই ওরা কাজকর্ম ক'রে খেতে পায় ?”

“কাজের অভাবে খেতে পায় না, এ রকম ত বড় দেখা যায় না ।”

“মুখের গ্রাসও দেয় কেউ কেড়ে নেয় নি,—ধর্মবুদ্ধিতেও কেউ ওদের খাট রাখে নাই । তবে স্বপ্না করে ওদের সবাই ।

## শিব-রাত্রি

তা করুক ; যারা করে তারাই বরং মানবপ্রেমের অধিকারে বঞ্চিত । ওদের কি ?”

“ঠিক ব’লেছ উর্ষি । ওদের কিছুই এমন এসে যায় না তাতে । ওদের আমোদ প্রমোদ মধ্যে মধ্যে দেখেছি । তাতে মনে হয় না, দুর্নিয়ার কোনও দুঃখ ওদের সরল আনন্দময় প্রাণটাকে এতটুকুও চেপে রাখতে পেরেছে । তবে ঐ যে ঘণার কথা ব’লে, ওটা সাধারণ মানুষ মাত্রেরই একটা দুর্বলতা,—যারা যে কোনও বিষয়ে বড়, তারা তাদের ছোট যারা তাদের অবজ্ঞা করে । তবে সবাই করে না,—ভালবেসে এই সব ছোট জাতের লোকদেরও হিত চান, ভাল করেন, এমন লোকও অনেক আছেন, সব দেশেই আছে । বাবার কাছে শুনেছি, ছোঁয়াছুঁরি নিয়ে খুঁটিনাটি বাচবিচার যতই করুক, পাড়ারগাঁয়ে বামুনচাঁড়ালেও মমতার টান একটা বেশ আছে । নানারকম ধর্ম্য উৎসবে সবাই সমান আনন্দে মেলামেশা করে, অনেক রকম কাজকর্ম্য ঘনিষ্ঠ একটা বান্ধবতার ভাবও অনেকের মধ্যে এসে পড়ে । অনেক ভদ্রলোকও পাড়ারগাঁয়ে একখানা মোটাধুতি পরে, গামছা কাঁধে ব’রে বেড়ায়,—যেখানে সেখানে হয় ত মাটিতে ব’সেই সবার সঙ্গে হাসিগল্প করে, ডাবা ছকোয় তামাক খায়, খালিগায়ে খালিপারে হাট বাজারে যায়, চাল ডাল মাছ তরকারী হাতে ব’য়েই বাড়িতে আনে । ননো টমো যে সব জাত আছে, তারাও

তাই ক'রে । জীবন যাত্রায় বড় একটা তফাৎ তফাৎ ভাব এতে থাকতেই পারে না !”

“হুঁ !”

অরুণ বলিতে লাগিল “ছেলেবেলার যখন আমরা দেশে থাকতাম, নমশূদ্র জাতের এক বুড়ো আমাদের বাড়ীতে চাকর ছিল,—সবাই তাকে মেনে চ'লত, ভয় ক'রত । ঠাকুরদাদা তাকে বিশুদ্ধ ব'লে ডাকতেন,—বাবা ডাকতেন জ্যাঠা । সে ঘরে আসত না, হাতে ক'রে কাউকে জল দিত না, হুকোও ছুঁত না,—কিন্তু এমন একটা আপনাআপনি ভাব তার সঙ্গে সবার ছিল—যা আজকাল সহরে মনিবে-চাকরে কখনও দেখা যায় না, হুক না সে চাকর জেতে বামুন । যখন সে ম'ল, ঠাকুরদাদা, বাবা, আরও পাড়ার কত লোক কাঁধে ক'রে তাকে শ্রমানে নিয়ে গেলেন, দাহ ক'রে এলেন । আর সহরে আজকাল বাসার বাঁধুনে বামুনও যদি মরে, ডোম ডেকে তাদের হাতে তাকে দিয়ে দেয় ।”

“বাসায় ম'লে ত ! ব্যামো হ'লেই যে হাসপাতালে বিদেয় ক'রে দেওয়া হয় ! সে যাই হুক অরুণদা, আশ্চর্য্য বটে এই সব ব্যাপার ! যত পড়ছি, যত শুন্ছি, অবাক হয়ে যা'ছি । কেন যে সবাই হিন্দুধর্মের হিন্দুসমাজের এত নিন্দে করে, আর কেন যে আমরা তাদের ছেড়ে আলাদা এক সমাজ হ'য়ে আছি, বাস্তবিক বৃত্তে পারিনে । আলাদা যে হ'য়েছি, কি এমন



## শিব-রাত্রি

ভাল হ'য়েছি, ভাল ক'ছি, তা ত দেখতে পাইনে। জাতি  
বিচার মানিনা, সবাই সমান আমরা বলি,—কিন্তু বাড়ীর  
চাকর ঝি বামুন—এদের দেখি বেন আলানা শ্রেণীর জীবের  
মত !”

অরুণ কহিল “তোমরা কি হ'য়েছ, কি ক'ছি, কেন আলানা  
হ'য়েছ, তার সম্বন্ধে কিছু বলতে চাইনি উম্মি,—তবে হিন্দুর ধর্ম  
আর সমাজকে লোকে যে নিন্দে করে, গাল দেয়—অনেকটা  
না বুঝে দেয়। আমার বড় দুঃখ হয় উম্মি ! এত নিন্দে, এত  
গালাগাল বোধ হয় পৃথিবীতে আর কোনও ধর্মকে আর কোনও  
সমাজকে লোকে দেয় নাই। আরও বেশী দুঃখ হয় এই যে  
আমরা নিজেরাই গালাগাল দি সব চেয়ে বেশী। আমরা এ ধর্মটা  
কি, এ সমাজের অবস্থা কি, তা মনতীর চক্ষে কখনও আমরা দেখতে  
শিখিনি,—আপনার ন'লে একটা ইজ্জৎ বোধও এর জন্য আমাদের  
নেই। পরের দেওয়া দৃষ্টিতে আমরা সব দেখি, পরের মুখের  
কথারই প্রতিধ্বনি করি। অবশ্য দোষ অনেক আছে, কোন  
ধর্মে কোন সমাজে না দোষ আছে ? ভিতরের অবস্থা পরীক্ষা  
ক'রে তুলনা ক'রে যদি আমরা দেখি, আমাদের ধর্ম আমাদের  
সমাজ মোটের উপর অন্য কোনও ধর্ম, অন্য কোনও সমাজের চেয়ে  
বড় বই ছোট বনে হবে না। দোষ যা আছে, নিজের দেহে  
কোনও রোগের মত তা দেখতে হয়, যাতে সারে তার চেষ্টা

ক'র্ত্তে হয়,—দেহটাকে ত্যাগ ও কেউ ক'র্ত্তে পারে না। সে শু  
মরা চ'ল।”

উর্ষ্য কহিল, “সমাজেব কথাটা ঠিক এখনও ভাল বুঝতে  
পারিনে অরুণদা। তবে ধর্ম্মটা—না তাকে ছোট কি হীন ব'লতে  
আমিও রাজি নই। বে ধর্ম্মের প্রভাবে আমার দিদিমা ঐ  
দিদিমা হ'তে পেরেছেন, যে ধর্ম্মের প্রভাবে এই সব কুলি-  
মজুর দোদানুটিও ‘রাম নাম সত্য হায়’ ব'লে শব কাঁধে  
করে শ্রম'নে যেতে পারে,—সে ধর্ম্ম যদি হীন হয়, বড় ধর্ম্ম  
পৃথিবীতে আর কি হ'তে পারে জানিনে।”

“আর যে সব সমাজনেতা ব্রাহ্মণদের ব্যবস্থায় এই সব নীচ  
জাতিও এটা শিখেছে,—মানবের এই সর্ব্বোচ্চ অধিকার লাভ  
করেছে, সে সমাজই যে হীন, তা কি ক'রে ব'লবে উর্ষ্য?  
ধর্ম্মভঙ্গের বড় বড় সব কথা, কি ভাবে সকল শ্রেণীর লোকের মধ্যে  
প্রচারিত হ'য়ে এসেছে, পুরুষানুক্রমে কি সব শিক্ষাদীক্ষার ফলে  
সকল শ্রেণীর লোকের মধ্যেই এই ভাব একেবারে সহজ ধর্ম্ম হ'ত  
পড়েছে, জ্ঞান উর্ষ্য?—কত অনুষ্ঠান, কত উৎসব, কত পার  
পার্বণ, কীর্ত্তন উজ্জন, ব্রত, যাত্রা জারী পাঁচালী, দেবসেব  
তীর্থযাত্রা, আরও যে কত কি ব্যবস্থা—সবারই এক লক্ষ্য, ধর্ম্ম  
মূল তত্ত্ব, মূল নীতিগুলি সকল শ্রেণীর লোকের জীবনযাত্রার নিত্য  
আদর্শ হ'য়ে ওঠে! এটা যেমন এর ফলে এ সমাজে হ'য়েছে,

## শিব-রাত্রি

এমন আর কোনও সমাজে বুঝি হয় নাই। তুলা যদি আর কোনও সমাজে এর মেলে, মিলবে ভারতের মূলমান সমাজে। ভারতের মাটির গুণ, জলবায়ুর গুণ এটা,—হাজার হাজার বছরের ধর্মসাধনা ভারতকে এমনই এক মহাপুণ্যতীর্থে পরিণত করেছে।”

উন্মির চক্ষে জল আসিল,—কহিল, “বড়ই ইচ্ছে করে অরুণদা, ঠিক ভারতের মেয়ে হ’য়ে ভারতের এই হিন্দুসমাজে আবার ফিরে যাই! ভারতের খাটি সন্তান যারা, তাদের সঙ্গে এক হ’য়ে মিলে থাকি! আমরা—আমরা—ভারতের মাটিতে বিদেশী একটা গাছ রুয়ে তার আশ্রয় নিয়েছি। এ মাটিতে এ গাছ জিয়ে উঠবে না।”

“ফিরে যাবে উন্মি?”

“পথ পেলে যাই,—কিন্তু কোথায় পথ?”

“পথ—যদি চাও পাবে।—পথ কঠিন নয়, দূরে নয়, তোমার সামনেই খোলা রয়েছে,—আসবে উন্মি?”

হাত থানি একটু বাড়াইয়া কয়েক পা সম্মুখে অরুণ অগ্রসর হইল।

কথার ভঙ্গী, চোকের দৃষ্টি, আর এই গতি, সামান্য এই শব্দ কম্বিটি অপেক্ষা সহস্রগুণ স্পষ্ট ভাষায় বুঝি উন্মিকে বুঝাইল, এ পথ কি, আর কোথায়! আরক্ত মুখখানি তার আনত হইয়া পড়িল, সর্বাস্ত তার শিহরিয়া উঠিল,—জানালারটির প্রান্ত বারিষা সে

শ্রির হইয়া দাঁড়াইল। তার পিতার সেই কথা মনে পড়িল,—  
আর মনে পড়িল, দ্বিদিবার সেই বিদায়কালীন আশীর্বাদ,—ভক্তি  
ক’রে শিবের পূজা করিস্। ভগবতী শিবকে পতি পেয়েছিলেন,  
শিবের মত পতি তুই পাবি। মেয়ে জন্মে তার চেয়ে ভাগ্য আর  
কিছু হ’তে পারে না।

অরুণ আরও দুই এক পা অগ্রসর হইয়া কহিল, “আমার  
কথা বুঝতে পারেন না উম্মি? এদ, দুজনে আমরা ভারতদেবতার  
আশীর্বাদে এক হ’য়ে মিলে ভারতের মহাতীর্থে ভারতসন্তানের  
ধর্ম্য পালন ক’রুব।”

“বাবাকে বলুন।” বলিয়াই উম্মি মুখখানি ফিরাইল।  
বাহিরে রাস্তার দিকে তার দৃষ্টি পড়িল,—দেখিল, একটি লোক  
হরগোরীর একখানি মূর্তি মাথায় করিয়া কোথায় লইয়া বাইতেছে,  
সেদিন চৈত্র সংক্রান্তির পূর্বাহ্ন, নীল-ব্রতের তারিখ।

অরুণ কহিল, “তাকে ত ব’লবই। কিন্তু তোমার নিজের  
উত্তরটা কি, ব’লবে না?”

“তাকেই বলুন, উত্তর তিনিই দেবেন। ঐ দেখুন!”

রাস্তার সেই হরগোরীর মূর্তির দিকে অঙ্গুলি নির্দেশ করিয়াই  
উম্মি ছুটিয়া পলাইয়া গেল। অরুণ চাহিয়া দেখিল,—মূর্তির  
মুখ তখন ঠিক তারই সম্মুখে—যেন তারই দিকে চাহিয়া  
হাসিতেছে!

## শিব-রাতি

যুক্তকরে প্রণাম করিয়া অরুণ মনে মনে কহিল, “মহাদেব ! মহাদেবী গৌরী ! তোমাদের এই দর্শন আমাদের শুভ হ'ক ! তোমাদের সন্তান আমাদের দুটিকেও এমনি ক'রে তোমাদের পারে মিলিয়ে রাখ !”

১১

“অরুণ !”

কঠোর এই ধ্বনি শুনিয়া অরুণ চমকিয়া ফিরিয়া চাহিল,— দেখিল, ক্রুদ্ধনয়না আরক্তবদনা স্বয়ং অননুয়া দ্বারদেশে দণ্ডায়মানা ! লজ্জায় সে মরিয়া গেল,—যেন হাতে হাতে চোর ধরা পড়িল ! অননুয়া কহিলেন, “ও কি হচ্ছিল অরুণ ? কি বলছিলে তুমি উন্মিকে ?”

অরুণ নীরব ! বস্তুতঃ সহসা এই আক্রমণে সে একেবারে স্তব্ধ হইয়া গিয়াছিল,—কি করিবে কি ভাবে কি উত্তর দিবে তাহা ভাবিয়া পাইল না । উন্মিকে বরাবরই তার বড় ভাল লাগিত । সম্প্রতি একই ভাবের টানে দুইজনের প্রাণ একই পথে চলিতে ছিল, গভীর একটা সমপ্রাণতা তার সঙ্গে সে অনুভব করিত । আপনা হইতেই মনে হইত, উন্মিও সেইরূপ অনুভব করে । এ অবস্থায় তার মত যুবকের চিত্ত যে উন্মির প্রেমে পরিপূর্ণ হইয়া উঠিবে একথা বলাই বাহুল্য । আর এই প্রেমেই সে অনুভব

করিত উন্মির প্রেমও সে লাভ করিয়াছে। কাহাকেও এ পর্য্যন্ত কিছু বলে নাই। কিন্তু কয়দিন অবধি বিবাহের সম্ভাবনা সে চিন্তা করিতেছে,—অলঙ্ঘনীয় কোনও বাধা দেখিতে পায় নাই। ভাবিয়াছিল, তার মাতাকে ও পিতাকে তার অভিপ্রায় সে জানাইবে এবং তাহাদের দ্বারা যোগীন্দ্রনাথের নিকট প্রস্তাব করাষ্টবে। কিন্তু আজ কথায় কথায় ভাবের আবেশে সে একেবারে বিভোর হইয়া উঠিয়াছিল। উন্মি যখন বলিল, পথ পাইলে ফিরিয়া যাই,— আর সে আশ্রয় সম্বরণ করিতে পারিল না। আশ্রয় সম্বরণের কথা মনেও তার হইল না। সমস্ত প্রাণের কামনা প্রবল উচ্ছ্বাসে সকল সঙ্কোচের ও বিবেচনার অর্গল ভাঙ্গিয়া বাহির হইয়া পড়িল। যখন আসিয়াছিল, একরূপ কোনও অভিপ্রায় তার ছিল না। সহসা অনশ্রুর এই আক্রমণে সে বুঝিতে পারিল, কত বড় গহিত কাজই সে করিয়াছে। ইহার কি উত্তর দিবে, কি বলিয়া আশ্রয়সমর্থন করিবে, তাহা ভাবিয়া কুল পাইল না। তাই যারপরনাই অপ্রতিভ ভাবে সে দাঁড়াইয়া রহিল।

অনশ্রু কহিলেন, “অরুণ ! ঘরের ছেলের মত তোমাকে দেখি, আসছ বাচ্ছ, ওদের সঙ্গে হাসিগল্প করছ, কখনও ভাল বই মন্দ তাতে কিছু ভাবিনি। আপনজন ভেবে এত বিশ্বাস ক’রেছি তোমাকে,—কিন্তু আজ এ কি ব্যবহার তোমার ?”

“কি, কি হয়েছে অশ্রু ? অরুণ কি ক’রেছে ?”

## শিব-রাত্রি

যোগীন্দ্রনাথ নীচে ছিলেন,—স্ত্রীর এই উচ্চকণ্ঠ শুনিয়া উপরে আসিয়া উপস্থিত হইলেন।

অনসূয়া কহিলেন, “কি ক’রেছে ? শুনবে ? উনি তোমার মেয়েকে বিবাহ ক’তে চান, হিন্দুধর্মের পৌত্তলিক পক্ষে ডুব্বার পথটা তার সোজা ক’রে দেবেন বলে। বুঝ্লে ? তুমিও বোধ হয় খুসীই হবে কথাটা শুনে। নিজেও ত সেই দিকেই হতভাগীকে ঠেলে দিচ্ছিলে !”

ব্যাপার কি ? অরুণ কি উর্মির কাছে বিবাহের প্রস্তাব করিয়া ফেলিয়াছে ? তাঁর অজ্ঞাতে একেবারে উর্মির কাছে অরুণ এই প্রস্তাব করিয়াছে ! এটা কিছু অসঙ্গত হইলেও যোগীন্দ্রনাথ মনে মনে সত্যই বড় সুখী হইলেন, কারণ অন্তরের বাসনাই ছিল তাঁহার ইহা। যুবকের উদ্দাম চিত্ত—বড় বেশী ভাল বাসিয়াছে বুঝি, বাসিবারই ত কথা,—সহসা হয়ত ভাবের বড় একটা উদ্বেল উচ্ছ্বাসে মনের কথা বাহির হইয়া পড়িয়াছে ! তা এমন দোষই বা কি তাতে ওর দেওয়া যায় ? মুখে একটু হাসি ফুটিতে ফুটিতে চাপিয়া ফেলিলেন,—অরুণের দিকে চাহিলেন। হাতে হাতে ধরাপড়া চোরের মত দণ্ডায়মান অরুণের নিতান্ত অপ্রতিভ মূর্তি-খানি দেখিয়া হঃখও হইল, আবার হাসিও একটু পাইল। কহিলেন, “কি অরুণ, কি হ’য়েছে ? উর্মিকে——”

“আজ্ঞে, আর লজ্জা দেবেন না আমার কাকাবাবু। আমি

বুঝতে পারিনি—বড় বেয়াদবী হ'য়েছে, আগে আপনাকে কথাটা আমার বলা উচিত ছিল। তা যা ব'লেছি, তা ফিরিয়ে নেবনা—নিতে পারবও না। কিন্তু উন্মির সঙ্গে আমার বিবাহে কি বাধা বড় কিছু আছে?”

যোগীন্দ্রনাথ কিছু বলিতে পারিবার আগেই অনসূয়া বলিয়া উঠিলেন, “বাধা আছে! যথেষ্ট আছে! তোমার এই আচরণই অতি অগ্রার হ'য়েছে, তাই যথেষ্ট বাধা হ'তে পারে। সেটা মাক ক'তে পার্লেও—তোমাকে জানি, অসচ্চরিত্র নও তুমি, বন্ধুর পুত্র, স্নেহও যথেষ্ট করি,—সুতরাং এই একটা ভুল তোমাকে মাক ক'তে পারি, যদি ভুল বুঝে মনে মনে অনুতপ্ত তার জন্তে হ'য়ে থাক!”

যোগীন্দ্রনাথ কহিলেন, “আহা, আর কেন অনু? অরুণ ত ব'লছেই আমাদের না জানিয়ে আগে উন্মিকেই এটা বলা তার উচিত হয় নি!”

“বেশ কথা! ওটা ছেড়েই দিলাম। কিন্তু আরও বাধা আছে, গুরুতর বাধা। উন্মির যে অধঃপতন হ'চ্ছে, তা'তে ও প্রশ্রয় দেবে! এতদিন ধারণা ছিল, দীক্ষিত আনুষ্ঠানিক ব্রাহ্ম না হ'লেও ওরা উদার, উন্নত, পৌত্তলিকতা বর্জন ক'রেছে! কিন্তু আজ শেষের তুই চারটে কথা আমার যা কাণে গেল, তাতে বুঝতে পারছি—কথাটা বলা হয়ত আমার উচিত হবে না—মাক ক'রো অরুণ—তোমারও পৌত্তলিক মতিগতি হ'য়েছে। আর



## শিব-রাত্রি

উন্মির সেই মতিগতি দেখেই তুমি তাকে বিবাহ ক'তে চাচ্ছ। চোকে দেখলাম, রাস্তায় একটা পুতুলের দিকে চেয়ে তুমি নমস্কার ক'লে! উন্মি তোমাকে দেখিয়ে দিচ্ছে বেরিয়ে গেল! বোধ হয় ভরসাও তুমি এই করছ, পৌত্তলিক মতেই পাথর আগুনের পূজা ক'রে উন্মিকে তুমি বিবাহ ক'রবে।”

“ও কথাগুলো—এখনও কিছু ভাবিনি কাকীমা। তবে—”

“তবে? কি তবে?—তাই ক'তে হবে! নয় কি?”

ষোগীন্দ্রনাথ কহিলেন, “কি ক'তে হবে না হবে সে কথা নিয়ে আগেই এত ঝগড়া ক'রবার কি দরকার অনু? সেটা—ভাল, অনিলের সঙ্গে আলাপ ক'রে দেখি—সে কি বলে শুনি, তারপর—”

“তারপর কি ক'রবে? অনিলবাবু ব্রাহ্মমতে ছেলের বিয়ে দিতে রাজি হবেন? হ'লেও তিনি হ'তে পারেন,—অরুণ হ'বে না, উন্মি হ'বে না!”

“আহা, আগেই অতটা মনে ক'রে নিচ্ছ কেন? এ সব অনুষ্ঠানের বাধা এখন নাই ধ'রলে। এমনিই বল না, অরুণ কি উন্মির অযোগ্য পাত্র?”

একটু ভাবিয়া অনসূয়া কহিলেন, “না, তা ব'লতে পারি না। তা—এ কথা আমি ব'লছি, ওদের মতিগতি যদি ফেরে, সমস্ত পৌত্তলিকতার সংস্রব থেকে মুক্ত পবিত্র ব্রাহ্মমতে যদি

বিবাহ হয়, আনন্দে আমি এ বিবাহে অনুমোদন ক'ৰ্ব। আর তা যদি না হয়, বিবাহ হবে না ! বেশ, তোমরা পরামর্শ ক'রে ব্যবস্থা এর একটা কর, ও দীক্ষিত হয়ে ব্রাহ্মমতে বিবাহ ক'ৰ্বে কি না বুঝক,—কিন্তু এর মধ্যে আমার নিষেধ—কিছু মনে ক'রো না অরুণ,—আমার principle ( নীতি ) আমি ত্যাগ ক'তে পারি না, conscienceকে ( বিবেককে ) অবজ্ঞা ক'তে পারি না,—এর মধ্যে, এ বাড়ীতে তুমি আর আসবে না, উন্মির সঙ্গে দেখা ক'ৰ্বে না ।”

বলিয়াই গম্ভীরভাবে অনশ্রুয়া চলিয়া গেলেন ।

অরুণ কহিল, “আসি তবে কাকাবাবু,—আমার বেয়াদবী মাফ ক'ৰবেন ।”

স্নেহে অরুণের কাঁধে হাতখানি রাখিয়া যোগীন্দ্রনাথ কহিলেন, “এস বাবা । বেয়াদবী—না বাবা, ও সব কিছু মনে ক'রো না । জান, আমিও ঠিক এই কথাই ভাবছিলাম । সত্য বলছি অরুণ, বড় আনন্দিত হ'রেছি আমি । বাও ঘরে বাও,—কিছু ভেবো না, উন্মি তোমারই হবে । আমি বলছি, কোনও বাধার আটকাবে না,—উন্মিকে তোমার হাতেই আমি দেব ।”

নীরবে ভূমিষ্ঠ হইয়া যোগীন্দ্রনাথকে অরুণ প্রণাম করিল, পদধূলি লইয়া মাথায় দিল । দুই ফোঁটা অশ্রু মাত্র তার প্রাণভরা সশ্রদ্ধ কৃতজ্ঞতা যোগীন্দ্রনাথের চরণে নিবেদন করিল । অরুণকে

## শিব-রাত্রি

দুই হাতে তুলিয়া বক্ষে ধরিয়া সাক্ষনয়নে যোগীন্দ্রনাথ कहিলেন,  
“সুখে থাক বাবা.—ভগবানের ইচ্ছা পূর্ণ হউক !”

১২

অনেক কথা অনসূয়া ভাবিলেন । ব্রাহ্মসমাজে সম্ভ্রান্ত পরি-  
বারের সুশিক্ষিতা কন্যাদেরও যে সুপাত্র কত দুর্লভ হইয়া  
উঠিতেছে, ইহা তাঁহার অবিদিত ছিলনা । বিলাত হইতে কোনও  
যুবক ফিরিয়া আসিলে, ধনী হিন্দুরাও অনেকে এমন ভাবে  
আসিয়া বুঁকিয়া পড়েন যে ব্রাহ্মকন্যার পক্ষে তাহাকে লাভ  
করা অতি কঠিন হইয়া পড়ে, যদিও এই সব সুশিক্ষিত যুবকের  
উপরে দাবী একমাত্র তাহাদেরই । কিন্তু বড়ই দুর্ভাগ্য, অর্থলোভে  
ইহারা অনেকেই ব্রাহ্মকন্যার এই গ্রায্য দাবী অবজ্ঞা করিয়া  
ধনী হিন্দুর কন্যা বিবাহ করে । আজ কাল আবার হিন্দুরাও কিছু  
উদার হইতেছে—মেয়েদের ইন্স্কুল কলেজে পড়ায়, অধিক বয়সে  
বিবাহ দেয় । কেন যে তারা বিবাহের বেলায় পৌত্তলিক আচার  
মানে, এইটুকুই তিনি বুঝিতে পারেন না । বাহা হউক, এই সব  
সুপাত্র প্রায়ই ব্রাহ্মসমাজের হাতছাড়া হইয়া এখন যাইতেছে ।  
ব্রাহ্ম মাতারা অনেক চেষ্টা করিয়া তবে কচিৎ দুই একটি  
পাত্র হস্তগত করিতে পারেন । তাও যদি প্রচুর অর্থবল থাকে ।  
তিনি দরিদ্রা না হইলেও বিশেষ অর্থবলের অধিকারিণীও নন ।  
অনেক খোঁজ নিয়াছেন, উন্মির জন্ত এইরূপ মনোমত পাত্র-

## শিব-রাত্রি

লাভের সম্ভাবনা এ পর্য্যন্ত দেখিতে পান নাই। অবশ্য উন্নি এখনও এমন বড় হয় নাই, যে old maid বা বয়োতীতা কুমারীর পর্যায়ে তাকে ফেলা যাইতে পারে। কিন্তু যোগ্য পাত্র না পাইলে সেই দলে ত গিয়া পড়িবে! কিছু উৎকণ্ঠাও এজন্ত তিনি বোধ করিতে ছিলেন। অরুণের কথা কখনও তিনি ভাবেন নাই, কারণ অরুণ উদার হইলেও হিন্দুপরিবারের ছেলে। আর পাঁচটা কাজে যতই উদার হউক, বিবাহের বেলায় কোনও উদারতা উহাদের দেখা যায় না। যাহা হউক, এখন অরুণ উন্নি'কে বিবাহ করিতে চায়, ওকে ভাল বাসিয়াছে। তার অবস্থা ভাল, নিজেও সুশিক্ষিত ও সচ্চরিত্র, উন্নতি লাভ করিবে। স্ত্রীরাং সর্বাংশে সে যোগ্য পাত্র বটে। এক বিলাত ফেরত নয়,—তা না হইলেও অবজ্ঞা করা যায় না।—উচ্চ পদমর্যাদা, অবস্থার সচ্ছলতা উহার ঘটিবে। আর একবার বিলাত যদি পাঠান যায়——কেন হইবে না? তবে ত সোণার মোহাগা হইবে। না, না, এ সম্বন্ধ অবহেলা করিবার নয়। এক বাধা—সেটা খুব শক্ত বাধাই বটে—ওরা হিন্দু, অরুণের নতিগতিও পৌত্তলিক কুসংস্কারের বশবর্তী হইয়াছে। সেটা হয়ত—উন্নির অনুকরণেও ঘটিতে পারে। উন্নি'কে ও ভাল বাসিয়াছে। ভালবাসায় বড় সহানুভূতি জন্মে, তাহাতে ভালবাসার পাত্রপাত্রীর মতের অনুকূল মত লোকের হয়। এখন যদি উন্নির নতিগতি এই কুপথ ছাড়িয়া সুপথে আসে,—সে যদি

## শিব-রাত্রি

বলে, ব্রাহ্মমত ছাড়িয়া পৌত্তলিক মতে বিবাহ করিব না,—তবে অরুণ বাধ্য হইয়াই ব্রাহ্মমতে বিবাহ করিবে। তার পিতামাতা আপত্তি করিলেও সে তাহা শুনিবে না। বেশ, তাঁহারা হিন্দু আছেন, থাকুন,—অরুণ ব্রাহ্ম হইয়া উন্নিকে বিবাহ করুক। কি এমন দোষ তার? যোগীনও ত—মনে মনে যে ব্রাহ্মধর্ম্মে বিশেষ অনুরাগ ছিল তা নয়, তবু নিজের আত্মীয় স্বজনদের ছাড়িয়া তাঁহাকে বিবাহ করে। আর কে জানে, অনিল বাবুদের তেমন গোড়ানী ত কিছু নাই,—হয়ত এই উপলক্ষে ব্রাহ্ম হইয়া ব্রাহ্মসনাজেই একেবারে যোগ দিবেন। এমন একটি চমৎকার পরিবার তাঁহারা লাভ করিবেন! কিন্তু সব নির্ভর করিতেছে, ঐ উন্নির উপরে। তাকে কি ফিরান যাইবে না? কিন্তু শাসনে হইবে না! শাসন ত কত করা হইল,—ফল উল্টা হইয়াছে। যোগীন্ ঠিক বলিয়াছিল, শাসনে হইবে না, বুঝাইয়া ওকে ফিরাইতে হইবে। কিন্তু বুঝাইবে কে? তিনি পারিবেন না,—পৌত্তলিকতার পক্ষে কোনও কথা শুনিলেই সমস্ত শরীর তাঁহার ঝঙ্কার দিয়া উঠে, মাথার ঠিক থাকে না। যোগীনের দ্বারাও হইবে না,—মনই তার সে দিকে নাই। বরং উন্নির এই সব মতিগতিতে একটা সহানুভূতিরই উঁহার দেখা যাইতেছে। নহিলে, সে বলিলেই উন্নি ফিরিত,—অন্ততঃ এ সব পড়া-শুনা ছাড়িয়া দিত, শেষে

সব ভুলিয়া যাইত। কিন্তু তা হইবে না, যোগীন্ কিছুই বলিবে না।

এক আচার্য্য মহাশয় আছেন। যোগীনের কথায় ভুলিয়া যাই তিনি সে দিন বলিয়া গিয়া থাকুন, অবস্থাটা সব ভাল করিয়া বুঝিলে আন্তরিক একটা চেষ্টা তিনি করিবেন। তাঁর সে চেষ্টা সফল হইতে পারে। উন্মি বালিকা মাত্র, তার সাধ্য কি সকলের শ্রদ্ধাভাজন প্রবীণ ঐ আচার্য্যমহাশয়ের জ্ঞানপূর্ণ যুক্তির বিরুদ্ধে দাঁড়াইতে পারে? হাঁ, অবিলম্বে আচার্য্য মহাশয়ের সাহায্যপ্রার্থিনীই তাঁহাকে হইতে হইবে।

তখনই উঠিয়া অনস্থ্রা ভূতকে গাড়ী আনিতে আদেশ করিলেন, তাড়াতাড়ি যথোচিত বেশবিজ্ঞাস করিয়া প্রস্তুত হইলেন। গাড়ী আসিল,—কাহাকেও কিছু না বলিয়া আচার্য্য মহাশয়ের গৃহাভিমুখে তিনি যাত্রা করিলেন।

সে দিন রবিবার সন্ধ্যায় সমাজমন্দিরে উপাসনা অনুষ্ঠান তাঁহাকে সম্পাদন করিতে হইবে। সুতরাং পর দিন সন্ধ্যায় গোঁরীচরণ যোগীন্দ্রনাথের গৃহে আসিলেন।

“এই যে যোগীন্, এসেছ আফিস্ থেকে? ভালই হ’য়েছে। অনস্থ্রা কাল গিয়েছিলেন আমার ওখানে। তাঁর ইচ্ছা উন্মিমালার সঙ্গে—কি জান—এই একটু আলাপ আমি করি—আমার উপদেশে যদি তার মনটা ফেরে—”

## শিব রাত্রি

“তা বেশ ত, করুন। উন্মিকে ডাক্ব ?”

“এখানে সুবিধে হবে না বাবা,—একটু নিরেল। তার সঙ্গে কথা ব’লতে চাই। ছাদে ব’সবার সুবিধে হবে ?”

“কেন হবে না ? তাই বসুনগে।—ওরে উন্মি, এই ঘে, আর এদিকে, আচার্য্য মশাই এসেছেন, তোর সঙ্গে একটু কথাবার্তা ব’লবেন,—ছাদে একটা মাত্র টাছর কিছু পেড়ে ওঁকে নিয়ে ব’স্গে যা,—আর তোর মাকে বল, এক পেয়াল। চা চট ক’রে তৈরী ক’রে ওঁকে পাঠিয়ে দেন।”

উন্মিকে লইয়া গৌরীচরণ ছাদে গিয়া বসিলেন,—চা ও কিছু খাবারও অবিলম্বে সেখানে প্রেরিত হইল। একটু একটু খাবার মুখে দিয়া চায়ে চুমুক দিতে দিতে গৌরীচরণ কথাটা পাড়লেন। সাকার ও নিরাকার উপাসনার তুলনা করিয়া ছোট একটি বক্তৃতা তিনি আরম্ভ করিলেন।—উন্মি ধীর ভাবে তাঁর সব কথা শুনিল,—শেষে কহিল, “আচার্য্য মশাই, আপনার সঙ্গে কোনও তর্ক বিতর্ক এ নিয়ে আমি ক’র্ত্তে পারিনে, সেটা আমার পক্ষে বড় বাচালতাই হবে। তবে—মাফ ক’রবেন, একটি কথা আমি জিজ্ঞাসা ক’র্ব ?”

“কি, বল দিদি ?”

“আপনারা কার উপাসনা করেন ?”

“কেন, ভগবানের, অদ্বিতীয় সেই নিরাকার পরব্রহ্মের।”

“তিনি যদি মূর্তি ধ’রে কারও প্রাণের মধ্যে দেখা দেন ?”

“মূর্তি ধ’রে ? কি ক’রে তা হ’তে পারে দিদি ? তিনি যে নিরাকার ।”

“সৰ্বশক্তিমান্ তিনি । ভক্ত যদি চায়, দয়া ক’রে মূর্তি ধ’রে কি তার প্রাণে তিনি দেখা দিতে পারেন না ?”

“সৰ্বশক্তিমান্, তিনি পারেন না, এ কথা বলা চলে না । তবে এমন অনেক কাজ আছে—ধর, এই যেমন পাপ—যা তিনি করেন না ।”

উষ্মি উত্তর করিল. “ভক্ত যদি কোনও মূর্তি ধ্যান ক’রে সেই ভাবে তাঁকে পেতে চায়, আর দয়া ক’রে সেই মূর্তি ধ’রে যদি তিনি তার প্রাণে আবির্ভূত হন, তবে সেটা কি পাপ হ’তে পারে আচার্য্য মশাই ?”

“পাপ—না, তা কি ক’রে বলা যায় ? তবে কি জান দিদি, আমরা বিশ্বাস করি, সাকার উপাসনার চেয়ে নিরাকার উপাসনা শ্রেষ্ঠ,—আর এই শ্রেষ্ঠ উপাসনাই বখন সকলে ক’তে পারে, নিকৃষ্ট উপাসনা কেন ক’রবে ?”

“আমার কি মনে হয় জানেন ? সরল মনে ভক্তিতে যে উপাসনা করে, তার উপাসনাই শ্রেষ্ঠ,—তা সে সাকারই হ’ক, কি নিরাকারই হ’ক । ঐক্য প্রহ্লাদের গল্প প’ড়েছি—ঠাকুর মূর্তি ধ’রে তাঁদের দেখা দিয়েছিলেন ।”



## শিব-রাত্রি

“ওসব হ’ল গল্প—”

“গল্প হ’লেও যে তত্ত্ব তাতে পাওয়া যায়, তা ত আমার কি নিকৃষ্ট ব’লে মনে হবে না। ভাল, তা যেন গল্পই হ’ল,—কিন্তু চৈতন্যদেবের কথা প’ড়েছি—সে ত আর গল্প নয়, তিনি যে ঠাকুরের প্রেমে পাগল হ’য়ে সমস্ত দেশকে মাতিয়েছিলেন, সে ঠাকুরও সাকার হরিঠাকুর। সাধু রামপ্রসাদ, রামকৃষ্ণ পরমহংসদেব—এ ত সেদিনের কথা—তাঁরাও কালীর উপাসনা ক’তেন। এঁদেরও কি নিকৃষ্ট শ্রেণীর উপাসক ব’লতে পারেন?”

গৌরীচরণ মনে মনে অনুভব করিলেন, এই বালিকার যুক্তির কাছে তাঁহাকে হার মানিতেই হইতেছে। একটু ভাবিয়া শেষে কহিলেন, “কি জান দিদি, দুই একটি দৃষ্টান্ত দিয়ে একটা পদ্ধতির দোষগুণ কিছু বোঝা যায় না। মোটের উপর একটা সত্য এই দেখা যায়, দেবদেবীর মূর্তি গ’ড়ে যারা পূজা করে, ধর্মবুদ্ধিটাও তাদের সেই মূর্তিরই মত ছোট হ’য়ে যায়, মূর্তির উপরে আর তারা উঠতে পারে না, ভগবানের অনন্ত স্বরূপকে মনে আর ধরতে পারে না।”

“সেটা বোধ হয় ছোটবুদ্ধি নিয়ে যারা ক’রে তাদেরই হয়, মূর্তির দোষে হয় না। মন যার বড়, বুদ্ধি যার উদার উন্নত, ভক্তিতে যার প্রাণ ভ’রে গেছে, ঐ এতটুকু মূর্তির মধ্যেই সে বিশ্বের ঠাকুরকে দেখতে পায়,—বিন্দু তার কাছে বিন্দু

থাকে না, অনন্ত সিদ্ধ হ'য়ে ওঠে ! আর তা যদি না হয়, নিরাকার অনন্ত ভগবানকেও সে ছোট এক গভীর মধ্যে এনে ফেলে। আমাদের এই সমাজেও কি তা দেখা যায় না আচার্য্য মশাই ?”

“তা যায় বই কি দিদি, তা যায় বই কি ! নইলে, আমরা—নিরাকার উপাসনা করি, তাই ভাল বুঝি করি, বেশ। কিন্তু যারা মূর্তি পূজা করে, তাদের পূজার কোনও সংস্রবে কেন আসতে চাই না ? কেন তাদের থেকে সাবধানে দূরে স'রে থাকতে চাই ? কেন তাদের ভাই ব'লে আলিঙ্গন দিতে পারি না ? কেন মনে করি, তারা যেন ভগবানের রাজ্যের বাইরে কোথাও গীন হ'য়ে প'ড়ে আছে ?”

উন্মি একটু হাসিল,—কহিল, “তাহ'লে আচার্য্য মশাই, আমাকে কি ব'লতে চান ? আপনারা নিরাকার উপাসক, তাই ভাল লাগে, বেশ তাই করুন। আমার যদি সাকার উপাসনা ভাল লাগে, ধরুন শিব ঠাকুরকেই যদি আমি বিশ্বের ঠাকুর ব'লে ধ্যান ক'রে আনন্দ পাই, ভক্তিতে যদি তাঁর সাম্নেই আমার প্রাণটা মনটা নত হ'য়ে পড়ে,—তাকি ক'ত্তে পারব না ?”

“তাইত ! কি ব'লতে এলাম, আর কি বলাচ্ছ আমার দিদি ! কি জান, নিরাকার উপাসনাই বরাবর ক'রে আসছি, তাতেই আনন্দ পাই,—”

## শিব-রাত্রি

“তাই ক’রবেন। আপনাকে ত ব’লছি না আপনি সাকার উপাসনা করুন। কিন্তু আমি যে সাকার উপাসনাই ক’তে চাই। শিবরূপে কি দুর্গারূপে তিনি যদি আমার প্রাণে আস্তে চান, কি ক’রে তাঁকে ঠেলে ফিরিয়ে দেব? কেনই বা দেব? একটা শ্লোক প’ড়েছিলাম—মহানির্বাণ তত্ত্বে নাকি আছে—

‘সাকারাপি নিরাকারা মায়ায়া বহুরূপিণী।

ত্বং সর্বদিরনাদিস্বং কত্রী হত্রী চ পালিকা ॥’

চণ্ডীতেও একটি শ্লোক আছে—

‘নিরাকারা চ সাকারা সৈব নানাভিধানভূৎ।

নামান্তুরৈ গিরূপ্যায়া নান্না নাথেন কেনচিৎ ॥’

এই দুইটি শ্লোকেই কি নিরাকার সাকার উপাসনার সকল বিরোধ সকল দ্বন্দের মীমাংসা হ’য়ে যায়নি আচার্য্য মশাই?”

গৌরীচরণ কিছুক্ষণ চুপ করিয়া রহিলেন। শেষে कहিলেন, “তা হ’য়েছে দিদি। আমার চেয়ে জ্ঞানী আর কেউ এর বিরুদ্ধে আর কোনও যুক্তি আনতে পারবেন কিনা জানিনা, তবে আমি স্বীকার না ক’রে পাচ্ছি না যে হ’য়েছে। তার সঙ্গে একথাও স্বীকার ক’রে নিতে হচ্ছে, সাকার কি নিরাকার—ভক্তি যদি থাকে, যার যে ভাবে মন টানে, সেইভাবেই ভগবানকে উপাসনা ক’তে পারে। কিন্তু—আর একটা কথাও ভাবতে হ’ছে দিদি—”

“কি আচার্য্য মশাই?”

“সেদিন তোমার বাবার সঙ্গেও সেই কথা হচ্ছিল। কি জান, একটা সমাজ ভুক্ত হ’রে থাকতে হ’লে বিশেষ একটা ধর্মপদ্ধতিও অনুসরণ ক’রে চলতে হয়।”

“কিন্তু যদি তাতে আমার মন ভেঁমন না টানে? যদি অত্যধিক বিশ্বাস আমার মনে ধরে? আর সেই বিশ্বাসের অনুরূপ উপাসনাতেই মনের তৃপ্তি আমার হয়? ধরুন, আপনারা যে উপাসনা করেন তাতেও আমার ‘আপত্তি’ কিছু নাই—এই ত কালও মন্দিরে গিয়েছিলাম আপনার প্রার্থনা শুন্লাম, বেশ ত লাগল। কিন্তু তার চাইতেও—কিছু মনে ক’রবেন না আচার্য্য মশাই, বেশী ভাল লাগে আমার শিষ্ঠাকুরের ধ্যান, তাঁর মস্ত জপ, —তাকে যে এই শ্লোক প’ড়ে প্রণাম করি, তাই—

‘নমঃ শিগর শান্তায় কারণত্রয় হেতবে।

নিবেদ্যামি চ.অনং ত্বং গতিঃ পরমেশ্বরঃ ॥’

“বাঃ! চমৎকার শ্লোক ত! কে তোমার শিখিয়েছে দাদি?”

“আমার দিদিমা।”

“ও তোমার বাবার পিসিমা—যিনিই এসে এইসব গোল বাধিয়ে গেছেন?—” বলিয়া গৌরীচরণ একটু হাসিলেন। উন্মিও একটু হাসিয়া কহিল, “হাঁ, তিনিই। তাঁকে যে শুরু ব’লে মেনেছি আচার্য্য মশাই।”

## শিব-রাত্রি

“তা এমন প্রণাম, আত্মনিবেদনের এমন মন্ত্র যিনি শেখাতে পারেন, তাকে গুরু ব’লে মানতে পার বই কি দিদি।”

“হাঁ, আপনি কি ব’লছিলেন ? কোনও সমাজে থাকতে হ’লে নির্দিষ্ট একটা ধর্মপদ্ধতি মেনে চ’লতে হবে ? কিন্তু সেটা কি নিত্যসুন্দরকার ? ভিন্ন ভিন্ন লোক—যদি তাদের রুচিমত, যার যেদিকে ভক্তি হয়, সেইভাবে উপাসনা করে, পরস্পর মানিয়ে নিয়ে কি এক সমাজে তারা থাকতে পারে না ? হিন্দুদের মধ্যে শুনেছি কত রকম উপাসনার নিয়ম আছে,—তারা ত এক সমাজ হয়েই আছে ? একটা বিশেষ পদ্ধতি, ভাল লাগুক কি না না লাগুক, সকলকেই মেনে চ’লতে হবে যদি বলেন, তবে মানুষের স্বাধীনতা কোথায় রইল ? আমাদের চাইতে তাহ’লে হিন্দুর স্বাধীনতা যে অনেক বেশী আছে।”

গৌরীচরণ উত্তর করিলেন, “তোমার বাবার সঙ্গে সেই কথাই হ’চ্ছিল দিদি,—সেইটেই হ’ল শক্ত একটা সমস্যার কথা—যা এতদিন আমাদের সামনে আসেনি। তা আধ্যাত্মিক সাধনায় যতই স্বাধীনতা থাক, সামাজিক অনুষ্ঠানে কতকগুলি বাঁধা নিয়মে হিন্দুদের চ’লতে হয়।”

“তা হয়,—কিন্তু তাতে বোধ হয় কারও আপত্তি তেমন হয় না। সবার সঙ্গেই সবাই তারা মানিয়ে চ’লতে পারে। আমরা কি তা পারব না ?”

গৌরীচরণ আরও একটু ভাবিলেন—কহিলেন, “কি জান দিদি, কতকগুলি ভিনিস আমরা অত্যন্ত ব’লে বর্জন ক’রেছি— এই যেমন পৌত্তলিক কোনও অনুষ্ঠান। এখন সামাজিক কোনও অনুষ্ঠানে তার কোনও সংশ্বে যদি আনাদের যেতে হয়, তবে—”

“তার কি প্রয়োজন কিছু আছে? ধরুন, আমি ঘরে ব’সে আপন মনে যাই ভাবি, যাই করি, তাতে সমাজের কি এসে যাবে?”

গৌরীচরণ কহিলেন, “সুন্লাম, তোমার বিবাহের কথা হ’চ্ছে ঐ অনিলের ছেলের সঙ্গে। তারা হিন্দু, এখন বিবাহ যদি হয়, তবে— অনুষ্ঠানট—”

“ও, তা—ই? তা—বিবাহ—না হয় নাই হবে। তাতে যদি কোনও অসুবিধা আপনাদের হয়, বিবাহ—কি দরকার তার? থাক, নাই হ’ল।”

গৌরীচরণ কহিলেন, “আমাদের আর অসুবিধা কি? তবে কি জান, সমাজ আর ব্যক্তির পরস্পরের অধিকারের সীমা কি, তার সীমাংসা ছদিনেই যে কিছু হবে তার সম্ভাবনা নাই। তবে ইতিমধ্যে তোমার বিবাহ যদি হয়, আর তোমার বাবা কোনও পৌত্তলিক অনুষ্ঠানে তাতে যোগ দেন, তবে সমাজে—আপাততঃ— একটু অপদস্থ তাঁকে বোধ হয় হ’তে হবে। সেই কথাটাই ভাবছিলাম দিদি—”

## শিব-রাত্রি

“তা হ’লে—বাবাকে ব’লব—থাক, বিয়েতে আর কাজ নাই। নিজের মনে নিজের যেমন ভাল লাগে, তেমনি ভাবে উপাসনা যদি আমি ক’তে পারি, তাতেই কুতার্থ হব। বিবাহে—কি দরকার? বাবা অপদস্থ হবেন—ছিঃ! বিয়ে আমার নাই হ’ল।”

বলিতে বলিতে উন্মি একটি নিশ্বাস ছাড়িল। গৌরীচরণ ক’লেন, “কিন্তু এষ্ট জন্তু—তোমার নিজের আপত্তি যদি না থাকে—তবে ন্যায়মত পাত্রে তোমার বিবাহে বাধা হবে, সেটাই বা কি ক’রে তিন অনুমোদন ক’রবেন? বড়ই সমস্তার কথা দেখছি, দিদি, বড়ই সমস্তার কথা দেখছি! তারপর তোমার মা—কি জান দিদি, মনটা কি তোমার ফেরাতে পার না?”

আবার একটি নিশ্বাস ছাড়িয়া উন্মি কহিল,—“না আচার্য্য মশাই, তা পারব না। যদি কখনও আপনি ফেরে ফিরবে, জোর ক’রে ফেরাতে পারব না। বিবাহ? কি দরকার? নাই হ’ল। বাবা অপদস্থ হবেন, মা রাগ ক’রবেন,—কি ছার সুখের কামনায় বিবাহ ক’রব? না, কাজ নাই আচার্য্য মশাই!”

“দেখ, তাঁরা কি বলেন? কিন্তু তোমার আপত্তি না থাকলে এতে বাদী হ’তে তোমার মার কি বাবা কারও অধিকার নাই। একরকম প্রাপ্তবয়স্ক তুমি, তোমার জীবনের পথ তুমি নির্বাচন ক’রে নেবে। সমাজ খুসী হয়, তোমাকে বর্জন ক’তে পারে।

তোমার না বাপ, ভয় পান, তাঁরাও তোমাকে বর্জন ক'র্তে পারেন,—কিন্তু এতে বাদী তাঁরা হ'তে পারেন না! না, তা পারেন না! এ অধিকার তাঁদের নাই! আসি দিদি এখন,—আশীর্বাদ করি সুখী হও।”

যোগীন্দ্রনাথকে সংক্ষেপে তাঁহার মন্তব্য জানাইয়া গৌরীচরণ গৃহে ফিরিয়া গেলেন।

### ১৩

“এই যে! এস যোগীন্! ভাল ত সব?—সুখে থাক!”

“আজ্ঞে, শরীরগতিক এক রকম ভালই আছি। আপনি ভাল আছেন ত?”

“এই ভগবান্ যেমন রেখেছেন। তা কি মনে ক'রে বাবা?”

“একটা কথা আপনাকে নিবেদন ক'র্তে এলাম—”

“নিবেদন কি বাবা? মানুষের সম্বন্ধে ও কথাটা ব'লতে নেই। নিবেদন মানুষ ক'রে ভগবানের কাছে।”

একটু হাসিয়া যোগীন্দ্রনাথ কহিলেন, “মাফ করুন। খুব সাবধানেই আপনার সামনে কথা ব'লতে হয়, তবে মনে থাকে না। যাই হ'ক, একটা কথা আপনাকে জানাতে এলাম।”

“কি, বল।”

“আমি অকণ্ঠের সঙ্গেই উন্নির বিবাহ দেব স্থির ক'রেছি।”



## শিব-রাত্রি

“তা বেশ । উন্মিরও ত তাই ইচ্ছে ?”

“ইচ্ছে—হাঁ, মনে মনে সেই তার ইচ্ছে বই কি ? তবে আপত্তি খুব ক’রেছিল ।”

“তারপর ?”

“আপত্তি তার নিজের কিছুই নাই । ক’রেছিল আমার খাতিরে । আমার অসুবিধে হবে, অশান্তি হবে, তাই । কিন্তু তার জন্যে তার পিতা হ’লে তার সুখে কি আমি বাদী হ’তে পারি ?”

“না, তা পার না । কেবল তার সুখের কথা বলেই নয়, এই বিবাহে তার যদি কোনও আপত্তি না থাকে, সুখদুঃখের সব বিবেচনা ছেড়ে দিলেও কি অধিকারে তুমি বাদী হ’তে পার ? আশুবয়স্কা সন্তানের উপরে পিতার অধিকার এতদূর যেতে পারে না । আমিও সেই কথাটী সে দিন ব’লেছিলাম । তা অনুষ্ঠান ত হিন্দুমতেই হবে ?”

“তারা হিন্দু গৃহস্থ, ছেলের বিয়ে দেবেন,—প্রচলিত যে অনুষ্ঠান তাঁদের আছে, তা ভাগ কেন ক’রবেন ? আমিই বা কি ক’রে তা বলি ?”

“কোনও কথাও হয় নি ?”

“কথা—হাঁ, তা একটু হ’য়েছিল বই কি ? অনিল জিজ্ঞাসা ক’রেছিল, হিন্দুমতে বিবাহের অনুষ্ঠান হ’তে আমার আপত্তি আছে কি না ।”

“আপত্তি কি তোমার নাই ? ভূমি ত ব্রাহ্ম ।”

যোগীন্দ্রনাথ কহিলেন, “দেখুন, কথাটা এই বকম আমি ভেবেছি। বিবাহসভায় শালগ্রাম থাকবে, আর যজ্ঞ হবে। আমি ঠিক শালগ্রাম আর অগ্নির দেবত্ব না মানি, তাঁরা ত মানেন। তারা যদি তাঁদের ধর্মবিধি মেনে শালগ্রামকে সান্ধা রাখেন, আর অগ্নিকে পূজা করেন, আমার তাতে আপত্তি ক’রবার কি কারণ থাকতে পারে ? যজ্ঞে অগ্নির কাছে মন্ত্র প’ড়বে অরুণ আর উর্ষি, তাতে আত্মতি দেবে তারা,—আমি নই। তাদের এতে আপত্তি নাই,—আমি আপত্তি কেন ক’রব ? আমি কেবল মন্ত্র প’ড়ে কত্যা দান ক’রব। তা সংস্কৃত ভাষায় ত পাপ কিছু নাই।”

“হুঁ—! তা মোট অমুষ্ঠানটা—অংশে অংশে ভাগ ক’রে দেখ—  
বাস্তবিক তোমার কোনও দ্বিধা—কোনও আপত্তি নাই যোগীন ?”

“না। বরং এই কথাটাই আমার মনে হচ্ছে, ব্রাহ্ম কারও এতটা উদার হওয়াই উচিত, অন্তের ধর্ম-অমুষ্ঠানের সংস্রবকে বাঁতে সে বর্জন ক’তে না চায়। যে ভাবেই যে করুক, এক ভগবানেরই পূজা ত ক’চ্ছে। তাদের যে ভাবে ভাল লাগে করুক, আমার যে ভাবে ভাল লাগে ক’রব। প্রীতিতে কোনও উপলক্ষে পরস্পরের অমুষ্ঠানে কেন যোগ দেব না ? হাঁ, তেমন দ্বিধা যদি কারও থাকে, সে তা ক’রবে না। আমার সে দ্বিধা নাই।”

## শিব-রাত্রি

“বেশ, তবে তাই কর। কিন্তু তোমার স্ত্রী——”

“না, তাঁর সম্মতি পাই নাই, পাবও না। আর এজন্তে বড় অশান্তিও বোধ হয় আমার ভোগ ক’তে কিছুদিন হবে,—উষ্মি অকারণে সঙ্গে সামাজিক সংস্রবেও বোধ হয় কিছুদিন আর আসতে পারব না। তা উপায় নেই। সে ভয়ে এই কর্তব্যে পরাজুথ হ’তে আমি পারি না।”

“ভাল, তাই হ’ক তবে।”

“আপনার অনুমতি আর আশীর্বাদ প্রার্থনা করছি।”

“অনুমতি——না, আপত্তির কোনও কারণ সভ্য আমি দেখতে পাচ্ছিনে যোগীন্। তবে মনটা খুঁৎ খুঁৎ ক’ছে,—নেটা হয়ত আমার দুর্বলতা, বহুদিনের অভ্যাসজাত সংস্কারের প্রভাব। তা অনুমতি—যদি আমার অনুমতি তুমি চাও, সচ্ছন্দে তা দিচ্ছি। আশীর্বাদ করছি, তোমার আর তোমার কন্যাজামাতার জীবনে ভগবানের ইচ্ছা পূর্ণ হ’ক।”

“আর একটি প্রার্থনা আমার। বিবাহসভায় উপস্থিত থাকতে আপনার আপত্তি কিছু আছে?”

গৌরীচরণ একটু—একটু কাল ভাবিলেন,—শেষে কহিলেন,  
“না, কিছু নাই। তোমরা অসাধু কাজ ত কিছুই ক’ছ না। সরল বিশ্বাসে যা ভাল বুঝে, তাই ক’ছ। বিবাহ অতি পবিত্র অনুষ্ঠান। শালগ্রাম, অগ্নি—তা তাঁরা মানেন, পূজা ক’রেন,

করুন। চোকে দেখতে আমার বাধা কি? বেশ, আমি  
বাব,—বিবাহ সভায় উপস্থিত থেকেই তোমার কণ্ঠা জামা-  
তাকে আশীর্বাদ ক'রব। কি জান বাবা, মতের পার্থক্যের জন্য  
পরস্পরকে ত্যাগ না ক'রে, এই ভাবে মিলতে পালেই বোধ হয়  
সকল ধর্মের সমন্বয় একটা সম্ভব হ'তে পারে—যা নাকি ব্রাহ্ম  
সমাজের লক্ষ্য। এস তবে বাবা, মঙ্গল হ'ক! দেখি এই পথেই  
ব্রাহ্মধর্মের প্রবর্তন, ব্রাহ্ম সমাজের প্রতিষ্ঠা সার্থক হয় কি না!

সত্যং শিবং সুন্দরম্।”

যুক্ত করে গৌরীচরণ এবং সঙ্গে সঙ্গে যোগীন্দ্রনাথও ছুঁত  
হইয়া সেই সত্য শিব সুন্দরকে প্রণাম করিলেন।

সম্পূর্ণ।



# উপন্যাস সিরিজের

দ্বিতীয় বৎসরের প্রথম পুস্তক—

আগ্নি সংখ্যা

শ্রীযুক্ত শরৎচন্দ্র চট্টোপাধ্যায় প্রণীত—

বায়ুনের মেয়ে

কার্ত্তিক সংখ্যা

শ্রীযুক্ত যোগেন্দ্রনাথ গুপ্ত প্রণীত

লক্ষ্যপথে

অগ্রহায়ণ সংখ্যা

শ্রীযুক্ত সুরেন্দ্রনাথ রায় প্রণীত—

পরিণয়

পৌষ সংখ্যা

শ্রীযুক্ত নরেন্দ্রলাল গঙ্গোপাধ্যায় প্রণীত—

অনিমন্ত্রিত

মাঘ সংখ্যা

শ্রীযুক্ত ভূপেন্দ্রনাথ রায় চৌধুরী প্রণীত—

লক্ষ্মী

ফাল্গুন সংখ্যা

শ্রীযুক্ত যতীন্দ্রনাথ পাল প্রণীত

হিন্দু-গৃহ

শিশির পাবলিশিং হাউস্

কলেজ ষ্ট্রীট মার্কেট, কলিকাতা

# শ্রীকালীপ্রসন্ন দাশগুপ্তের

## অন্যান্য উপন্যাস গ্রন্থ

ছোট বড় ( উপন্যাস )	...	২১
ঋণ পরিশোধ	...	১৮০
পল্লীর প্রাণ	...	২৪০
দাদার ঘরে	...	৮০
বাজারার মেয়ে	...	৮০
দেবতার মেয়ে	...	৮০
কোন্ পথে	...	৮০
কুলী	...	৮০
বাসন্তী	...	১১
যুক্তি	...	১১
আপনপন্ন	...	৮০
লহর ( গল্প-সমষ্টি )	...	১৮০
পল্লব	...	১৮০
কুড়ান ফুল	...	৮০
স্বপ্নের ঘর	...	৮০
রক্ত-বিনিময়	...	১৬০
হারজিত	...	১৬০

## স্ত্রীপাঠ্য ও বালকপাঠ্য গ্রন্থাবলী

ভারত নারী	...	১৮০
রাজপুত-কাহিনী	...	১৮০
রামায়ণের কথা	...	৮৬০
পুরাণ কথা	...	৮০
সরস চণ্ডী	...	৮০







